# কঠিন মায়া



1329

গজেদ্রকুমার মিত্র



॥ ওরিয়েণ্ট বুক কোম্পানি॥

॥ কলিকাতা - ১২॥




# ॥ मागः आणारे होका॥

7.008 62.08

> ॥ প্রথম মুদ্রণ ॥ আধাত : ১৩৬৩

শ্রীপ্রক্রানকুমার প্রামাণিক কর্তৃক ৯, শ্রামাচরণ দে দ্রীট, কলিকাতা - ১২ হইতে প্রকাশিত ও শ্রীধনপ্রয় প্রামাণিক কর্তৃক সাধারণ প্রেস (প্রাইভেট) লিমিটেড ১৫-এ, ক্ষুদিরাম বস্তু রোজ, কলিকাতা - ৬ হইতে মুদ্রিত



# নিবেদন

'কঠিন মায়া' নামে আমার একটি ছোট গল্প ছিল। সেটি আমার 'রজনীগন্ধা' বইতে আজও আছে। কোন চলচ্চিত্র-প্রতিষ্ঠান গল্পটি চিত্রে রূপায়িত করতে চাওয়ায়, গল্পটি বাড়িয়ে উপন্থাসের আকারে দাঁড় করাতে হয়েছে। এই বইটি সেই প্রচেষ্টারই ফল। মূল কাহিনীর অনেকথানিই যে এতে অদল-বদল হয়েছে—তা বলাই বাহুলা। স্থতরাং এটিকে স্বতন্ত্র গ্রন্থরূপে প্রকাশ করায় কোন দোষ হয়েছে ব'লে মনে করি না। তবে এর রচনাটা প্রধানতঃ চলচ্চিত্রের প্রয়োজনেই এগিয়েছে—পাঠকরা সে কথাটা স্মরণ রাথলে বাধিত হবো। ইতি—

লেখক

4834

# কঠিন মায়া

2

সর্বেশ্বর কলকাতায় এক মেসে থাকে। কখনও কদাচিং দেশে যায়।
দেশে ওর থাকার মধ্যে আছেন এক পিসিমা। জমি-জায়গা যা
আছে তা থেকেই তাঁর সম্বচ্ছরের চালটা হয়ে যায়, কোন কোন
বছর বরং কিছু ধান বেচে ছচারটে টাকাও হাতে আসে। স্থতরাং
সর্বেশ্বরের কোন দায় নেই, বছরে খান-চারেক পোস্টকার্ড আর
মাঝে মাঝে ছ্-পাঁচটা টাকা পাঠিয়েই সে খালাস।

কিন্তু হঠাং টেলিগ্রামখানা পেয়ে সে একটু ব্যস্ত হয়েই পড়ল। টেলিগ্রাম পাঠিয়েছেন কে একজন বনমালী ঘোষাল—লেখা আছে "তোমার পিসিমা মৃত্যু-শয্যায়—শিগ্নীর এসো।" বনমালী ঘোষাল কে তার ঠিক মনে পড়ল না। পাড়ারই লোক হয়ত, দেখলে মনে পড়বে। সেটা বড় কথা নয়—পিসিমার অস্ত্রখ সেইটেই কথা। তিনি ভাল আছেন জেনেই সে নিশ্চিন্ত থাকে। নইলে টান তারও কম নয়। বাপ-মার কথা ত তার মনেই পড়েনা, এই পিসিমাই তাকে মান্ত্র্য করেছেন, এঁকেই সে চেনে ছেলেবেলা থেকে।

অতএব সে প্রায় পত্রপাঠ-মাত্রই প্রস্তুত হ'ল। কিছু টাকা যোগাড় ক'রে নিয়ে, পিসিমার জত্যে কিছু ফল ও একশিশি

হর্লিকস কিনে পরের দিনই সে ভোরের ট্রেনে চেপে বসল এবং বেলা ন-টার মধ্যেই দেশের বাড়িতে এসে উপস্থিত হ'ল।

কিন্তু ওদিকে যত ক্রতই এসে যাক্—বাজির সামনে এসে থমকে দাঁড়াতে হয় ওকে। তার চোখে-মুখে উদ্বেগ। বুড়ী বেঁচে আছে তো ? ডাকতে গিয়ে যেন গলা কেঁপে যায়। তবু প্রাণপণে গলায় জোর দিয়ে ডাকে—'পিসিমা।'

সাড়া নেই। আর একটু ইতস্ততঃ ক'রে বাগানের আগড়টা ঠেলে ঢুকে পড়ল; খানিকটা ভেতরে এসে আবার হাঁক দিলে, 'পিসিমা।'

এবার ভেতর থেকে সাড়া এল—'কেরে, সব্ এলি ? আয় আয়।'

সর্বেশ্বর আশ্বস্ত হয়ে তাড়াতাড়ি সদর দরজা ঠেলে ভেতরে চুকলো। কিন্তু একি! পিসিমা ত শুয়ে নেই। দিব্যি রান্নাঘরের দাওয়ায় বসে কাঠের উন্তনে পাতা জেলে কি যেন রান্না করছেন। সে কতকটা অবাক হয়েই দাঁড়িয়ে গেল।

'আয় রে, অমন দাঁড়িয়ে রইলি কেন ? ভেতরে আয়।' নিবন্ত উন্থনে ফুঁ পাড়তে পাড়তে বলেন পিসিমা।

তারপর চোখ তুলে চেয়ে বলেন, 'ইস! কী ছিরির চেহারা ক'নে রেখেছিস বলতো! চিরদিন কি ভোর সমান গেল ? ঐ-জন্মেই ত এবার উঠে পড়ে লেগেছি। যেমন কুকুর তেমনি মুগুর না হ'লে তোমার চলবে না।'

বাস্তবিক সর্বেশ্বরের চেহারাটা দেখবার মতই। যেমন রুক্

তেমনি শ্রীহীন, লম্বা একহারা চেহারা, কতদিন দেহে তেল জল পড়েনি তা অনুমান করাও কঠিন। মাথার চুলগুলো ধূলোয় বিবর্ণ। গায়ে একটি ময়লা কোট, সে কোট—হয়ত এককালে সাদাই ছিল, এখন ধূলো ময়লা এবং নানাবিধ দাগে তা এক বিচিত্রবর্ণ ধারণ করেছে। হাতে এক টোল-খাওয়া পুরোনো স্কুটকেশ আর এক হাতে একটা থলিতে পিসির জত্যে ফলমূল। সর্বেশ্বর অবাক হয়ে খানিকটা চেয়ে থেকে বললে,—'তবে যে শুনলুম তোমার মরণাপার অসুখ! কে এক বেটা বনমালী ঘোষাল তার পাঠিয়েছে—'

বাধা দিয়ে পিদিমা ব'লে উঠলেন,—'ওমা, ও কী কথা রে! সে তোর গুরুজন যে। তার ত বেয়াইকে আমিই করতে বলেছি। জানি যে এধারে যাই করুক, আমার অস্থুখ শুনলে সবু ঠিক ছুটে আসবে। আয় আয়, বোস—'

পিদিমা দাওয়ার ওপরই একটা পিঁড়ি এগিয়ে দেন।

সুটকেশের গায়ে থলিটা ঠেস দিয়ে রেখে সর্বেশ্বর পিঁড়িটা টেনে নিতে নিতে বললে,—'ভা ত হ'ল কিন্তু বেয়াইটি আবার কোথা থেকে গজালো? আর তুমিই বা তাকে তার করতে বললে কেন ?'

'নইলে তুই যে আসতিস না বাবা!' একগাল হেসে পিসিমা বলেন, 'তোকে তো আমি চিনি।'

'তা আমাকে আনাবার কি এমন জরুরি দরকারই বা পড়লো ?'
'তোর যে বে'র ঠিক করেছি রে! ঐ বনমালী ঘোষালের
মেয়ের সঙ্গেই।…বনমালীকে তোর মনে নেই? আমার
ভাসুরপোর আপনার পিস্ধশুর। সে-ই তোর পৈতের সময়

### কঠিন মায়া

এসেছিল এখানে ? ···বেশ মেয়েটি। আমি নিজে গিয়ে দেখে এসেছি! সামনের তরশুই বিয়ে—আজ পাকা দেখা। সব ঠিক ক'রে ফেলেছি।'

একগাল হাসেন পিসিমা।

'তা—তার মানে ?' হতভম্বের মত প্রশ্ন করে সর্বেশ্বর, 'তার মানে কি ?'

'মানে আবার কি ? বিয়ে। বিয়ের কথা শুনিস নি কখনও ? ঐ যা, উন্মাটা বৃঝি আবার নিভে গেল।' পিসিমা ব্যস্ত হয়ে ফুঁ পাড়তে থাকেন উন্মনে।

'তোমার কি মাথা খারাপ হয়ে গেল পিসিমা!' এবার সর্বেশ্বর উঠে দাঁড়ায়।

'কেন বাবা, মাথা খারাপ হবার কি আছে ? ভোমার কি বিয়ের বয়স হয়নি—এখনও কি কচি খোকাটি আছ ?'

'কচি খোকাটি নেই ব'লেই তো বলছি পিসিমা! বয়েসের কি গাছ-পাথর আছে নাকি? এখন আর বিয়ে করা সাজে না আমার।'

'আচ্ছা আচ্ছা, ঢের হয়েছে। আজকাল ছুকুড়ি বয়েস পেরিয়ে গিয়ে কত লোকে বে করেছে। তোর তো এই ষেটের চৌত্রিশ হ'ল। তা ছাড়া সে আমরা বুঝবো। আমি বুঝব—মেয়ের বাবা বুঝবে। তোর কি ? আমরা কি মরে গেছি—না তুই-ই আউট হয়ে গেছিস ?'

সর্বেশ্বর এবার ব্যাকুল হয়ে ওঠে একেবারে—'কি বলছ । পিসিমা। এই ত আমার অবস্থা, অগুভক্ষো ধলুগুণো, না চাল না চুলো—নিজেই খেতে পাই না অদেক দিন—বৌ-ছেলে পুষবো কি ?' 'তোমার ঐ বাক্যিতে ভুলেই ত এতদিন চুপ ক'রে ছিলুম বাছা, আর আমি ভুলছিনে। বৌ আমার কাছে থাকবে—আমি তাকে খেতে দেবো। একটা পেট, তার কত খরচ বাড়বে শুনি ?'

'কিন্তু তারপর ?'

'তারপর তুমি রোজগার করবে। তুমি ইচ্ছে করলেই চাকরি করতে পারতে বাছা। এখনও কি আর জুটিয়ে নিতে পারো না? না হয় অন্ত কোন কাজেই রোজগার করবে। পুরুষ মানুষ মুটেগিরিতেও প্রসা। সেজত্যে আমি ভাবি না। ঘাড়ে চাপ পড়লে পথও ঠিক খুঁজে পাবে।'

সর্বেশ্বর অসহায় ভাবে এদিক ওদিক তাকায়। আকুল হয়ে বলে—'তুমি বুঝতে পারছ না পিসিমা। 'দোহাই তোমার—'

'আমি আর কোন কথাই শুনতে চাই না। তোমার ও ভোচ্কানিতে আর ভুলছিনি। এতদিন জোর ক'রে দেওয়া উচিত ছিল—না দিয়ে আহামুকি করেছি।'

'পিসিমা লক্ষ্মীটি—কথা শোন। আর যা করতে বলবে করব। উটি পারব না।'

'ভাখ্ সবৃ! আমি সে ভদরলোকদের কথা দিয়েছি। এখন যদি তুমি গোলমাল করো ত তোমার সামনে মাথা খুঁড়ে রক্তপাত করব—তা বলে দিলুম।'

'তারা সব জানলে কখনও রাজি হ'ত না।' সর্বেশ্বর হতাশ হয়ে বলে।

# কঠিন মায়া

'তারা সব জানে বাছা—বনমালী কলকাভায় গিয়ে ভোমাকে দেখে এসেছে নিজে চোখে।'

'কী সর্বনাশ।' অতিকপ্তে সর্বেশ্বরের মুখ দিয়ে কথাগুলো বেরোয়।

'নে, এখন দাড়িফাড়ি কামিয়ে একটু সভ্য হয়ে নে দিকি। ভদ্দর লোকেরা এখুনি এসে পড়বেন। ওঁরা সকালে আশীর্বাদ করবেন—আমরা যাবো বিকেলে। যা, চান ক'রে আয়। মুখে একটু জল দে—'

সর্বেশ্বর রাগ ক'রে বলে,—'আমি দাড়ি কামাবো না—চান করবো না—কিচ্ছু করবো না। মেয়ে দিতে হয়তো আমি কেমন পাত্তর দেখেই তারা দিক্…নাও, এখন একটু চা দেবে ?'

#### 2

বনমালী ঘোষাল কথা-মত ঠিক এগারোটার সময় এদে উপস্থিত হলেন। সর্বেশ্বর ওঁরই অপেক্ষায় ওৎ পেতে ছিল—বাগানের মুখেই ধরলে। একহারা পাক্সিটে চেহারা বনমালীর। কোটের ওপর একটা চাদর গলায় বাঁধা—হাতে একটা লাঠি এবং বগলে ছাতি। ওকে দেখে বেশ প্রসন্ন হাস্থেই বললেন, 'এই যে বাবাজী, এসে গিয়েছ। বেশ বেশ। জানি আসবে। বেয়ানও তাই ব'লে ররেখছিলেন—যে দেখো, ঘড়ির কাঁটার সঙ্গে আমার ছেলেকে সমিলিয়ে নিও। আমার অসুখ শুনলে আর সে থির থাকতে পারবে না।'

বাধা দিয়ে সর্বেশ্বর একেবারে কাজের কথা পাড়লে—'দেখুন আপনাদের কি মাথা খারাপ হয়েছে ?'

'কেন বাবাজী—কৈ সে রকম তো—'

'তা নইলে আমার সঙ্গে মেয়ের বিয়ে দিতে চাইতেন না। চেয়ে দেখেছেন আমার দিকে ?'

'বিলক্ষণ! তোমাকে কি আজ থেকে দেখছি? সে-ই এভটুকু বেলা থেকে দেখে আসছি যে!'

'বলি এখন একবার তাকিয়ে দেখেছেন ?'

'এইতো দেদিনও কলকাভায় তোমার বাসার পাশে গলিতে ঘাপ্টি মেরে বসে থেকে তোমাকে দেখে এলাম—'

'আমার এই চেহারা দেখেও আপনার জামাই করতে ইচ্ছে করে ?'

সর্বেশ্বর নিজের খোঁচা-খোঁচা দাড়ি ও ময়লা কোটে একবার হাত বুলিয়ে নেয়।

'বিলক্ষণ, চেহারা ভোমার এমন খারাপটা কি ? খারাপ ক'রে রেখেছ বৈ ত নয়! তা ছাখো বাবাজী, ও অমন হয়। বেশি বয়স পর্যন্ত বিয়ে-থা না হ'লে—তার ওপর যদি একা একা বাইরে পড়ে থাকতে হয় ত—বয়সের সঙ্গে সঙ্গে নানারকম ছিট দেখা যায়। ঐ চেহারা কি ভোমার থাকবে ভেবেছ ? আমার মেয়ের পাল্লায় পড়ো—সে সব ঠিক হয়ে যাবে। মেয়েকে ত আমার এখনও দেখনি বাবাজী। মেয়ে আমার খুব কড়া— শক্ত মেয়ে।'

# कठिन गामा

दिश निम्ठिस ভादि वर्लन वनमानी शायान।

সর্বেশ্বরের মুখ আরও শুকিয়ে ওঠে।—'কিন্তু আমার চাল নেই চুলো নেই, রোজগার নেই। মেয়ের ভবিশ্বতের দিকটা একবার ভাবছেন না ?'

'কেন বাবাজী। চাল-চুলো এই ত দিব্যি রয়েছে। একটু পুরোনো? তা মেরামত করিয়ে নিলেই আবার বেশ চলবে। সব লোককে যে কলকাতাতেই থাকতে হবে তার মানেটা কি? তুমি কলকাতায় থাকবে কাজ-কারবার দেখবে, শনিবারে শনিবারে বাড়ি আসবে। তার আর গোলমালটা কি? আর ধরো ফি শনিবারেই যে আসতে হবে—তারই বা মানে কি? এই যে আমার জ্যেঠামশাই—তিরিশ বছর চাকরি করেছিলেন কলকাতায়, মোট একশ বাইশটি দিন দেশে এসেছিলেন তার ভেতর—জ্যেঠাইন্মা ত চিরকালটা দেশেই কাটালেন। ছেলেমেয়ে জমিজায়গা নিয়ে তিনি দিব্যি ছিলেন!'

'কিন্তু মেয়ে আপনার কি খাবে তার খোঁজ রাখেন ?'

'বিলক্ষণ! নইলে কি চোখ বুজে মেয়ে দিচ্ছি বাবাজী? কলকাতাতে আমার বড় ভাগ্নি-জামায়ের বাড়ি। তিনদিন সেখানে থেকে, ধরো তা ঐ তিন-কুড়িং যাট ঘণ্টাই, বলতে গেলে তোমার খবরাখবর নিয়েছি। রোজগার তুমি নানা রকমে করো তা আমি শুনেছি। খরচের হাত—ছহাতে খরচ করো।…খেয়াল হ'লে রোজগার করো—নইলে দশদিন চুপ ক'রে শুয়ে বিড়ি খাও—সব খবর আমার নেওয়া হয়ে গেছে যে! না জেনে শুনে কি

আর হাত-পা বেঁধে জলে দিচ্ছি মেয়েকে ভেবেছ বাবা ? ওসব খামখেয়াল অমন একটু আধটু-বিয়ের আগে ছোকরাদের থাকেই, ও কি আর ধর্তব্যের মধ্যে ? ঘাড়ে জোয়াল পড়লে আর কিছু থাকবে না! সে তুমি ভেবো না! আর আমার মেয়েও তেমন নয়, তাকে এখনও ছাখোনি। সে তোমাকে ছদিনে তৈরি ক'রে নেবে!

'কিন্তু'—প্রায় মরীয়া হয়ে ব'লে ফেলে সর্বেশ্বর—'কিন্তু আমার স্বভাব চরিত্র যে একদম ভাল নয়। সে কথাটা কেউ বুঝি বলেনি আপনাকে?'

উচ্চাঙ্গের হাসি হাসেন বনমালী ঘোষাল, 'হাজার হোক তুমি ছেলেমানুথ বাবাজী। ও যে কাটান-মন্তর সে কি আর তুমি আমাকে শেখাবে? না, সে খোঁজ না নিয়ে আমি অমনি স্ডেছি? সবাই বলেছে গঙ্গাজল—গঙ্গাজলের মতই পরিষার মার চরিত্র। তবে কখনও-সখনও একটু-আধটু দৈবে-দৈবে কয়ে চুরিয়ে কিছু যদি ক'রেই থাকো সে কি আর ধরতে আছে—রা গঙ্গাজলেও কত কি ময়লা এসে পড়ছে। তাতে কি গজলের মহিমা কমে? তাছাড়া মনে করো পুরুষ পরেশ, চধের গায়ে দাগ লাগে না।…চলো বাবাজী—চলো চলো

একরকম জোর ক'রেই তাকে টেনে আনেন বনমালী ঘাষাল—'কৈগো বেয়ান ঠাকরুণ, কোথায় গেলেন ?…'

'এই যে, আসুন আসুন। ... দেখেছেন ছেলের কাণ্ডটা। বললুম

এত ক'রে যে ক্ষেউরি হয়ে চান ক'রে নে—না ইচ্ছে ক'রে অমনি জংলি হয়ে রইল।'

হাসিমুখে এগিয়ে এলেন পিসীমা।

'বিলক্ষণ! আজকালকার ছেলে ওরা, গায়ে ইয়ে মেখে যমকে এড়াতে চায় যে! ওরে বাবা, গায়ে ময়লা মাখলে য়ম হয়ত ছাড়ে—বৌ ছাড়ে কি ?…আপনি মিছে মন খারাপ করবেন না বেয়ান। আমি ছেলেকে চিনে নিয়েছি—সেই জত্যেই ত কুট্ম-সাক্ষাৎ নিয়ে আশীর্বাদ করতে আসিনি। একাই চুপি চুপি এসেছি! নিন, দেন দিকি একখানা আসন পেড়ে আর একঘটি গঙ্গাজল। ধান তুর্বো আমি দিচ্ছি—সব প্রেটে ক'রেই এনেছি!

'সেকি আর আমার যোগাড় ছিল না বেয়াই!' মৃত্ব অনুযোগ করেন পিসিমা।

'বিলক্ষণ, আপনি একা মানুষ, যদি না যোগাড় করতে পেরে থাকেন। তাই জন্মেই ত—!'

বনমালী ঘোষাল নিজেই উদ্যোগ ক'রে পুকুর থেকে পা ধুয়ে এলেন। বেয়ান ঠাকরুণের হাত থেকে আসনখানা টেনে নিয়ে পরিপাটি ক'রে পেতে নিলেন। পাত্রের আসনখানা পিসিমা পেতেছিলেন—'উহু, হ'ল না বেয়ান, হ'ল না, হ'ল না। পূর্বাস্থা বসতে হবে যে'—বলে নিজে আবার ঘুরিয়ে ঠিক ক'রে পাতলেন তারপর সর্বেশ্বরের করুইতে এক হাঁচকা দিয়ে বললেন—'ভাহ'লে আর দেরী ক'রে লাভ নেই বাবাজী—কি বলো ?'

বলবার ফুরস্তও অবশ্য হ'ল না। স্তন্তিত ও হতভম্ব সর্বেশ্বরকে

प्तरा थारव ज्ञा ! .... वरन

প্রায় টানতে টানতেই এনে আসনে দ্ব হবে টবে না বাবা—
ঘটি থেকে এক খাব্লা জল নিয়ে নিজের দেখছ ত এই মেয়ের
বাকি সবটাই ছড়িয়ে দিলেন সর্বেশ্বরের গাে নয়নদার সঙ্গে
উঠল। 'সান করে নিতে হয়—সেই কাজটাই সারা দ্ব আগে
কি। বুঝলে না ?' এই ব'লে মুচকি হেসে 'ওঁ বিষ্ণু' ব'ে
ক'রে নিলেন। স্থউচ্চ কপ্তে গায়ত্রীটা সেরে যথারীতি সবে দ্ব
কপালে চন্দনের কোঁটা লাগিয়ে ধানছ্বা সিদ্ধি প্রভৃতি দিপ্লে
আশীর্বাদ করলেন। এবং অমান বদনে নিজের পা ছটি বাড়িয়ে দিয়ে
বললেন, 'তা হ'লে প্রণামটা সেরে নাও বাবাজী—যে কাজের যা।'

সর্বেশ্বর চোখমুখ বিকৃত ক'রে কোনমতে কাজটা সেরে নিলে। তখন বনমালী আবার পা গুটিয়ে নিয়ে বললেন—'অমনি গায়ত্রীটা বাবাজী—যদি মনে থাকে ত একবার আউড়ে ফ্যালো।'

তারপর টাঁটাক থেকে দশটি টাকা বার ক'রে ওর অনিচ্ছুক হাতের মধ্যে গুঁজে দিয়ে বলে উঠলেন,—'মাধব, মাধব। সর্বকার্যেস্থ মাধব।… শ্রীহরি শ্রীছ্গা! মাগো, ভালয় ভালয় চারহাত এক ক'রে দাও মা!' এই ব'লে এক হঙ্কার ছাড়লেন,— 'কৈগো, বেয়ান ঠাকরুণ। কী জলখাবার-টাবার দেবেন দিন। আমাকে আবার এখুনি রওনা হ'তে হবে।'

পাড়ার ছ-চারটি মেয়ে ইতিমধ্যে এসে গিয়েছিল। তাদেরই
একজনকে পিসিমা ইঙ্গিত করলেন। সে শাঁখটা নামিয়ে রেখে
ছুটে গিয়ে একথালা জলখাবার নিয়ে এসে বনমালীর সামনে
সাজিয়ে দিলে।

#### কঠিন মায়া

পিসিমা বললেন—'কিন্তু এখনই গেলে চলবে কি ক'রে ? ভাত খেয়ে যাবেন না ? এই ছপুর বেলা না খেয়ে যাবেন কি করে ?'

মূখের মধ্যে একটা গোটা রসগোল্লা পুরে প্রায় রুদ্ধকণ্ঠে বনমালী বললেন—'আর একদিন,—আর একদিন। সে আর একদিন হবে। আজ মোটে সময় নেই। আপনারা যাবেন, আয়াকেই ত আবার ওদিকের গোছগাছ করতে হবে ?'

9

বনমালী চলে যাবার পর সর্বেশ্বর অনেকক্ষণ সেখানেই গুম্ হয়ে বসে রইল। একটা আহাম্মুকি ক'রে ফেলেছে সে আগেই—কোটটা খুলে পিসিমার ঘরের হুকে টাঙিয়ে রেখে এসেছে। শুধু গেঞ্জিটা আছে তার গায়ে। খানিকটা বসে থাকবার পর বার-তুই সভৃষ্ণ নয়নে সেদিকে চেয়ে দেখলে সে। কিন্তু পিসিমা দাওয়া ছেড়েনজেন না।

অবশেষে একসময় প্রায় মরীয়া হয়েই উঠে পড়ল সর্বেশ্বর।
ধীরে স্কুম্থে সহজ নিরুদ্বিগ্নভাবে সে ঘরের দিকে এগিয়ে গেল।
কিন্তু জামাটার কাছে পোঁছবার আগেই পিসিমা হুলার দিয়ে
উঠলেন ওদিক থেকে,—'উহু—ওদিকে এখন যেতে হবে না সব।
বেরিয়ে আয় ওখান থেকে—'

সব মুখখানাকে প্রাণপণে সহজ করবার চেষ্টা ক'রে বলে 'না, মানে এই একটু পাড়াটা ঘুরে আসতুম।—অনেক্দিন আসিনি দেশে।' 'এখন এই ঠিক-ছপুরবেলা পাড়া ঘুরতে যাবে তুমি! নানবলে অন্য সময় ঠেলে পাঠাতে পারি না! ওসব হবে টবে না বাবা— সাফ ব'লে দিলুম। তেগমাকে আমি চিনি। দেখছ ত এই মেয়ের পাল। ও-বেলা আশীর্বাদ করতে যাবো তাও নয়নদার সঙ্গে এদের পাহারা রেখে যাবো। চারহাত এক হওয়ার আগে তোমাকে নজরছাড়া করছিনে!'

'কী মুস্কিল, আমি কি তাই বলছি। আশীর্বাদই হয়ে গেল বখন—' সর্বেশ্বর উদাসীনভাবে আবার বাইরে এসে বসে। আমড়া-গাছটার দিকে চেয়ে খুঁটিতে ঠেস দিয়ে বসে থাকে আপন মনেই। যেন কোন উদ্বেগ বা ছন্চিন্তাই নেই ওর। কিন্তু মনে মনে চিন্তাটা চলতে থাকে সাংঘাতিক ক্রতগতিতে—

তারপর একসময় পিসিমা তাড়া দেন, 'ও সবু রানা হয়ে গেল যে—এইবার মাথায় একটু তেল দিয়ে চান ক'রে আয়। তোর জাতে কি সারাদিন বসে থাকব নাকি হাঁড়ি-হেঁসেল নিয়ে? বিকেলে আবার বেয়াই-বাড়ি যেতে হবে। সে-ও ত কম পথ নয়, একঘণ্টার রাস্তা। তিনটেয় না বেরোলে সময়ে পৌছোনো যাবৈ না।'

অকস্মাৎ যেন অন্ধকারে আলো দেখতে পায় সর্বেশ্বর। সোজা হয়ে বসে বলে, 'হাা, এই যে যাই। তেলের বাটিটা দাও দিকি—'

িতেলের বাটি হাতে ক'রে সে উঠে দাঁড়ায়। পিসিমা সন্দিগ্ধকণ্ঠে বলেন,—'ও কি, বাটি নিয়ে কোথায় চললি ? মাথায় একটু দিয়ে নো না। গেঞ্জিটাও ত ছাড়লি না!'

'পিসিমা যেন কি।' আড়ে মেয়েদের দিকে তাকিয়ে গলাটা নিচু ক'রে বলে সুর্বেশ্বর—'এক পাল মেয়ে এনে ঘরে বসিয়ে রেখেছেন, তার ভেতর আমি খালি গায়ে তেল মাখব—না? তাছাড়া মাঠেও ত যেতে হবে একবার। ঘাটে বসেই তেল মেখে নেবো। গামছাখানা দাও দিকি—'

কাঁধে গামছা ফেলে বেরিয়ে যায় সর্বেশ্বর বেশ নিশ্চিন্ত ভাবেই। তারপর পুকুরঘাটের পাড়ে একজায়গায় তেলের বাটিটারেখে গামছাখানা গায়ে জড়িয়ে নিয়ে পেছনের বাগানে যায় সে। কিন্তু মাঠে বসবার তার কোন লক্ষণ দেখা যায় না, বরং একটু আড়ালে গিয়েই গতিবেগ বেড়ে যায় তার। এদিক ওদিক চেয়ে পেছনের পগারটা এক লাফে পেরিয়ে মল্লিকদের বাগানে গিয়ে ওঠে। তারপরও দাঁড়ায় না। ওদের পাঁচিলের তলা দিয়ে দিয়ে কোন মতে অপরের নজর এড়িয়ে এসে পড়ে একখানা মাঠে। তারপর সেখান থেকে আলের ওপর দিয়ে সোজামুজি ছুটতে গুরু করে। দেয়িড়, দৌড়—খানা-ডোবা ডিঙিয়ে ঝোপঝাপ উজিয়ে দৌড়—দৌড়……

পিসিমা রান্নাবানা এবং গল্পগুজবে খানিকটা অন্তমন স্কই ছিলেন। হঠাৎ খানিকটা পরে তাঁর খেয়াল হ'ল, 'হাারে সরু এখনও ত চান করে ফিরল না। মা শিবানী—একবার একটু এগিয়ে তাখ্না মা ঘাটে—'

শিবানী একট্ পরে ঘুরে এসে বললে—'কৈ পিসিমা, সর্দ ত

ঘাটে নেই—তেলের বাটিটা তেমনি পড়ে রয়েছে। চানও বোধ হয় করেনি এখনও।'

'সে কিরে! যুঁগা! পালালো নাকি রে!'

'গেঞ্জি গায়ে খালি পায়ে কোথায় পালাবে পিসিমা ? আপনি ব্যস্ত হবেন না। মাঠ থেকেই হয়ত এখনও ফেরেনি।'.

'ওরে এতক্ষণ ধরে মাঠ কিরে? সে সাংঘাতিক ছেলে মা— তার অসাধ্য কিছুই নেই। ছাখ্ছাখ্পেছনের বাগান, পগার-ধারটা একবার দেখে আয় মা—'

পিসিমা নিজেও ছোটেন পাগলের মত। কিন্তু না বাগান না পগার ধার—কোথাও তার টিকি দেখা যায় না। পিসিমা কেঁদে ফেলেন একেবারে, 'যা ভেবেছি তাই। ছোঁড়া আমাকে দ'য়ে মজিয়ে পালাল দেখছি। ভদ্দরলোকদের কথা দেওয়া সব প্রস্তুত, একি কেলেক্ষারি মা। আমি লোকের কাছে মুখ দেখাব কি ক'রে রে!'

পিসিমা ডাক ছেড়ে কাঁদতে থাকেন। শিবানী, নির্মলা, ওরা সব সান্ত্রনা দেয় ওঁকে। নির্মলা বলে—'আপনি অত ব্যস্ত হচ্ছেন কেন? এরই মধ্যে সে আর কতদূর যাবে! ছুপুরের ট্রেনও ত যায়নি এখনও। আমরা খোঁজ করছি। দেখি বরং কাউকে যদি সাইকেলে পাঠাতে পারি।'

'তাই ছাখ মা—তাই ছাখ।' চোখ মুছে সোজা হয়ে দাঁড়ান পি দিমা, 'তোরা এদিকটা ছাখ একট, আমি বরং গিয়ে বনমালীকে খবরটা দিই। সে খুব মজবুত লোক—তার হাত এড়াতে পারবে না সহজে—'

'আপনি না খেয়ে চললেন কোথায় পিসিমা—যা হয় ত্টো মুখে দিয়ে যান—'

শিবানী তাঁর হাত ধরে বলে।

'আর মা খাওয়া, এখন কি আর আমার মুখে ভাত উঠবে। সে ছোঁড়াটারও ত খাওয়া দাওয়া হ'ল না। …না মা তোরা একটু ছাখ। আমি ঘুরে আসি আগে।' তিনি চাদরটা গায়ে জড়িয়ে তখনই বেরিয়ে পড়েন।

বনমালী ঘোষাল কথাটা শুনে মুচকি হাসেন,—'ঠিক এইটিই ভাবছিল্ম বেয়ান। · · · আপনি ব্যস্ত হবেন না। বলি ঘুরে-ফিরে উঠবে গিয়ে ত দেই কলকাতায়? আপনারা এদিকটা দেখুন। এখানেই ধরা পড়ে ত ভাল। নইলে আমি সন্ধ্যের টেনে চলে যাচ্ছি কলকাতায়। ঘাপ্টি মেরে বসে থাকব। বাসায় ফিরেছে দেখলেই অমনি খপ ক'রে গে পড়ে টুটিটি টিপে ধরবো। পালাবে কোথায়? আমার নাম বনমালী ঘোষাল, আমার খপ্পর থেকে বেরিয়ে যাওয়া অত সোজা নয়।'

'যদি না আসতে চায় ? সেখানে ত তার কোট, যদি খুঁটি

সংশয় ফুটে ওঠে পিদিমার কণ্ঠে।

কিন্তু ঠিক দেই সঙ্গেই মধুর হাস্তে অভয় দেন বনমালী, 'আ পিনি ক্ষেপেছেন বেয়ান? আমার হাত সে এড়াবে? এমন কর্ব—চেঁচামেচি বাধিয়ে পাঁচটা সত্যি মিথ্যে বানিয়ে ব'লে- ্বাবাজী আমার স্থড় স্থড় ক'রে চলে আসতে পথ পাবে না। এখনও ত হুটো দিন সময় আছে, ভয় কি ?'

তারপর মেয়েকে হাঁক দেন—'মা শংকরী, দে ত মা আমার [চাদর আর ছাতাটা। এখনই ইষ্টিশানের দিকে রওনা হই।'

শঙ্করী যেন তৈরি ছিল। ছাতা আর চাদরটা বাপের হাতে গুঁজে দিয়ে পিসিমাকে আশ্বাস দেয়—'ভাববেন না পিসিমা। বে-টা হয়ে যাক—এর শোধ তুলে তবে ছাড়ব। যোল-আনার ওপর আঠারো-আনা!'

8

টেনে চড়েনি সর্বেশ্বর। প্রথমতঃ পকেট নেই স্কৃতরাং পয়সাও নেই। দ্বিতীয়তঃ টেনের দিকেই ওপক্ষের যে প্রথম নজর পড়বে তা সে জানত। স্কৃতরাং হাঁটা ছাড়া গত্যন্তর ছিল না। সারাদিন হেঁটে বিকেল বেলায় বিষম ক্লান্ত হয়ে পড়ল। ক্লুংপিপাসা ত আছেই। অবশেষে আর থাকতে না পেরে এক খাবারের দোকানের বাইরে-পাতা বেঞ্চে বসে পড়ল। খানিকক্ষণ চুপ ক'রে থেকে দম নিয়ে বললে,—'দোকানী ভাই, বামুনের ছেলেকে একটু জল খাওয়াবে ?'

দোকানীও ওকে বেঞ্চে বসা পর্যন্তই লক্ষ্য করছিল—বললে, 'আজ্ঞে হাা, খাওয়াব বৈকি।' তারপর একঘটি জল হাতে ক'রে বেরিয়ে এসে প্রশ্ন করলে,—'কিন্তু আপনার এমন ধারা হাল কেন বাবু? দেখলে ত আপনাকে ভদ্দরলোক ব'লেই মনে হচ্ছে। কিন্তু খালি পা, খালি গা—'

ADER WHE SERVE

সর্বেশ্বর থানিকটা চুপ ক'রে চোথ বুজে বসে রইল তারপর 🥟 একটু উচ্চাঙ্গের হাসি হেসে বললে,—'সে আর গুনে কি করবে ভাই—আমার আহামুকির কথা ?' তারপর আর একটু থেমে বললে,—'কাকী মারা গেছেন। আজ বাদে কাল ঘাট। খুড়ভুতো ভায়েরা ধার-দেনা ক'রে টাকা দিয়েছে, শ্রাদের বাজার করতে চলেছি কলকাতায়। পথে কুটুমবাড়ি নেমন্তন্ন সেরে যাবো ব'লে হাঁটা পথেই বেরিয়েছিলুম, কাজ সেরে বাস্-এ চাপব।… অদৃষ্টের ফের ভাই, এক জায়গায় মুখ-হাত ধোব ব'লে জামাটা খুলে পাড়ে এক গাছের ডালে টাঙিয়ে পুকুরের ঘাটে নেমেছি। वाम्-मूर्थ माथाय जल मिर्य अरम प्रिथ क्त्रमा। छोका, क्रम সব এ জামার পকেটে! ফিরে গিয়ে কী ক'রে মুখ দেখাবো বলো দিকি ? তাই রওনা দিলুম হেঁটেই—কলকাতায় পৌছে বন্ধু-বান্ধবদের কাছ থেকে কিছু টাকা যোগাড় ক'রে কতক কতক বাজার সেরে তবে ফিরব।…তাই এই চলেছি আর কি—না খাওয়া না চান, কখন পোঁছব কে জানে ?'

আবারও একটু হাসে সর্বেশ্বর অপ্রতিভের হাসি। তারপর হাতটা বাড়ায়—'দাও ভাই জলটা—'

ওর রুক্ষ চুল, থোঁচা থোঁচা গোঁফদাড়ি, ধুলোমুদ্ধ খালি পা— সবই ওর কথার যাথার্থ্য প্রমাণ করে। দোকানী একটু ই তস্তুত ক'রে বলে,—'আজে বামুন মানুষ, সারাদিন অভুক্ত, শুধু ६ দলটা দিতে পারব না। একটু মিষ্টিমুখ করতে হবে।'

'না না ভাই, ওসৰ পাগলামি করো না। জলই দুনাও।

এদিকে আবার কবে আসব না আসব—তোমার দেনা হয়ত শোধই করতে পারব না। তাতে দরকার নেই।'

'আজে আপনি ধার ব'লেই বা ভাবছেন কেন ? কখনও ত সুযোগ হয় না—ব্ৰাহ্মণ ভোজনই না হয় করালুম একদিন।'

ঈষং বিদ্রোপের স্থারে সর্বেশ্বর বলে—'কেমন ক'রে জানলে আমি বামুন? ও, এই পৈতেটা আছে ব'লে?' গেঞ্জির ফাঁক দিয়ে ময়লা পৈতেটা একটু টেনে বার করে সর্বেশ্বর। ভারপর বলে—'কিন্তু কেমন ক'রে জানলে আমি ভণ্ড জোচ্চার নই? সবটাই যে বানিয়ে বলছি না, ভার প্রমাণ কি?'

দোকানীর বিশ্বাস আরও দৃঢ়ীভূত হয়। সে বলে,—'সে বাবু আপনার ধর্ম আপনার কাছে। বামুন মানুষকে আমি সারাদিনের পর শুধু জলটা দিতে পারব না। আপনার মুখ-চোখ বসে গেছে একেবারে!'

'শুধু জল দিতে পারবে না? তবে দাও কী দেবে। আমারও আর শরীর বইছে না—'

দোকানদার শালপাতার ঠোঙায় কয়েকটা মিষ্টি এবং কিছু লুচি তরকারি এনে দেয়। তৃপ্তি ক'রে থেয়ে এক ঘটি জল পান ক'রে আরামের নিশ্বাস ফেলে সর্বেশ্বর। তারপর বলে—'কিন্তু ভাই বামুন ভোজন করালে দক্ষিণা দিতে হয় তা জানো ?'

'আজ্ঞে জানি বৈকি! যথাসাধ্য দেব।'

'উহু, উহু, যথাসাধ্য নয়। আমি বলছি।…এখান থেকে কলকাতার বাস-ভাড়া কত?'

# কঠিন নায়া

'আজ্ঞে সাড়ে ছ' আনা।'

'তবে ঐ সাড়ে ছ' আনাই নেব। আর একটা বিড়ি।'

দোকানদার হেমে সাড়ে ছ' আনা পয়সা এবং গোটা-ছই বিজ্
হাতে দেয়। আঙুলে পৈতাটা গলিয়ে আশীর্বাদের ভঙ্গীতে হাত
তুলে সর্বেশ্বর বলল—'কল্যাণ হোক। তোমার ব্যবসার বাড়বাড়স্ত
হোক, ছেলে-পুলে সুখে থাক, গতরখানি ভাল থাকুক। কী ব'লে
আর আশীর্বাদ করব। ভগবান যদি সুযোগ দেন কখনও—এদিকে
আসার, তোমার ঋণ আমি ভুলব না ভাই।'

'আজে ঋণ বলছেন কেন ? ব্রাহ্মণ ভোজন করিয়েছি—করাতে পেরেছি, ঋণ তো আমারই।'

'পয়সার ঋণটাই কী বেশি হ'ল।' ওর কাঁধে হাত রেখে সর্বেশ্বর বলে।

দোকানীর কল্যাণে সন্ধ্যার একটু পরেই কলকাতা পৌছে
যায় সর্বেশ্বর। বাস থেকে নেমে বাসা পর্যন্ত হেঁটে যেতেও খুব
কষ্ট হয় না। কিন্ত বিপদ হচ্ছে সেখানে ঢোকা। এই অবস্থায়
ঢুকতে দেখলেই সবাই হৈ-চৈ ক'রে উঠবে। নানা কৈফিয়ং।
কোনমতে সবার অলক্ষ্যে ঢুকতে পারলে এই ভাবটা দেখান্যো
যায় যে অনেকক্ষণ এসে জামা-জুতো ছেড়েছে। এত কৈফিয়তে, র
গোলমালে পড়তে হয় না। সেভাবে ঢুকতে গেলে সন্ধ্যার একটি
পরে—আটটা সাড়ে আটটা নাগাদ ঢোকাই স্থবিধা। সেইজহ্য
সে খানিকটা পথে পথে ঘুরে বেড়ালো।

কিন্তু বিধি বাম। এদিক ওদিক দেখে যেমন নিঃশব্দে সদরটি পেরিয়ে চলনে পা দিয়েছে—ওদিক থেকে প্রায় ঝড়ের বেগে গায়ের ওপর এসে পড়ল প্রভাত—মেসের মধ্যে যে ব্যক্তিটি তার ওপর সবচেয়ে চটা! ভাল ধোপদোস্ত কাপড় জামা ভেঙে সেকোন বন্ধুর বাড়ি চা খেতে যাচ্ছে। ওর সঙ্গে ধাকা লাগতেই বিরক্ত হয়ে উঠল।

'এ হে হে! যাত্রাটাই মাটি! যত্ত সব অযাত্রা, নোংরা মানুষ!'
তারপরই বোধহয় কথাটা মনে পড়ে যায়—'আরে! আপনি
না দেশে গিয়েছিলেন ? সেখান থেকে এই অবস্থায় ফিরছেন ?…
কেন বলুনতো ? পথে কারুর পকেট-মেরে ধরা পড়েছিলেন নাকি?
তাই তারা জামা-জুতো খুলে নিয়ে ছেড়ে দিয়েছে ? কী ব্যাপার!
নাঃ—আপনি দেখছি আমাদের মেসসুদ্ধ লোককে ডোবাবেন।'

'আঃ—কী যে বলেন প্রভাতবার্! থামুন না একটু।' 'থামব কেন মশাই ? এ যে আমাদের সকলকার সেফ্টির প্রশ্ন!'

ততক্ষণে প্রভাতের উচ্চকণ্ঠে আরও হু'-পাঁচজন নেমে এসেছে। 'ব্যাপার কি ?কী হয়েছে কি ?'

'আর কি হবে।' প্রভাত হাত পা নেড়ে বলে—'এই এঁর কাঞ্ড! ভোরবেলা দেশে যাচ্ছি ব'লে বেরোলেন—এখন এইভাবে ফিরে আসছেন! বুঝে দেখুন ব্যাপারটা কি!'

'না তা নয়—মানে আমি ত খানিক আগেই'—থতগত থেয়ে যায় সর্বেশ্বর।

'থানিক আগেই কি ? খানিক আগেই ফিরেছেন ? এইমাত্র যে আপনার ঘর দেখে আসছি মশাই। চাবি দেওয়া। আপনার ক্রমমেট হরিশবাবু বৈলা পাঁচটায় ফিরে আবার আমার সামনেই চাবি দিয়ে চলে গেলেন।'

'হাঁ) সেইত! চাবির জন্মেই ত তাই—'

'কেন আপনার ডুপ্লিকেট চাবি কি হ'ল ? বেশত! আপনার জামাজুতো কোথায় ছেড়ে রেখেছেন ? ব্যাগ কই ? কেন অজস্র মিছে কথা বলছেন বলুন ত ?'

সর্বেশ্বর হাল ছেড়ে দেয়। হতাশভাবে তুই হাত নেড়ে বলে,
—'ভেবেছিলুম বলব না।…আরে মশাই পিসি আমাকে মিছে
ক'রে টেলিগ্রাম পাঠিয়েছিল। অসুখ না ঘোড়ার ডিম। আসলে
আমার বিয়ের সব ঠিক ক'রে রেখেছিল। কড়া নজরবন্দী
মশাই—কোনমতে নাইতে যাবো ব'লে বেরিয়ে মাঠ-পগার ডিঙিয়ে
সারাপথ হেঁটে এই ফিরছি।'

'য়ৢৢৢৢানাদার পিস অফ হিজ ইঞ্জিনিআস্ ফেব্রিকেসন্!' প্রভাত ব'লে ওঠে, 'আরে মশাই, এটা-ওটা ছেড়ে যদি নভেল-লেখা ধরতেন তাহলেও আপনার ছপয়সা হ'ত! এমন কি পকেটমারার চেয়েও ওটা লুক্রেটিভ!'

সর্বেশ্বর তর্ক বৃথা দেখে পাশ কাটিয়ে ওপরে উঠে যায়। পিছন থেকে হাসির ঝড় ওঠে,'বেড়ে বলেছেন প্রভাতবাবু, খাসা বলেছেন।'

'হাসছেন কি আপনারা!' প্রভাত বেশ ঝাঁবের সঙ্গেই বালে ওঠে—'লোকটাকে দেখলে, আমার স্বাঙ্গ জলে যায়…ও নাকি আবার বামুন! ডার্টি সোআইন্! রাস্তার ভিথিরীগুলো ভর চেয়ে পরিকার। এক মেদে থাকতেও লজ্জা করে আমার। ম্যানেজারবাবু কী যে দেখেছেন ওর ভেতর—তা তিনিই জানেন। ...এবার দেখছি ম্যানেজারই বদলাতে হবে। রামো, রামো। যাত্রাটাই মাটি ক'রে দিলে।'

কে একজন মধ্রকণ্ঠে প্রশ্ন করলে,—'কোথায় যাচ্ছিলেন প্রভাতবাবৃ ? কোন শুভকার্যে বৃঝি ?'

'না—ঠিক তা নয়। মানে একটা চায়ের নেমন্তর—'

'সে কি! এই রাত আটটায় চায়ের নেমন্তর ? আপনার ত পৌছতে পোঁছতেই সাড়ে আটটা হয়ে যাবে।'

'কি ক'রে জানলিরে প্র্দোষ, ওঁর সাড়ে আটটা হবে ?' আর একজন ফুট কাটে।

'প্রভাতবাবুর চা খাবার ত ঐ একটিই জায়গা—বাগবাজার।… ওঁর এক অফিন-ফ্রেণ্ডের বাড়ি। ভদ্রলোকের অবিবাহিতা ভগ্নী নাকি ফাইন চা করেন।'

প্রভাত গর্জে ওঠে—'শাট আপ ! । । যা জানেন না, তা নিয়ে কথা কইতে আসবেন না । । । । বলে, যার জন্মে চুরি করি সেই বলে চোর ! । । এ জোচোর মিথ্যেবাদী ডার্টি লোফারটা যেদিন যথাসর্বস্ব চুরি ক'রে বুকে ছুরি বসিয়ে পালাবে—সেদিন বুঝতে পারবেন প্রভাত পালের দাম। তার আগে নয়। আমি কালই এ মেস থেকে রিমূভ করবার চেষ্টা করব। আর একদিনও নয়—'

প্রভাত গজগজ করতে করতে বেরিয়ে যায়!

সর্বেশ্বর স্নান সেরে ঘরে ফিরে কাপড় ছাড়তে ছাড়তেই—এসে চুকলেন বিপিনবাবু, মেসৈর স্থায়ী ম্যানেজার।

'এই যে সর্বেশ্বরবাবু। ফিরে এসেছেন আজই।…বাঁচলাম। কী শুনলাম আপনি নাকি এক কাপড়ে পালিয়ে এসেছেন ?'

'সে আর বলবেন না। পিসিমা বিয়ের ঠিক ক'রে রেখেছিল। আমি ত জানি না—বেশ নিশ্চিন্তি হয়ে গিয়ে সেই জাঁতিকলে পা দিয়েছি। কড়া পাহারা একেবারে—যাকে বলে নজরবন্দী মশাই। কোনমতে প্রাণ নিয়ে পালিয়ে এসেছি।'

'সে কি মশাই ? বিয়ে ত আনন্দের কথা !··· চিরকাল কি এইভাবে ভবঘুরে বাউভুলে হয়ে থাকবেন নাকি ?··· মাথার উপর একটা রেসপন্সেবিলিটি এসে না পড়লে জীবনটা বাঁধা-থাতে বয়না—বুঝালেন ? ওটা দরকার। তাছাড়া হাজার হোক বয়স হচ্ছেত ? এখন একটু সেবা—একটু মাধুর্য—এসব না পেলে জীবনে রইল কি ?'

'রক্ষে করুন মশাই, সেবা মাধুর্যের পেছনে যে ঠেলাটি আছে সেটা যে আমি বিলক্ষণ জানি! তাছাড়া বাঁধাখাতে জীবনটা বওয়াতেই আমার আপত্তি! আরে তাই যদি হবে তাহ'লে কি আর আজ একটা ভাল চাকরি করতে পারতুম না ?… ঐ প্রভাত পালেরই আজ অফিসার হয়ে বসতে পারতুম—তা জানেন ?'

'দেকি ?'

#### কঠিন মায়া

'আজে হাাঁ! আপনার অফিসের অজিত পিপ্লাইকে াজজ্ঞাসা করবেন। সেও তখন ঐ অফিসে ছিল। আমার মামা—গার্ডনার ওএস্টের বড়বাবু ছিলেন। ছিলেন কেন—এখনও আছেন। ওঁদের অফিসে সব মার্চেণ্ট অফিসের সাহেবরাই যাতায়াত করেন। মামা ব'লে কয়ে আমাকে চাকরিটি করিয়ে দেন। গেলেই চাকরীর কথা বলতেন ব'লে ওঁর সঙ্গে বড়-একটা দেখা করতুম না। একদিন ডেকে খুব ধমকে দিলেন, বোঝালেনও অনেক ক'রে। তখনকার মত রাজী হয়ে গেলুম। পরের দিন যেতেই সাহেব স্লিপ দিয়ে বড়বাবুর কাছে পাঠালেন— वर्षात् वरकवादत पूरल विमरत पिरलन। शैंशकाल्लिश पेकास য়্যাপয়েণ্টমেণ্ট—বছরে পাঁচ টাকা বাঁধা ইন্ক্রিমেণ্ট, তাছাড়া প্রোমোশন আছে। বড়বাবু কথাগুলি গুনিয়ে দিলেন—আর চুপি চুপি জিজ্ঞাসা করলেন কতটি ঘুষ দিয়েছি, এবং কাকে দিয়েছি। ... ও মশাই বদলুম ত। কিন্তু মনটা যে কি করতে লাগল কি বলব। মনে হ'তে লাগল কে যেন গলাটা টিপে ধরছে ছহাত দিয়ে। ... এ স্ট্র্যাণ্ড রোডের ওপর দেড়শ বছরের বাড়ি, সঁ্যাত-সঁ্যাত করছে ভিজে, গুমো গন্ধ। তার ওপর ব্রকটা ভেতর দিকে। বাইরের আলো ঢোকবার কোন পথ নেই—দিনের বেলাতেই সার সার আলো জেলে ঘাড়গুঁজে কাজ করছে স্বাই। দেখে ভয় হয়ে গেল—এমনি ক'রে কাটাতে হবে জীবনের অন্তত ত্রিশটা বছর ? শেযে আর পারলুম না—টিফিনের সময় টিফিন করবার নাম ক'রে সটান নিচে নেমে একেবারে

হাওয়া। তারপর ঐ পোদে যাকে নেওয়া হয়েছিল, সে-ই এখন প্রভাতদের সেকশনের বড়বাবু, ছবেলা সেলাম দিতে হয় ওকে।

'বলেন কি—অমন চাকরিটা ছেড়ে দিলেন ? বরাতে ছঃখ আছে আপনার।' আফশোষের স্থারে বলেন বিপিনবাবু।

'বন্ধন ছাড়া সব হুঃখ সইবে মশাই আমার! রুটিনবাঁধা জীবন আর ঘড়ি ধরা কাজ—এ হুটি আমার সইবে না।'

'তা মামা-কি বললেন?'

'সেই থেকে ত আমার মুখ দেখেন না আর! বলেছেন এবার তাঁর বাড়ি গেলে কুকুর লেলিয়ে দেবেন।'

খানিকটা চুপ ক'রে থেকে বিপিনবাবু বলেন—'যে যেমন বোঝে মশাই—এমন সব মুরুববী থাকতেও আপনার একটা হিল্লে হ'ল না। গ্রহ —গ্রহ নইলে এমন করাবে কে? খনার বচনে লেখা আছে না—সূর্য কুজে রাহু মিলে, গাছের দড়ি বন্ধন গলে! যদি রাখে ত্রিদশনাথ, তবু সে খায় নীচের ভাত। থাকয়ে রবি ভ্রময়ে ভূখণ্ড।…আপনার লগ্নের সপ্তমে অবশ্য রবি আছে।'

'রবি নয় মশাই—আছেন পবন। উনপঞ্চাশটি পাখায় ভর ক'রে নিজে ঘুরে বেড়াচ্ছেন, আমাকেও ঘোরাচ্ছেন।'

বিপিনবাব এইবার কাজের কথা পাড়েন—'সে যাক্কে যাক্, এখন আপনাকে আমার বড় দরকার। গত শনিবারে আপনার কথা না শুনে মোক্ষম হেরেছি মশাই। মাইনের সব টাকাটিই উড়ে গেছে। মেসের টাকা থেকে ক-টা টাকা পাঠিয়েছি দেশে— কিন্তু তাতে তো কুলোবে না।—এ শনিবারে একটা সিওর টিপ দিন ভাই। এই নাক কান মলছি, যদি আর কোনদিন আপনার

থা না শুনি। এইবারটি আমায় তরিয়ে দিন—।'

সর্বেশ্বর গম্ভীরভাবে ঘাড় নাড়ে—'সে আঁর হবার যো নেই বিপিনবাবু।'

'সে কি!' বিপিনবাবুর মুখখানা ঝুলে পড়ে,—'না না ও কথাটি বলবেন না সর্বেশ্বর বাবু, মারা যাবো একেবারে।… দোহাই আপনার।'

'কী করব বলুন। খবরতো আর আপনি আসে না। আসল কথাটা কি জানেন? টাফ ক্লাবের এক সাহেবের চাপরাশির সঙ্গে আমার একটু যোগাযোগ আছে। সে-ই ভেতরের খবরটা আমায় এনে দেয়। তাকে মাঝে মাঝে কিছু দিতে হয়। গত তিন মাস ধরে তাকে কুড়িটি টাকা দেব ব'লে প্রতিশ্রুত, দিতে পারিনি। গত হপ্তায় ভেবেছিলাম আপনার মোটামুটি কিছু লাভ হ'লে চেয়ে নেব। তা আপনি ত—। মোদ্দা সে কুড়িটাকা তাকে দিতে না পারলে আর মুখ দেখাতে পারছি না।'

'বলেন কি! তবে যে আপনি বলেন—ওসব আপনার ক্যালকুলেশান।'

'আরে তাই বলতে হয়! তা নইলে কথাটা পাঁচ-কান হোক, আর সে গরীব বেচারীর চাকরিটি যাক।'

বিপিনবাবু খানিকটা চুপ করে থেকে বললেন—'আচ্ছা আমি আপনাকে কুড়িটা টাকা দিয়ে দিচ্ছি। আপনি কিন্তু আমাকে কালই খবরটা এনে দেবেন।—ডোবাবেন না যেন।'

'পাগল হয়েছেন আপনি ?…এতদিন ডুবিয়েছি ?'…

বিপিনবাবু উঠে গেলেন। একটু পরেই দশটাকার ছ্থানি নোট এনে সর্বেশ্বরের হাতে দিয়ে বললেন,—'আচ্ছা আপনি এত লোককে টিপ দেন—অথচ নিজে খেলেন না কেন ?'

'ঐতো মজা! বাইরে বসে ঠাণ্ডা মাথায় বেশ ক্যালকুলেশান করা যায়—মানে টিপ আনা যায়। কিন্তু মাঠে গিয়েছেন কি আপনার অবস্থা!—সব হিসেব আর টিপ ঘোড়ার ক্রের ধ্লোয় উড়ে যায়—সেই সঙ্গে টাঁয়কের টাকাটাণ্ড। না মশাই—বেশ আছি। বোকা বটে তবে অত বোকা নই আমি।'

টাকা কুড়িটা টাঁাকে গুঁজে সর্বেশ্বর তার অতিশয় মলিন বিছানায় শুয়ে প'ড়ে একটা আরামসূচক শব্দ করে—আঃ!

বিপিনবাবৃত উঠে দাঁড়ান—'তা প্রভাতবাবু নেহাত মিথ্যে বলেন না মশাই—আপনি বড় অপরিষ্কার। বিছানা বালিশগুলো একবারও পরিষ্কার করার কথা মনে হয় না আপনার ?'

'ঐ দেখুন! ও-ও এক রকমের বন্ধন। এখানে কথা হচ্ছে যে—যে শুছে তার কোন অস্থবিধে হচ্ছে কিনা! আমার কোন অস্থবিধাই নেই। ময়লা? আপনার গায়ের চামড়াটা দেখুন ত একটা মাইক্রোস্কোপে ফেলে—শিউরে উঠবেন দেখলে।—আপনার ভেতরে কত সয়লা আছে তা জানেন ?…ঐ প্রভাত পালের মনের ময়লাটার কথা ভেবে দেখেছেন ? পৃথিবীর কতটুকু ময়লাই বা সাফ করতে পারেন ?'

বিপিনবাবু হতাশাব্যঞ্জক একটা কাঁধ-নাড়া দিয়ে বেরিয়ে এলেন।

3

মেসের বাইরের গলিতে সভ্য-পরিচিত একটি কঠের ডাক ধ্বনিত হ'ল—'বলি আমাদের সর্বেশ্বর বাবাজী ফিরেছেন নাকি? ও বাবাজী! সর্বেশ্বর!'

পর্দায় পর্দায় গলা চড়তে থাকে।

বনমালী ঘোষালের গলা। মুখ গুকিয়ে ওঠে সর্বেশ্বরের। সত্যিই ত, লোকটা এর আগে যে মেস দেখে গেছে। সে কথাটা মনে রাখা উচিত ছিল।

ঠাকুর এসে ঘরে ঢোকে,—'মুখার্জিকাবু, কে একটা বুড়োমত বাবু এসে খুঁজছে আপনাকে।'

'হাঁরে—হাতে কি লাঠি আর ছাতা ছটোই আছে দে বারুর ?'
'হাঁা বাবু। কোটের ওপর আবার একটা কোঁচানো চাদর বাঁধা!'
লাফিয়ে উঠে দাঁড়ায় সর্বেশ্বর, 'ঠাকুর আমাদের ঐ পেছনের
দিকের গলির দরজাটা খোলা যায় ?'

'কেন যাবে না। ঐ দোর দিয়েই ত জমাদার আসে সাফ্ করতে।'

'ঠিক আছে। আমি চললুম—ঐ গলিতে থাকব। আমার খবরটি যেন দিও না। তোমায় পাঁচটাকা পুরো বকশিশ দেব। আমায় ত জান, যে কথা সে কাজ!'

#### কঠিন মায়া

'তা জানি! কিন্তু বাবৃটি কে ? ওর ভয়ে আপনি পালাচ্ছেন ?'
'শ্বশুর—ঠাকুর—শ্বশুর। পৃথিবীর মধ্যে সব চেয়ে ভয়স্কর
জীব।'

'খশুর—আপনি বিয়ে করেছেন নাকি ?'

'বিয়ে করলে কি আর পালাবার উপায় থাকত ঠাকুর—
তখন শ্বশুর-কন্মেও তাড়া করতেন যে। সে বড় কঠিন বাঁধন।
এ হ'লে-হ'তে-পারত শ্বশুর।'

নীচের প্রবেশ পথে গলাটা আবারও বেজে উঠল—'ঠাকুর মশাই কোথা গেলেন গো? আর অত খবর দেওয়াদেয়ির আছেই বা কি? এটাতো মেস—কাউর ঝি-বোতো থাকেনা এখানে? আছো, আমিই যাচ্ছি।'

'সর্বনাশ, এসে পড়ল যে!—ঠাকুর, যাও যাও—' কোনমতে আলনা থেকে আর একটা জামা টেনে নিয়ে গায়ে দিতে দিতে বেরিয়ে পড়ল সর্বেশ্বর।

কিন্তু ততক্ষণে নীচে সিঁড়ির মুখে এসে গেছেন বনমালী ঘোষাল। সর্বেশ্বর নিঃশব্দে পাশের একটা ঘরে ঢুকে পড়ে দোরটা ভেজিয়ে দেয়। বনমালী ঘোষাল লাঠি ঠক ঠক করতে করতে ওপরে ওঠেন। তারপর গলা-খাঁকারি দিতে দিতে যান সর্বেশ্বরের ঘরের দিকে। সর্বেশ্বর ইতিমধ্যে তরতর ক'রে সিঁড়ি দিয়ে নেমে পেছনের কানাগলিতেই বেরিয়ে পড়ে।

এধারে বনমালী ঘরে ঢুকে এই প্রথম একটু হতভম্ব হয়ে যান।
'একি! ভুতুড়ে কাগু নাকি রে বাবা। এই গুনলুম ওপরের

ঘরে আছে—এই একেবারে হাওয়া! বলি ও ঠাকুরমশাই—বাবাজী ুগেলেন কোথায় বলো ত ?'

ঠাকুর রীতিমত বিস্থায়ের ভাগ ক'রে বলে—'ঘরে নাই আজ্ঞা ?' 'অ—তুমিও বুঝি বাবুর দলে আছ ?' 'আজ্ঞে ?'

'বৃঝলুম—বৃঝলুম—তা আমার নামও থাকে বলেগে বনমালী ঘোষাল—বাবুকে শুনিয়ে দিও, বুঝলে! আমিও অত সহজে নড়ছিনি। এই গোড়া গেড়ে বসলুম। বাসা ছেড়ে আর কতদিন থাকবেন শ্রীমান? দাও দিকি বাপু এক কাপ চা আনিয়ে, গলাটা শুকিয়ে কাঠ হয়ে গেছে একেবারে। রাধামাধব।'

'আজে তা দিচ্ছি—পয়দা ?'

'বাবুর হিসেবে আনগে—বুঝলে? আমি হলুম গিয়ে বাবুর শুগুর। আমাকে খাইয়েছ জানলে বাবু রাগ করবে না।'

'शुख्त ? वावू विरयं करत्र एक नाकि ?'

'আর ছটো দিন, ছটো দিন সবুর করো—ছটো দিন পরেই বাবা ব'লে ডাকতে হবে। না ব'লে উপায় নেই। যাও, যাও—'

ততক্ষণে মেসের ছচারজন লোক ওপরে এসে গেছে। প্রভাতও ফিরে এসেছে ততক্ষণে। সে-ই সকলকে ঠেলে সরিয়ে সামনে এসে দিড়িয়ে বললে—'ব্যাপারটা কি বলুন তো? পালিয়ে বেড়াছে কেন? কেসটা কি ? ফোরজারি ? লারসেনি ? চিটিং না অন্য কিছু ? বেপ ? মার্ডার ?'

'রোদ বাবা, রোদ। ফৌজদারি আইনের ছড়া আউড়ে গেলে

যে একেবারে! তুমি বুঝি ওর কোন হিতাকাদ্দী বন্ধু ? তা বাবা অতদূর এখনও গড়ায়নি। কেসটা হ'ল গে সিম্পল্ ম্যাট্রিমনি, —যাকে বাংলায় বলে বিবাহ।

'অ, বিবাহ। তা বিবাহ হয়ে গেছে, না হবে ?'
'হবে বাবা। হবারই ত কথা!'

'ভা হ'লে পালিয়ে বেড়াচ্ছে কেন ও লোকটা অমন ক'রে ?'

প্রশান্তহাস্থে মুখখানি রঞ্জিত হয়ে ওঠে বনমালীর,—'হবার আগেই ত পালাবার কথা—পরে আর পালাবার জো কি! সে যে কঠিন বাঁধন!' তারপর একটু থেমে বলেন—'ছেলেমানুষী বাবা। তবে আর ছেলেমানুষী কথাটার স্মষ্টি হ'ল কেন ?···বয়েস যতই হোক—বে-র সময় সবাই ছেলেমানুষ হয়ে যায়। ···বে-র ভয়ে পালিয়ে বেড়াচ্ছে!'

'বিয়ের আবার ভয় কি মশাই ? মেয়ে কি আপনার তাড়ক। না স্প্নিখা ?'

'ঠিক তা নয়। তবে ভেতরে ভেতরে ধরুন অনেকেই ত এ জাতীয়া, সাক্ষাং মহাপুরুষরাই বলে গেছেন—পলক পলক লোহু চোষে। তবে বাইরেটা মোহিনী না হোক—এ কাছাকাছি!… তার জন্মে নয় বাবা,…ভয় একটু হয়। স্বাইকারই হয়। এই ধরোনা কেন আমি। আমারই যখন বে-র কথা হয়—সাত রাত— সাতিট পুরো রাত—ভয়ে চোখে পাতায় করতে পারিনি!

প্রভাত একটু হতাশ হয়েই দাঁতে দাঁত চেপে বললে— 'রাবিশ!' প্রদোষ গলা নামিয়ে বললে,—'তাহ'লে সর্বেশ্বরবাবু ত ঠিকই বলেছিল, মিছিমিছি আমরা সন্দেহ করছিলুম—!'

নেমে যেতে যেতে প্রভাত বললে,—'চোরের সাক্ষী গাঁটকাটা! ঐ একদলের লোক—খবর নিয়ে জাত্মন ?'

প্রভাত নেমে গেলে প্রদোষ জিজ্ঞাসা করলে,—'ভা এখন কি করবেন আপনি ভাউই মশাই ?'

'অবস্থান। আজকাল ঐ তোমরা যাকে বলো অবস্থান ধর্মঘট।…টাকাকড়ি বিশেষ আনতে পারিনি তাড়াতাড়িতে। তা সর্বেশ্বর তেমন ছেলে নয়। এখন চালিয়ে নাও তোমরা—এরপর সে কড়ায় গণ্ডায় শোধ ক'রে দেবে'খন। বেশি কিছু আমার লাগে না বাবা—দৈনিক ধরোগে কাপ-দশেক চা, দশবারো ছিলিম তামাক—অভাবে এক বাণ্ডিল বিড়ি—আর ত্বেলা তুমুঠো ভাত। জলখাবার? সে দিলেও হয় না দিলেও হয়।'

প্রদোষ বললে—'এ-ত সামাক্টই। তা একরকম ক'রে হয়ে যাবে। তা হ'লে থাকুন এখানেই। এই বিছানায়—থাকতে পারবেন ?'

'থাকতেই হবে বাবা। এই গায়ের চাদরটাই না হয় ওপরে
বিছিয়ে নেব। শুধু হাতে তো ফেরবার জো নেই। তাহ'লে সে
মেয়ে আর তার গর্ভধারিণীতে মিলে জোড়া মহিষমর্দিনীর পার্টে
মেয়ে আবে। মহিষ কিন্তু পড়ব তখন গে আমি একটিই—ব্ঝলে
নাং থেকেই যাই—বাসা ছেড়ে আর ক-দিন থাকবে ং ফিরতেই
হবে একদিন।'

পাশের কানা-গলিতে অনেকক্ষণ কান পেতে দাঁড়িয়ে রইল সর্বেশ্বর। কিন্তু হ'লে-হ'তে-পারত শৃশুরের কথাগুলি কানে যেতে আর সেখানে দাঁড়াবার প্রয়োজন রইল না। সে একটা দীর্ঘণাস ফেলে বড় রাস্তায় বেরিয়ে পড়ল এবং লক্ষ্যহীনভাবে একটা দিক ধরে হাঁটতে লাগল। বাপ-মা মরা ছেলে সে—পিসির আদরেই মানুষ। পিসিকে যে যথেগুই ভালবাসে, কিন্তু আজ পিসিকেই যেন চরম শক্ত ব'লে মনে হতে লাগল।

অন্তমনস্কভাবে হাঁটতে হাঁটতে কখন যে ভবানী শীলের লেনের মোড়ে এসে পড়েছে তা সে ব্রাতেও পারেনি। হঠাং চমক ভাঙল গলির নেমপ্রেটটা চোখে পড়তে। সঙ্গে সঙ্গেই প্রায় মনে পড়ে গেল, ওর বন্ধু স্থনীলকান্তি এই গলিতে কোথায় থাকে। নম্বরটা মনে নেই অবশু। তাতে কি ? সে প্রথম বাড়ি থেকেই প্রশ্ন করতে করতে এগোল—'হাঁ৷ মশাই, এ বাড়িতে স্থনীলকান্তি চাকলাদার কেউ থাকে ? কালো রোগা, একটু বাঁকা মতন চেহারা ? থাকেনা ? আচ্ছা কিছু মনে করবেন না—বিরক্ত করলাম।'

—'কত নম্বরে থাকেন তিনি ?' কেউ হয়ত প্রশ্ন করে।

'নম্বরই যদি জানব তাহ'লে এ ভাবে বিরক্ত করব কেন ? গলির নামটা মনে আছে এই ঢের। যে বাজার, আজকাল লোকে নিজের বাপের নামই ভূলে যায়।'

সে হয়ত উত্তর দিলে,—'কিন্ত এভাবে আপনি কলকাতায় বাড়ি খুঁজে বার করতে পারেন ? নম্বর না জানা থাকলে—' 'কিছু না কিছু না—কোঁন অসুবিধাই নেই। এইটুকু ত গলি, শ্রেক্ থিওরি অফ্ এলিমিনেশান চালাব—ব্ঝলেন না ? বাদ দিতে দিতে একটা বাড়িতে পাতা মিলবেই ? আচ্ছা চলি।'

সে আবার এগিয়ে যায়। অবশেষে এক সময় তার উভ্নম পুরস্কৃত হয়। দেখা যায় যে বেশি দূর নয়—১।০)১৭।এফ নম্বরটিতেই সুনীলকান্তি চাকলাদার ভাড়া থাকেন। দোতলা বাড়ি; বিশফুট রাস্তা থেকে বারোফুটে ঢুকে তা থেকে ছফুট চওড়া কানাগলিতে পড়লেই বাড়িটা পাওয়া যাবে। অন্ধকার গলি, নিচের তলায় দিনের বেলাও আলো জালাতে হয়। সেই জত্যে বাড়িওলা নিচের ঘরে আলোর পয়েন্টের জত্যে ছটাকা ক'রে বেশি নেন। তা হোক, রাতে তার জত্যে অসুবিধে নেই। স্ববাড়িই একরকম দেখায় রাত্রিবেলা।

'সুনীল, সুনীল' ক'রে হাঁক দেয় সর্বেশ্বর। অনেকক্ষণ পরে শতছিল একটি গোঞ্জি গায়ে দিয়ে বেরিয়ে আসে ওর বন্ধু সুনীল-কান্তি চাকলাদার।—'কী ব্যাপার! সর্বেশ্বর, তুই এতকাল পরে!'

'শোন্'—ব'লে একেবারেই কাজের কথা পাড়ে সর্বেশ্বর, 'আমাকে দিন ছই-এর জত্যে একটু আশ্রয় দিতে পারিস?'

যেমন সোজা প্রশ্ন তেমনি সোজা উত্তর দিলে স্থনীল,— 'উহু, তা সম্ভব নয়। দশ-বাই-বারো ঘরে আমরা সাতটি প্রাণী থাকি। তার মধ্যে তুমি নাক গলাবে কেমন ক'রে?'

'বুঝলাম। ঘর ভাড়া আছে?'

'না, তাও নেই। বারোখানি ঘর এবাড়িতে। বাড়িও'লাকে নিয়ে বারোটি ফ্যামিলিই থাকে।'

'তা হোক, ডাক দেখি তোর বাড়িও'লাকে।' 'ঘর নেই বলছি—'

'ডাক্না তুই ভদ্রলোককে। তোর অত কথায় দরকার কি ?'
আর দিরুক্তি করে না স্থনীল। চলনের মুখে গিয়ে ডাকে—
'প্রতাপ বাবু, ও প্রতাপ বাবু', তারপর ভেতর থেকে সাড়া মিলতে
ফিসফিস ক'রে বলে সর্বেশ্বরকে—'শ্বশুরের বাড়ি এটা। আর কোন
রোজগার নেই, এই ভাড়া থেকেই সংসার চলে। ভারি কঞুষ।'

একটু পরেই খাটো পাঁচহাতি ধুতি প'রে প্রতাপবাবু নেমে আসেন। হাতে একটি আধপোড়া বিড়ি। মোলায়েম কঠে প্রশ্ন করেন, 'ডাকছিলেন স্থনীলবাবু ?'

'আজে, আমি নই ঠিক, আমার এই বন্ধু—ইনি আপনাকে খুঁজছিলেন। বল্না রে কী বলবি—এঁরই নাম প্রতাপচন্দ্র দত্ত, আমাদের বাড়িওলা।'

'নমস্কার। আমি একটু ছোটখাটো আশ্রয় খুঁজছিলাম। অবিশ্রি ভাড়া দেব।'

মুখে অদ্ভূত একটা চু-চু শব্দ ক'রে প্রতাপবাবু বলেন,— 'তাইত—আপনি বড় মুখ ক'রে বললেন একটা কথা—কিন্তু কোন উপায়-ই যে নেই! বাড়িতে আমার ডেরাটা বাদ দিলে দাঁড়ায় এগারোখানি ঘর। তা ধরুন যেটের—এগারোটি ফ্যামিলিই আছে আপাতত। আপনাকে কোথায় থাকতে দিই বলুন ?' 'আজে যদি অনুমতি করেন—আমি ঠিক খুঁজে নেব। আমাকে একবার বাড়িটা দেখতে দেবেন ?'

প্রতাপ বাবু করুণার হাসি হাসেন একটু—'দেখুন আমরা হলুম গে বৌবাজারের দত্ত। ভবানী শীলের দেউভুর বংশ আমরা, জঙ্গল কেটে আমরাই এতবড় শহরটা গড়েছি। ভাড়া দেবার জায়গা আছে অথচ ফেলে রেখেছি, এমনটা ভাবছেন কেন?'

'আজে, আমিও হলুম গে বামুন—মুখুজে, ফুলের মুখুটি। আমরা আবার আপনাদের ঠকিয়ে খেয়েছি চিরকাল। এই পাথর থেকে রস বার করি যখন—তখন আমরা ঠিক খুঁজে নিতে পারব। আমি একদিন মাত্র এসেছিলুম—কিন্তু তবু মনে আছে, দোতালার সিঁড়ি দিয়ে ওঠবার মুখটাতে একটা চোরাবারান্দামত আছে। কোনমতে একটা লোক শুতে পারে—'

'আজে হাঁা আছে বটে। ভাড়াটেদের কাঠ-ঘুঁটে থাকে।'

'বিলক্ষণ! তাদের কাঠঘুঁটের জত্যে আপনার একটা আয় মাটি করবেন? ঐটিই আমাকে ভাড়া দিন—আমি মাসিক ছটি টাকা ভাড়া দেব!'

লোভে ও ঔৎস্থক্যে প্রতাপবাবুর চোখ-ছটি জ্বলতে থাকে। ভবু বলেন—'কিন্তু তার যে তিন দিক খোলা—রোদ আছে জ্বল আছে। তাছাড়া—'

'পদা টাঙিয়ে নেব আমি, সে আমার খরচ। মোটা চটের পদা। যদি উঠে যাই আপনারই থাকবে।'

কিন্ত প্রতাপবাব্ তাঁর আগের কথারই জের টালেন, ভাছাড়া

আমার সব ফ্যামিলি ভাড়াটে। আপনাকে, একা পুরুষমান্ত্য— ভাড়া দিই কি ক'রে ?'

'কি মুক্ষিল—এই ত সুনীলরাই রয়েছে। ওর ফ্যামিলি আর আমার ফ্যামিলি কি আলাদা? হরিহর আত্মা যে। এক গলায় জল ঢাললে ছ গলায় পড়ে। নেহাং ওদের ঘরে জায়গা নেই—মানে মাপে বেরোয় না, ছ'ফুট বাই ছ'ফুট এই বারো বর্গফুট ত চাই কমসে কম—তাই এত কষ্ট।'

'তা ভাড়াটেরা যদি জিজেন করে ?'

'বলবেন—স্থনীল আমার নিকট আত্মীয়—ধরুন আমার স্ত্রীর ভাই।'

स्नील এक है। व्यक् है कि शालाशाल निरंश निर्ल ।

সে রাতটার মত স্থনীলের কাছ থেকে একটা মাত্র আর বালিশ ধার ক'রে নিয়ে কাটল। ভোরবেলা উঠে গিয়ে নিজেদের গলির মোড়ে দাঁড়িয়ে বিপিন বাবুর সঙ্গে দেখা করলে সর্বেশ্বর। শুনলে, বনমালী ঘোষাল খোসমেজাজে বহালতবিয়তে তার ঘরে অধিষ্ঠান করছেন এবং পালা ক'রে বাকী সমস্ত অধিবাসীদের ঘাড় ভেঙে চা খেয়ে যাচ্ছেন ক্রমাগত।

আবারও একটা দীর্ঘধাস ফেললে সর্বশ্বর। বিপিন বাবুকে তাঁর 'সিওর টিপ' দিয়ে বাজারে গিয়ে গোটা ছুই চটের পর্দা এবং সামাগ্র একটু বিছানা কিনে নিয়ে ভবানীশীলের লেনে ফিরল। পাকাপাকি-ভাবে ওখানে বাসা বাঁধতে হবে এখন, অন্তত কিছুকাল। সেই দিনই সর্বেশ্বর বাকী ভাড়াটেদের সঙ্গে আলাপ জমিয়ে তুললে।

বাজার থেকে ফিরে পর্দা টাঙাতে টাঙাতে শুনলে—একটি বৃদ্ধা মহিলা বেশ চেঁচিয়েই প্রতাপ বাব্কে বলছেন—'বলি অ বাড়িওলা ছেলে, এ তোমার কি রকম ব্যাভার গা বাছা? বলি ভূমি আমাদের কাছ থেকে মাস মাস টাকা নাও, না দ্য়াক'রে অমনি থাকতে দিয়েছ?'

'কেন বলুনতো পিসিমা—কি হয়েছে ? কি করলুম ?'

'কি না করলে বাছা? বলি বলা নেই কওয়া নেই কোথা থেকে একটা হাড়-হাবাতে বাউগুলে, বখাটে ছোকরাকে এনে ঢোকালে। ওর যা চেহারা, দেখলেই তো বোঝা যায় জোচ্চোর বখা ছোকরা। এবাড়িতে এতগুলো লোক মেয়েছেলে নিয়ে বাস করছে সে কথাটা ভাবলে না একবার আক্রেলটা কি ভোমার বলতে পারলে না যে পরিবার মেয়ে-ছেলে নিয়ে আস্থন তবে ভাড়া দেবো ?'

'আজে—সুনীলবাবুর আত্মীয় ব'লেই—'

'কিসের আত্মীয় স্থনীলবাবুর ? চোদ্দপুরুষের নাউখোলা আমার! মুখুজ্যে আর চাকলাদার আত্মীয় হয় ? আমরা বামুন নই ? আমরা জানিনা কিছু ? বাবা, আমরা হলুম গিয়ে নৈকৃষ্টি কুলীন, আমার দাদামশাই কখনও ভিন্ন গোত্তরের জলে পা ধোয় নি…। ঠক জোচ্চোর লোক, এটা তুমি বুঝলে না ? এই বুদ্ধিতে তুমি বিষয় দেখবে ? বলি বয়েস তো হয়েছে। ছেলেমানুষটিতো আর নেই—'

## কঠিন নায়া

একটি বছর পনেরো-যোলর মেয়ে বালতি হাতে বোধকরি নীচের কলতলায় জল আনতে যাচ্ছিল। পেরেকটা মুখ থেকে নামিয়ে সর্বেশ্বর তাকে ডাকলে—'শুরুন—'

মেয়েটি কিন্তু সে ডাক কানেই তুলল না। যেমন অত্যমনস্কভাবে যাচ্ছিল তেমনিভাবেই সিঁড়ি দিয়ে নামবার উপক্রম করলে। সুর্বেশ্বর আবার ডাকলে—'শুনছেন, শুরুন—'

এইবার মেয়েটি ফিরে তাকাল। তার চোখে যৎপরোনাস্তি বিস্ময়!

'আমাকে ডাকছেন ?'

'হ্যা—আর কে আছে এখানে ?' একটু বিজ্ঞপের স্থুরেই বলে সর্বেশ্বর।

'আমি বুঝতে পারিনি। আমায় তো কেউ ওভাবে ডাকেনা।' 'তবে কি ভাবে ডাকে ?'

'আমার নাম টেঁপি। আমাকে তাই ব'লেই ডাকে। আপনি-আজে কেউ করেনা।'

'ও, টে'পি নাম বুঝি ? তোমার বাবার নাম কি ? কোন্ অরে থাক তোমরা ? বাবা কি করেন ?'

'আমার বাবার নাম মহিমচন্দ্র চক্রবর্তী—ছাপাখানায় কাজ করেন। ঐ ওধারের কোণের ঘরটায় আমরা থাকি।'

'আছো ঐ যে বুড়িটা অত বকাবকি করছে নিচে—কে বলো দিকি ?'

মেরেটা আরও একটু কাছে সরে আসে। গলা নামিয়ে বলে—

'ও বাম্ন-পিদি। ভারি বদমাইস বুড়ি। ওকে সকাই ভয় করে।'

'কেন, ভয় করে কেন ?'

'ও যে জিনিসপত্তর বাঁধা রেখে টাকা ধার দেয়—তাও চড়া স্থদে। সকলেই কিছু না কিছু ধারে, সেই জত্যে কেউ ওকে রাগাতে সাহস করেনা।'

'ওর আর কেউ নেই ?'

'কে এক ভাইপো আছে—তা তাকেও আমল দেয়না। মাঝে মাঝে আসে খবর নিতে, তাকে দিয়ে বাজার-হাট করিয়ে নেয় কিন্তু কখনও একটা বাতাসা হাতে দিয়ে জল খেতে বলে না। ২।ড়কিপেট বুড়ি—বলে ওরা সব আমার বিষয় টেঁকে বসে আছে।'

এক নিশ্বাসে কথাগুলো বলে যায় টে পি।

ওধার থেকে বোধ করি তার মা-ই ডাক দেন—'বলি ও টে পি তোর জল নেওয়া হ'ল ?'

'যাই এখন—য়ঁগ ?' টে পি ক্রত নেমে যায়।

সর্বেশ্বরও প্রায় সঙ্গে সঙ্গে নেমে আসে। বামুনপিসি তখন স্থান সেরে ভিজে কাপড়েই দাঁড়িয়ে দাঁড়িয়ে প্রতাপবাবুর সঙ্গে ঝগড়া করছেন। সর্বেশ্বর তরতর ক'রে নেমে এসেই তাঁকে গড় হয়ে এক প্রণাম ক'রে বেশ ভক্তিভরেই পায়ের ধূলো নেয়!

'ওমা—এ আবার কি! হাঁ-হাঁ বাছা করে৷ কি ? এই চান ক'রে এলুম যে—এখনও পূজো-আচ্চা বাকি, এ আবার কি ঢঙ্ ?'

#### কঠিল মায়া

সর্বেশ্বর হাত জোড় ক'রে বলে—'আপনিতো এখনও ভিজে কাপড়ে আছেন মাসীমা, ছুঁলেই বা দোষ কি ?'

'দরকারই বা ক্লি বাছা? কথায় বলে অতিভক্তির গলায় দড়ি।'

'মাসীমা, বামুনের ছেলে, নেহাং কারে-পড়েই আশ্রয় নিয়েছি, তাড়িয়ে দেবেন ?'

বলার সঙ্গে সঙ্গেই জামার ভেতর থেকে অতি-মলিন পৈতেটা বার করে।

বাম্নপিসি একটু নরম হয়ে যান প্রায় সঙ্গে সঙ্গেই।—'আমি তাড়াবার কে বাবা? তুমি বাড়িওয়ালার কাছে থেকে ভাড়া নিয়েছ, টাকা দিয়েছ গুণে। আমি বললেই বা তুমি যাবে কেন ?'

'তা কি হয় মাসীমাণ আপনি হলেন এঁদের মায়ের মত। আপনি না মত দিলে তাঁরাই বা রাখবেন কেন ? আর আমিই বা থাকব কেন ?'

'তা থাকো না বাছা—আমি কি আর তোমাকে তাড়াবার কথা বলেছি ? পেরতাপকে তার আকেলের কথাটাই বলছিলাম। বয়েস হয়েছে, এখন তো আর ছটো পয়সার লোভে যা-তা একটা কাজ ক'রে বসলেই চলবে না, বুঝে সমঝে চলতে হবে। তা তুমি এত নোংরা কেন বাছা ? বামুনের ছেলে একটু সাফ হয়ে থাকতে পারো না ?'

'আমি যে বাবা সর্বেশ্বরের দোর-ধরা ছেলে মাসীমা। বাবার নিষেধ—আমাদের খুব পরিষ্কার হ'তে নেই।' 'ও, তাইতো বলি। তা থাকো বাছা থাকো। পরের ঝি-ঝেরের দিকে উচু নজরে চেয়ো না, তা হ'লেই হ'ল!'

0

এর দিন ছই পরেই একদিন সকালে—চাক্রেরা বেরিয়ে গোলে বেলা দশটা নাগাদ টে পিকে দেখতে পেয়ে সর্বেশ্বর ডাকে
—'অ থুকী—কি যেন তোমার নাম, টে পি না? শোন একবার।'
টে পি কাছে এসে দাঁড়ায়। 'আচ্ছা এ বাড়িতে কারুরই কোন
চাকরটাকর নেই, না?'

'না,—ত। তু একজনের ঠিকে-ঝি আছে তারা কাজ ক'রে দিয়ে চলে যায়। কেন বলুন ত।' টে পি কৌতৃহলী হয়ে জিঞাসা করে। 'না—মানে, এই এক বাণ্ডিল বিড়ি আনাতুম আর কি!'

'এই কথা। তা বেশ ত আমাকেই প্রসা দিন না, আমি এনে দিচ্ছি।'

'না না ছি! সে কখনও হয়।···তুমি দোকানে গিয়ে বিড়ি আনবে কি?'

'তাতে কি হয়েছে। আমি ত যাই—ই। বাবার বিড়িও তো এনে দিই। তাছাড়া দোকান-পাট ত প্রায়ই আমাকে করতে হয়। সকালে ত ছ'ঘণ্টা মোটে সময় বাবার—তা বাজার করতে, তুধ আনতে, ডাক্তারখানায় যেতেই কেটে যায়। দোকান ত আমাকেই করতে হয় বেশির ভাগ দিন।' তারপর একট্ থেমে বলে, 'এই ত আমি চিনি আর ডাল কিনতে যাচ্ছি, দিন না, এনে দেব।'

'বকবে কেন ? ব'লো যে তোমার এক দাদা দিয়েছে ? কেমন ?' তারপর একটু ইতস্ততঃ ক'রে বলে,—'তোমাদের এখন চা হবে নাকি টেঁপি ?'

'এই বাবা এলেই হবে। কেন—খাবেন আপনি ?' 'যদি ভোমার মা বিরক্ত না হন—'

'না না বিরক্ত হবেন কেন ? আমি দিয়ে যাবো'খন—' টে পি প্রায় ছুটতে ছুটতে চলে যায় টফির ঠোঙাটা হাতে নিয়ে।

এদিকে মেদের অবস্থা ভাল নয়। বনমালী ঘোষাল পুরোদস্তর অবস্থান করছেন আর দে অবস্থিতির মাহাত্ম্য প্রতি-নিয়তই এই বাদার অধিবাদীরা অন্তব করছে। প্রদোষ ত দেদিন সকালে প্রায় কাঁদো-কাঁদো হয়েই বিনয়বাবুর ঘরে ঢুকল—'দেখুন ত বিনয়দা—এ কী অত্যাচার। যখনই আমি সিগারেট আনতে দেব —বুড়ো কোথায় যেন ওং পেতে থাকে—সিঁড়ির মুখেই চাকরটাকে ধরে প্যাকেট থেকে হুটো তিনটে বার ক'রে নেবে!'

বিনয়বাবু বলেন—'কাকে বলছ ভাই! খুশী মত চা খাবারও জো নেই আমার। জানই ত একটু বেশি চা না খেলে আমার চলে না— তা যতবারই আনতে দেব—কেপ্টর সঙ্গে-সঙ্গেই ঘরে ঢুক্বে বুড়ো, আর রেডি একেবারে—একটি গেলাস হাতে ক'রে আসবে— কী বাবাজী চা হচ্ছে নাকি আর একবার। তা দাও দিকিনি এক বিজুক আমার এই গেলাস্টাতে ফেলে—কী আপদ বলো দিকি?'

প্রদোষ বলে—'বুড়োকে তাড়াতে পারছেন না ?'

'কী ক'রে তাড়াব বলো, তাহ'লে পুলিশ ডাকতে হয়! বুড়ো মান্থয—!'

4

ঝড়ের বেগে ঘরে ঢোকে প্রভাত প্রাল,—'ম্যানেজারবাবু,
আমি জানতে চাই—জবাব চাই! এ সব কি হচ্ছে আজকাল?'

বিনয়বাবু অবাক হয়ে প্রশ্ন করেন,—'কি ব্যাপার কি ?'

'আমার এই তেল—'একটা ক্যান্টর অয়েলের শিশি বার ক'রে দেখায় প্রভাত—'সবে পরশু কিনেছি, পুরো একমাস যায় আমার এক শিশি তেল—দেখুন, আজই সিকি শিশি ফরসা। এসব কি কাণ্ড বলুন ত ?'

প্রভাতের কথা বৃঝি শেষও হয় না। গলা খাঁ্যাকারি দিতে দিতে ঢোকেন বনমালী,—'এই যে ম্যানেজারবাব্। প্রাতঃপ্রণাম। আরে, প্রভাত বাবাজী যে। হাতে ওটি কি—ও, তোমার সেই গন্ধ-তেলের শিশি বৃঝি ? খাসা তেল বাবা। আমি ক-দিন—কি বলে—তোমার ঐ তেলটাই মাখছি। বেড়ে মিষ্টি গন্ধ।'

'বেশ করেছেন! আমার এদিকে শিশি ফরসা।'

'তা বাবাজী—তর্নষ্টং যর দীয়তে—যা দেবে না তা নষ্টই হবে। হাঁা তা বলছিলুম কি ম্যানেজারবাব, বড় একঘেয়ে থাওয়া মশাই আপনাদের। কলকাতা শহরে কি মোচা-থোড় পাওয়া যায় না ? নিদেন একটু শাকের ঘণ্ট ?'

প্রদোষ বেশ একটু ঝাঁঝের সঙ্গেই বলে—'এত কষ্ট ক'রে কলকাতায় থাকবার দরকার কি—কেটে পড়ুন না। আপনার শুভদিন ত পেরিয়ে গেছে। জামাইয়ের ত টিকি নেই।'

ভোর হ'লেই কলতলায় সোরগোল পড়ে যায়।

'বলি কল ত কারুর একার নয়। সবাইত ভাড়া দেয়, নাকি ?'

'ও দিদি, আপনার ত এক ঘড়া হ'ল—আমাকে এবার একটু নিতে দিন।'

বামুনপিসির গলার আওয়াজ সবার ওপরে ওঠে—'আ মর! চোখখাকীরা যেন কলতলাটাকে নরক ক'রে তুলেছে। কে বলবে যে ভদ্দরলোকের বাড়ী এটা ? আমি গতর পিষে মরব আর সব আঁটকুড়ীর বেটাবেটীরা একধার থেকে নোংরা করবেন। নিপাত যাক সব, নিপাত যাক!'

'বাড়ীওলা মিনসে ভাড়া নেবার বেলা ত ঠিক আছে—মাস পোয়াতে তর সয় না। এদিকে দেখতে পায় না। ভাড়াভাড়ির সময় একজন যদি আধঘণ্টা কল জোড়া ক'রে বসে থাকে ত চলে কি করে?'

'বেশ ত, না পোষায় উঠে যা না। পেরতাপ দত্তের অমন ঢের ভাড়াটে জুটবে।' বামুনপিদি চান করতে করতেই গজরাতে থাকে।

তার সঙ্গে চলে ভগবানের নামও—
গঙ্গে চ যমুনে চৈব গোদাবরী সরস্বতী,
নর্মদে সিন্ধু কাবেরী জলেহস্মিন সন্নিধিং কুরু॥
গয়াগঙ্গা বারাণসী প্রভাসে পুন্ধরাণি চ
তীর্থান্নেতানি পুণ্যানি স্নানকালে ভবস্তিহ॥

'মা গঙ্গা—অন্তে পায়ে ঠাঁই দিও মা! শিবকাশী শিবকাশী কাশী কাশী শিবশিব!'

'হ্যারে এই—অ অতসী, কী তোর জাকেল লা, এইখানে আমি কুঁজো বসিয়েছি আর ছরছর করে এঁটো জলটা ঢাললি!'

'যেন সব বাবাকেলে কল পেয়েছে! মৌরসী পাটা! কলে ঢুকলে আর কেউ বেরোয় না। পাঁচজনের কল—একটু বুঝে সমঝে চলতে হয়।'

যেন বাতাসকে শুনিয়ে বলে একজন।

ভেতর থেকে অপর বলে—'ভাড়া দিচ্ছি বাস করছি অত গালাগাল দেবার কি আছে। আমার বাবাকেলে কল না হয় নাই হ'ল—তোমারই কি বাবাকেলে কল নাকি! কথার ছিরি দেখো না!'

দেইদিনই সদ্ধ্যেবেলা সর্বেশ্বর বাইরে থেকে ফিরে চুপিচুপি টেঁপিকে বলে,—'টেঁপি শোন। এই যে এদিকে—'

টে°পি কাছে আসতে একটা ঠোঙা তার হাতের মধ্যে প্রায় গুঁজে দিয়ে বলে—'এগুলো তোমার ভাইবোনদের দাও গে, তুমিও খেও।'

'কী এতে ?' চোখ বড় বড় ক'রে টেঁপি প্রশ্ন করে। 'টফি আছে। ভাল টফি।'

টফি বুঝতে পারেনা টেঁপি। অবাক হয়ে চেয়ে থাকে। 'মিষ্টি মিষ্টি খেতে—লজেন্সের মত। বুঝলে?'

লোভে ও প্রত্যাশায় টে পির মুখ উজ্জল হয়ে ওঠে, তবুও সে বলে—'মা যদি বকে ?'

## কঠিল মায়া

'ওরে বাবা, আমি কি আর শখ ক'রে পড়ে আছি? আমার সেই যাকে বলে বিট্ইন টু ফায়ারস্—তাই হয়েছে। ওধারে আমার বাড়ির ওঁয়ারা, এধারে তোমরা। ছটোর মধ্যে বরং তোমরাই ভাল—নয় কি? অবশ্যি কতদিন আর চলবে, যেতেই হবে। ভাইপোদের পত্তর দিয়েছি আসতে। এলেই পরামর্শ ক'রে যা হয় করব। তাই ত ভাবছি বাবাজী, সেখানে পৌছলেই আবার সেই টু ফায়ারস—একদিকে মেয়ে আর এক দিকে তার গর্ভধারিণী। সংসারের কত স্থ্য—এখনও তোমাদের বুঝতে দেরি আছে বাবাজী, বুঝতে দেরি আছে।'

কালীপদবাবুর ঘোড়া-রোগ আছে।

শনিবার সকাল ক'রে ফিরতে দেখেই স্ত্রী ঝেঁজে ওঠেন।

'আবার বৃঝি বেরোতে হবে ? আচ্ছা, তোমার লজ্জা করে না ? ছেলেমেয়েগুলোর একটারও গায়ে একটা গোটা জামা নেই। ইস্কুলের মাইনে জোটে না। রোগ হ'লে হোমিওপাথির জল খাইয়ে রাখো—অথচ মাঠে যাবার বেলা ত ঠিক টাকা জোগাড় হয়? এই ক'রে যে পয়সাটা ওড়াচ্ছ এর অর্দ্ধেকও যদি থাকত ত ছেলেমেয়েরা খেয়ে বাঁচত।'

'আরে, আমি মাঠে যাচ্ছি কে বললে ? বড়বাবুর অস্থুখ তাই একবার দেখতে যেতে হবে।'

'ফের মিছে কথা বলছ! বড়বাবুর অস্থুখ তা এই তুপুররোদে কি ?—বেশ, সেই সন্ধ্যেবেলা যেও—'

'না, মানে এই—আমি ত একা যাবো না। আরও ত পাঁচজন আছে—বোঝ না কেন ? একটা জায়গা ঠিক করা হয়েছে সেইখানে স্বাই জড়ো হবো—কিছু ফলটল কিনে নিশ্নে যাওয়া হবে কিনা।'

'ছাখো—আমি তোমাকে হাড়ে হাড়ে চিনেছি। আমাকে আর ভুলিও না। সবাই মিলে যাবে ত অফিস থেকেই ত যেতে পারতে!'

'আমি ত তাই বলেছিলুম। ঐ গন্শাই—'

বলতে বলতে কালীপদ বেরিয়ে আসেন।

পেছন থেকে স্ত্রী বলেন, 'তোমার ঘরকরা এবার থেকে তুমি ক'রো। আমার যেদিকে হুচোথ যায় চলে যাবো—এই ব'লে রাখলুম। আমাকে ছুঁয়ে সেদিন দিব্যি গাললে না—আর কখনও যাবে না?'

জবাব না দিয়ে কালীপদ বেরিয়ে পড়েন।
সিঁড়ির মুখটাতেই সর্বেশ্বর।
'কী, মাঠে চললেন নাকি ?'
'হাা—একটু মানে—ইয়ে—'

'বুঝেছি। শুরুন।' তারপর গলা নামিয়ে বলে—'লেডি লাভের উপর খুব ঝোঁক রাখবেন না। বরং কুইন অফ হেলের ওপর উইন আর প্লেস ফুটোই কিছু কিছু ধরবেন।'

কালীপদবাব্র মুখ শুকিয়ে গেছে,—'তবে যে সবাই বলছে লেডি-লাভই আজ—'

'মরবেন! বেশ ত ধরতে চান ধরুন, তবে আমি যা বললুম, তাও মনে রাখবেন। সামাত কিছু ধরেই দেখুন না!'

'আপনি এ সবের খবর রাখেন নাকি ?'

'কিছু কিছু, যৎসামান্ত। না রেখে উপায় কি বলুন ? আমার কাকার সম্বন্ধীর সহিস হ'ল গে লাটসাহেবের বাবুর্চির আপনার মেসোমশাই!'

'তা—ত বটেই। তা হ'লে বলছেন—'

'দেখুন না একটু পর্থ করে। মোদ্দা লাভ হ'লে আমাকে কিছু দেবেন তো ?

'নিশ্চয় দেব।···কিন্তু আপনি নিজে যান না কেন ?' 'গুরুর নিষেধ আছে।' প্রশান্ত মুখে জবাব দেয় সর্বেশ্বর।

সন্ধ্যেবলা কালীপদবাবু ফেরেন একবাক্স সন্দেশ, অসময়ের ফুলকপি ইত্যাদি নিয়ে। সর্বেশ্বর মুখটিপে হেসে বলে,—'কী হ'ল দাদা ?'

কালীপদবাবু জিনিসপত্র সেইখানেই নামিয়ে ঢিপ ক'রে এক প্রণাম ক'রে বলেন—'আপনি সাধারণ মানুষ নন দাদা—মহাপুরুষ। …যা বলেছেন তাই। লেডি লভ্কোথায় পেছনে পড়ে রইল।'

ভারপর পকেট থেকে একটা পাঁচটাকার নোট বার ক'রে সামনে রেখে বলেন—'কিছু মনে করবেন না দাদা, সামাত্য প্রণামী—কিন্তু এমনি-টিপ ছ-একটা দেবেন মাঝে মাঝে, একেবারে পায়ে ঠেলবেন না ছোটভাইকে।'

কথাটা ছড়িয়ে পড়ে দেখতে দেখতে। স্থনীলই এসে একসময় ওকে চেপে ধরে,—'হাারে তুই নাকি লোককে সিওর টিপ দিয়ে বেড়াচ্ছিস ? তোর কাকার সম্বন্ধীর শৃশুর নাকি কে একটা কেষ্টবিষ্ট্—'

সর্বেশ্বর হাত বাড়িয়ে বলে—'একটা ব্লিড়ি দে। কেন ভাতে হয়েছে কি ?'

'—তা আমাকে হু একটা ছাড়ো না বাবা।'

'ছাখ্ সুনীল। ও কাজ কখনো করিস নি। মাঠে গিয়ে বড়লোক কেউ হ'তে পারে না। ও বড় সাংঘাতিক জায়গা।'

'তুই যখন এত খবর রাখিস তখন প্রাইভেট বুকির কাজও ত করতে পারিস। ওতে ত লোকসান নেই, লাভ আছে বরং।'

'ছি! জেনেশুনে মানুষের সর্বনাশ করা কি ভাল? এ পথে আনা মানেই ত তাকে পথে বসানো। আজ না হোক কাল। ও আমি করব না। নেহাং খুব দায়ে ঠেকলে কখনও সখনও এই সব রেসেলদের কাছ থেকে ত্-এক পয়সা আদায় ক'রে নিই এই পর্যন্ত।'

একটু ইতস্তত ক'রে সুনীল বলে—'তা তুই যার কাছ থেকে এ সব খবর পাস তার সঙ্গে আমার একটু পরিচয় করিয়ে দেনা—'

'তার সঙ্গে তোর পরিচয় আছে।'

'তার মানে ?'

'মানে আর কি—সত্যিই কি কেউ আছে ওরকম? ও সব আমারই ক্যালকুলেশ্যন।'

'অত নিভুল হিদেব হয় ?'

'হয়, মাঠে না গেলে। মাঠে গেলেই সব হিসেব গুলিয়ে বায় কিনা।'

## কঠিল নারা

স্থাল ঠিক বিশ্বাস করতে পারে না কথাটা—একট্ রাগ ক'রেই চলে যায়।

'কে র্যা ? কে ওখানে ?' ঈষৎ সন্দিগ্ধ, তীক্ষ্ন শোনায় পিসীর কঠ।

'আজ্ঞে আমি শেতল গড়াই, বামুন মা।'

'ও শেতল, এসো বাবা এসো। এ গামছাটা বাঁচিয়ে এসো। ব'সো। তা কী মনে ক'রে ?'

'स्रुपं े अति हिन्सा ।'

'স্থদ ? তা দাও দাও, দিয়ে যাও। আমিও ত তাই বলি, মাস মাস স্থদ দিয়ে গেলে আর অতটা গায়ে লাগে না। আমিও বাঁচি। বলে অবিরে বিধবা, আমারও ত কেউ আর নেই, ঐ থেকেই ত চালাতে হয়। সেই যে সেবার তুমি স্থদ ফেললে—দেখলে ত, অমনি তিনমাস জমে গেল। তা সবটা এনেছ ত ?'

শেতল মাথাটা চুলকে বলে, 'সেই কথাটাই বলতে চাইছিলুম। দেবারও ইচ্ছে ক'রে ফেলিনি। দেখলেন ত ছেলেটা মরতে মরতে বেঁচে গেল। গত মাসেও নিজে পড়ে গিয়ে কটাদিন কামাই হয়ে গেল—মাইনে কাটা গেল। এমন গেরো—আবার এমাসে মেয়েটাকে নিয়ে যমে-মান্ত্রে টানাটানি, রক্ত-আমাশা হয়ে যেতে বসেছিল। আপনি ত চোখেই দেখছেন—বানানো কথাত নয়।'

বামুনপিসীর চোথ সন্দিগ্ধ হয়ে ওঠে, 'হুঁ। তা আমাকে কী করতে হবে ?' আরও খানিকটা ইতস্তত করে শেতল। বার-তৃই ঢোঁক গেলে। তারপর মরীয়া হয়েই ব'লে ওঠে,—'আমি আপনার সন্তান মা। আপনার কাছে মিছে কথা বলছিনা কোনমতে মেয়েটারই সেই ছলজোড়া বেচে ছ্মাসের স্থদ এনেছি, এইটে নিয়ে আমায় একমাসের স্থদ ছেড়ে দিন! দোহাই বামূন মা—আপনার পায়ে ধরিচ। কী বিপদে পড়েছি দেখেছেন ত!'

-4

বামূনপিদী যেন ফেটে পড়েন,—'ভীঃ! এক মাসের স্থদ ছেড়ে দিন! আবদার। কী বিপদে পড়েছি দেখছেন ত!—বিল টাকাটা যেদিন নিয়েছিলে বাছা সেদিন কী বিপদ কম ছিল কিছু। তখন কে সে-দায়ে ঠেকতে এসেছিল শুনি? সেদিন এই বজ্জাত বামনী না থাকলে কী করতে?—সেদিনকার কথা বুঝি মনে নেই? না বাপু, স্থদ ছাড়তে আমি পারবো না। নিজেদেরটাই বেশ বড় ক'রে ছাখো, আমার চলবে কিসে ভেবেছ কোনদিন? আমার কে আছে? ভাতার না পুত না—তিনকুলে কেউ নেই। আমার ঐ পুঁজি। তেসব হবে না—যদি ঐ মতলবে এসে থাকো ত সরে পড়ো। তা! ওরে ভোর বেইমানের ঝাড় রে!

মহিমবাবু এসে বসেন মাঝে মাঝে।
'আচ্ছা ভাই, আপনাকে ত বেরোতে দেখিনা কখনও ?'
'আমি এখন—একটু যাকে বলে বিশ্রাম করছি।'
'করেন কি আপনি ?'
'করি ? কি না করি বললে বরং জবাব দেওয়া সহজ হ'ত।…

অনেক কিছুই করি—মানে যখন যা পাই। বীমার দালালী, জমির দালালী, হাওনোটের দালালী—হাতে তু পয়সা এলে শেয়ারের বাজারেও উঁকি মারতে আপত্তি নেই—এমনি আর কি! কেবল চাকরিটে করিনা। ওটা কখনই করিনি।

'(कन, करतन ना (कन? शान नि व'रल?'

'না, তা ঠিক নয়। ওটা আমার ধাতে সয়না। কোন-কিছু বাঁধা-ধরার মধ্যে যাওয়া আমার পোষায় না।'

'विवाह करतन नि ?'

'ক্ষেপেছেন! ও ত সবচেয়ে বড় বন্ধন!'

একটা দীর্ঘশাস ফেলে মহিম বাবু বলেন—'বেশ আছেন। আমরাই একেবারে আঞ্জারী হয়ে মরছি।…মেয়েটার বিয়ে না দিলেই নয়—কিন্তু দিই বা কোথা থেকে। ঐ কালো কুচ্ছিত মেয়ে তায় লেখাপড়াও শেখাতে পারিনি। কে-ই বা নেবে। টাকা ত একটা পয়সাও হাতে নেই। গতবার ছেলেটার অম্বথের সময় বাম্ন-পিসীর কাছ থেকে পঞ্চাশটা টাকা নিয়েছিলুম তা আজও তার একপয়সা স্থদ পর্যন্ত দিতে পারিনি। পরিবারের হাড়ছড়াই বোধ হয় যাবে।…'

স্থনীল হেঁকে বললে,—'কৈগো, একটু তেল দিয়ে যাও। দেরী হয়ে যাচ্ছে। আবার সেই কলের জত্যে এক ঘণ্টা ধরে সাধনা করতে হবে।'

স্ত্রী এসে বললে, 'বেশি দেরী নেই। এগারো আনা পয়সা

জমেছে। আর কিছু হ'লেই মানে হাজার খানেক টাকা হাতে এলেই একটা জমি কিনবো, সর্ধের ক্ষেত। তার মাস-কতকের ভেতরেই সর্ধে ফলবে। আর তাহলেই তিল। তেলের তখন একটুও অভাব থাকবেনা—দেখে নিও।'

স্নীল অবাক হয়ে স্ত্রীর মুখের দিকে চেয়ে থাকে—'তার মানে? তার মানেটা কি? এমন একটু তেল নেই যে মাথায় দিই?'

'ও-মাথায় তেল দিয়ে কি হবে বলতে পারো? লাভটা কি ? কাল থেকে বাড়ীতে একফোঁটা তেল নেই, কালরান্তিরে তিন পলা ধার করেছি, আজ সকালে চার পলা। খুব কম হলেও চল্লিশবার বলেছি কথাটা। তাই যখন ও পোড়ার মাথাতে ঢুকল না, তখন সে মাথায় তেল না দিলেও চলবে।'

'সে কী কথা, আমি ভাবছিলুম ঠাট্টা করছ। সত্যিই তেল নেই ?'

'হাঁ। ঠাট্টা করবারই ত আমার সময় কিনা—রূপোর খাটে পা সোনার খাটে গা। কী স্থেই আছি—হাজারটা দাসীবাঁদী সেবা করছে। ঠাট্টা করা ছাড়া আর আমার কাজ কি ?'

'কিন্তু পরশু যে দেড়পো তেল এনে দিলুম।'

'সেই মাথার গোলমাল! ওগো নবাবসাহেব—সেটা পরশু নয়, তরশু, দেড়পো তেল এনে কত নবাবী করবে তাই শুনি। সাতটা প্রাণী গায়ে মাথে—আবার রালা হয়। বলে, একপো ছধ এল, ক্ষীর হ'ল, ছানা হ'ল, আর কি হবে বল না। কর্তার ছধ নইলে

চলে না, ছেলেটার পায়েস না হলে রোচে না।...ভা ভোমারও দেখছি ভাই!

'না, এবার থেকে দেখছি তেল এনে শিশির গামে ডাক্তারী ওষ্ধে দাগ কাটার মত দাগ কেটে দিতে হবে! একদিনে এক-দাগের বেশি খরচ করা চলবে না।'

'অমনি তাহ'লে আরও একটু কপ্ত ক'রো—কেমন? সেই একদাগ তেলে সংসারটা সাতদিন চালিয়ে দেখিয়ে দিও। আমি বোকাসোকা মানুষ, দেখিয়ে শুনিয়ে না দিলে কেমন ক'রে পারব বলো?'

'ঐ ত তোমাদের দোষ! হিসেবের কথা শুনলেই তোমাদের মাথায় বজ্রাখাত হয়। •••মেয়েমানুষের জাতের সধম্মো!'

ছম ছম ক'রে পা ফেলে রুক্ষ চুলেই স্নান করতে যায় স্থনীল।

সর্বেশ্বর বড়-একটা কোথাও বেরোয় না—ছবেলা হোটেলে খেতে যাবার সময় ছাড়া। সিঁড়ির মুখে ঐ একফালি চলনে বিছানা পেতে ডেরা বেঁধেছে সে। সেখানেই শুয়ে শুয়ে খালি বিড়ি খায়। বিড়ির টুকরো আর ছাইতে জায়গাটা নরক হয়ে উঠেছে ক-দিনেই।

সকাল বিকেল কর্তারা এসে বসেন। বাকী সময়টা ওর কাটে টেঁপির সঙ্গে গল্প করেই। টেঁপি ওর উত্তম শ্রোতা। নানা অবাস্তর ও অসম্ভব আজগুবী গল্প ফাঁদে সে টেঁপির কাছে। কোন দিন হয়ত বলে—'জানিস টেঁপি সেই যে হনোলুলুতে একটা ঘোড়ার পেটে তিনটে মান্তুষের ছানা হয়েছিল—তার একটা মরে গেছে।' টেঁপি বিশ্বয়-বিশ্বারিত দৃষ্টিতে ওর দিকে চেয়ে বলে— 'ঘোড়ার পেটে মান্তবের ছানা। ধ্যেৎ—ভাই কি হয় ?'

'ওমা—তুই জানিস না? এ ত পুরোনো খবর রে! এই ত কদিন আগেই খবরের কাগজে খবরটা বেরিয়েছিল।'

'বেরিয়েছিল ব্ঝি ? আমাদের এখানে ত কেউ খবরের কাগজ নেয় না। জানবে কি ক'রে ? হাঁা দাদা সভ্যি ?' 'সভ্যি বৈকি। আমি কি ভোর সঙ্গে ভামাসা করচি ?' টেঁপির চোখ বিশায় ও শ্রদ্ধায় বিশারিত হয়েই থাকে।

টেঁপি শুকনো মুখে বলে,—'আমাদের ঘরেও আজ চা বাড়স্ত একেবারে।' তারপর একটু কি ভেবে বলে,—'আচ্ছা দেখছি—ঐ বাইরের ঘরে বুনোমোষের মত যে ছুটো ভাই থাকে, ওদের কাছে আছে কিনা।'

'দে আবার কে রে ?'

'ওমা দেখেন নি আপনি? কালো কালো মোটা মোটা

ছটো ভাই ? ঠিক মোষ একেবারে ! ওরা কোন্ খবরের কাগজের ছাপাখানায় কাজ করে । সারারাত কাজ—সারাদিন পড়ে ঘুমোয় । ওদের ঘরে যদি চা থাকে ত আমি এনে দিচ্ছি। লোক ভাল ওরা, যথন যা চাই তাই দেয়। অথচ কারুর সাতে-পাঁচে থাকে না।'

নিচের দেই ছই-ভাইয়ের ঘরে গিয়ে টে পি উকি মারে—
এক ভাই বদে কুটনো কুটছে, দেটাভে রানা চড়েছে।
টে পি থিল্থিল্ ক'রে হেদে ওঠে।
'হাসছ কেন ? অমন পাগলের মত!'

মূখে কাপড় দিয়ে হাসি সামলে নিয়ে টে পি বলে,—'বেশ গিন্নী-বানীর মত রানা করেন আপনারা। দেখলেই হাসি পায়!'

'আমাদের কেউ নেই—তাই করতে হয়। অত যদি অসহ্য লাগে—এসে ক'রে দিয়ে গেলেই ত পারো।' ভাইটা হেসে বলে।

'আমার সময় থাকলে ঠিক ক'রে দিয়ে যেতুম, মাইরি বলছি।'

টেঁপির স্থরটা আন্তরিকই শোনায়।

আর এক ভাই রাস্তার কল থেকে জল নিয়ে এসে ঢুকল।

'আচ্ছা, আপনারাও ত ভাড়া দেন, কিন্তু সব জল রাস্তা থেকে তোলেন কেন এত কষ্ট ক'রে গ'

'কী করব। ঐ ঝগড়া ক্যাচাকেচির চেয়ে এ ঢের ভাল। তথ্যব আমাদের পোষায় না।' টেঁপি বলে, 'তা বটে। আচ্ছা—একটু চা হবে আপনাদের কাছে ?'

'হবে—কেন বলো ত ?'
'একট্ দিন না। এক কাপের মত।'
'ঐ টিনটার আছে, নিয়ে যাও।'
টেঁপি গিয়ে টিনটা থেকে ঢেলে নেয়।

া তারপর দাঁড়িয়ে একটু ইতস্তত ক'রে বলে—'আর কি হবে ? মাছের ঝোল ? তা মাছ;কৈ ? এখনও জলেতে নাকি ?'

তারপরই নজর পড়ে যায় বাজারের থলিটা মাছস্থদ্ধ এক পোশে পড়ে আছে। সে গালে হাত দিয়ে বলে 'ও মা, এ মাছ যে পচে উঠল। এখনও ত বাছাও হয়নি দেখছি। আচ্ছা দাঁড়ান, মাছগুলো আমি বেছে কুটে দিয়ে যাচ্ছি। ' ঐ বুঝি আঁশ-বঁটি ?'

'আহা, তুমি আবার কেন করবে, আমরাই ক'রে নিচ্ছি—'

'করলুমই বা। আপনাদের করতে আধঘন্টা, আমার পাঁচ মিনিট। কেটে দিয়ে যাচ্ছি। ধুয়ে ভাড়াভাড়ি কুন-হলুদ মাথিয়ে রাথুন, নইলে ওর আর আদায় থাকবে না।'

ভখান থেকে ফিরে একট্ পরেই চা তৈরি ক'রে আনে টেঁপি।
সর্বেশ্বর পুরস্কার স্বরূপ নতুন একটা গল্প শোনায়। বলে,— 'উড়োজাহাজ হয়ে আজকাল কী স্থবিধেই হয়েছে বলত টেঁপি। বিলেতের
রাজা রোজ কামস্কাটকায় মাছ ধরে বাড়ি ফেরার পথে বসোরা
থেকে গোলাপ কিনে নিয়ে যায়।…আগে এসব কথা কেউ
ভাবতেই পারত না।'

#### কঠিল মায়া

'তাই নাকি ? বেশ মজা ত।' চোখ বড় বড় ক'রে বলে টেঁপি। তারপর বলে,—'জানেন দাদা আপনি সে দিন যে খবরটা দিলেন না—বাবাকে বলতে হেসে উড়িয়েই দিলে। বলে তুই যেমন বোকা—তোকে তেমনি বোকা বোঝায় মুথুযো!'

'কোন খবরটা রে ?' চায়ের পেয়ালা নামিয়ে রেখে প্রশ্ন করে সর্বেশ্বর।

'সত্যি বইকি। নইলে তোকে বলব কেন ? তোর বাবা ভ খবরের কাগজ পড়তে পায় না। খবর জানবে কি ক'রে বল ?'

টেঁপির চোথ ছলছল করতে থাকে। সে বলে—'আর খবরের কাগজ—খেতেই জোটে না। ওসব খরচ করবে কোথা থেকে? বাম্ন পিসীর কাছে গয়না বাঁধা আছে, তবু কাল ডেকে একরাশ কড়া কড়া কথা শুনিয়ে দিয়েছে। বাবা কাল ঘরে ফিরে চোখের জল ফেলছিল।'

সর্বেশ্বর খানিকটা চুপ ক'রে থাকে। তারপর উঠে দাঁড়িয়ে জামাটা টেনে নিয়ে গায়ে দিতে দিতে বলে—'আমি এখন বেরুচ্ছি টে'পি। তোর বাবা ফিরলে বলিস ত রাত্তির বেলা যেন আমার সঙ্গে দেখা করে।'

রাত্রে মহিমবাবু এসে ওর বিছানারই একপাশ ঝেড়ে-ঝুড়ে নিয়ে বসলেন। 'আমাকে ডেকেছিলেন ?'



'হাা—একটা কথা ছিল। আচ্ছা বামুন পিসীর কাছে আপনার কত দেনা ?'

'তা ঠিক বলতে পারব না। তবে নক্ষ্ট টাকার কাছাকাছি হবে।'

বালিশের তলা থেকে একখানা একশ টাকার নোট ওর হাতে দিয়ে সর্বেশ্বর বলে—'ওর দেনাটা মিটিয়ে দিয়ে আসুন দিকি—যান।'

কথাটা বুঝতে মহিমবাবুর কিছু বিলম্ব হয়। শেষে তিনি প্রায় কাঁদো-কাঁদো গলায় বলেন—'টাকাটা আপনিই ধার দেবেন ? বাঁচালেন দাদা। কাল বুড়িটা কী যাচ্ছেতাই করলে আমাকে! আমাকে বলে কিনা সোনার দামের চেয়ে তার বেশি পাওনা হয়ে গেছে। আপনাকে আমি সত্যিই বলছি দাদা—আপনি ঠকবেন না। সক্ল হার বটে তবে দেড় ভরির বেশি ছিল ওজন। ক-দিনই বা গলায় দিয়েছে টেঁপির মা যে ক্লইবে ?'

নোটটা হাতে নিয়ে মহিম বাবু বামুন পিসির ঘরের সামনে দাঁড়ান—'পিসিমা ঘরে আছেন নাকি ?'

'কে মহিম ? এদ বাবা—এদ। দেখো, আমার ঐ গামছাখানা বাঁচিয়ে। আধ-শুক্নো হয়ে গেছে কিনা। তোমাদের প্থঘাটের কাপড়—তা ব'দ বাবা। ঐ যে চটের আদনটা—টেনে নাও।' পিদিমা জপ করছিলেন। জপের মালাটা কপালে ঠেকিয়ে গলায় পরে নিলেন।—'তারপর কি মনে ক'রে বাবা মহিম ?'

#### কঠিল মায়া

'সেই হারটা পিসিমা। দেখুন ত একবার স্থদটা কষে কত দাঁড়িয়েছে ?'

'অ—তা বাবা সব স্থদটা ত আর এখন দেবে না। কেন আবার এই বুড়ো-মানুষকে খাটাবে এত রাত্তিরে ? যা দেবার দিয়ে যাও না। আমি কাল সকালে জমা ক'রে রাখব'খন।'

'না—আমি—আমি ও হারটা নিয়ে যাবো পিসিমা।'

'নিয়ে যাবে ? সব টাকা দিয়ে !' তীক্ষ হয়ে ওঠে পিসিমার কঠস্বর, 'কিন্তু সে যে একগাদা টাকা মহিম। স্থদ আমি ছাড়তে পারব না, তা আমি ব'লে দিচ্ছি। আমার তো স্বামী-পুতুর নেই যে রোজগার ক'রে খাওয়াবে ? বিধবা বেওয়া মালুষ, আমার ঐ স্থদই ভরসা।'

'না না পিসিমা—স্থদ আমি ছাড়তে বলছি না। আপনি হিসেবটা দেখুন না?'

'হুঁ—তাহ'লে টাকা হয়েছে বাবুর ? তা টাকাটা কে দিলে তাই শুনি ?'

'সে পরে বলব পিসিমা। আপনি খাতাটা দেখুন আগে।'

'দেখছি বাছা দেখছি। তোমার এখন ফুর্তির প্রাণ ঘোড়-দৌড়ের মত দৌড়চেছে, আমার তো আর তা নয় বাছা, বুড়ো মারুষ, বাতের শরীর! যত সব অনাছিপ্তি কাণ্ড! দিন গেল আলোয় ঝালোয়—রাতত্বপুরে উনি এলেন আমাকে পয়সার গরম দেখাতে।' পিসিমা গজগজ করতে করতে ওঠেন। কুলুঙ্গীর কোণ থেকে শ্লেট, পেন্দিল আর খাতা বার ক'রে হিসাব করতে বসেন।



হিসেব নিকেশ ক'রে সব চুকিয়ে দিয়ে হার নিয়ে ফিরে আসেন মহিমবাবু।

'বাঁচালেন ভাই। ঐ ডাইনী বুড়ীর হাত থেকে অব্যাহতি পেয়ে বাঁচলুম। হারটা যত্ন ক'রে তুলে রাখুন।'

'হার নিয়ে আমি কি করব ?'

'হার—হার আপনি রাখবেন না!'

'পাগল হয়েছেন? এই ত হাল দেখছেন। দোনাদানা রাখব কোথায় ?'

'তবে টাকাটা কি শুধু হাতে ধার দেবেন! স্থদ কত নেবেন তাহ'লে ?' কণ্ঠে আশস্কার স্থর মহিমবাবুর।

'টাকা ধার দেওয়া কি আমার ব্যবসা ?'

'তবে।' মহিমবাবু আরও বিশ্মিত হন।

'ওটা আমি টেঁপির বিয়েতে যৌতুক দিলুম আগাম।'

'না না ভাই সে হয় না। কদিনেরই বা জানাগুনো? এতগুলো টাকা।'

'তা হ'লে হারটা আবার বামুন পিসিকে দিয়ে টাকাটা ফিরিয়ে আফুন।'

সর্বেশ্বর বেশ প্রশান্তকঠেই কথা ক-টা বলে।

মহিমবাবু আরও কুঠিত হয়ে পড়েন। একটু চুপ ক'রে থেকে গাঢ় কঠে বলেন—'কালীপদ ঠিক কথাই বলে, আপনি কোন ছদ্মবেশী মহাপুরুষ।' তারপরে একটা দীর্ঘাস ফেলেবলেন—'কবে যে ওর বিয়ে দিতে পারব তাই ত ভাবি।

হাতে একটা পয়সাও নেই। শুধু হাতে কে-ই বা বিয়ে করবে বলুন ? রূপও নেই, আর রূপোও নেই। অথচ, মাইরি বলছি ভাই, বড় ভাল মেয়েও। বড় ঠাগু আর গুণের মেয়ে। মারো, ধরো, কাটো, একটা কথাও কইবে না।

'হবে—হবে। হয়ে যাবে—ভাববেন না। দেখুন এ সংসারে যার মনটা ভাল তার কথনও অকল্যাণ হয় না। শেষ অবধি ভাল পাত্রেই পড়বে।'

'আর ভাল পাত্তর।' দীর্ঘধাস ফেলে মহিমবাবু উঠে যান। একটু পরেই টেঁপি আসে ছুটতে ছুটতে। 'একটু মাথাটা তুলুন ত—ও দাদা।' 'কেন রে ?' বিস্মিত হয়ে প্রশ্ন করে সর্বেশ্বর। 'মাথাটা তুলুন না।'

সর্বেশ্বর উঠে বসতেই ছ-হাত দিয়ে ওর পায়ের ধূলো নিয়ে প্রণাম করে টেঁপি।

'ওকি—ওকি। ওটা আবার কি হ'ল ?'

'আপনি নাকি এই হারটা যৌতুক দিয়েছেন আমাকে? বাবা আমাকে পরতে বললে। বাবা বলছিল আপনি মানুষ নয়—দেবতা। আজ বুঝেছে বাবা। এতদিন আমি আপনার সুখ্যাতি করলে আমাকে ঠাটা করত। আমার খুব আনন্দ হয়েছে—সত্যি!

কতকটা অসংলগ্নভাবে হাঁপাতে হাঁপাতে বলে কথাগুলো। 'কেন—হার পরে ;' 'না। তা নয় দাদা। আপনাকে যে বাবা-মা এতদিনে চিনতে পেরেছে এইজন্মে।'

'আচ্ছা আচ্ছা—হয়েছে! আর পাকামি করতে হবে না, যা এখন!'

সর্বেশ্বর প্রয়োজন হ'লে যেমন ভোরে উঠতে পারে তেমনি অবসর পোলে অনায়াসে নটা অবধি ঘুমোতেও পারে। এখানে এসে অবসরের অভাব নেই, কিন্তু ঘুমও হ'তে পারত না। একবাড়িলোক—ছটি কল—শুধু জল নেবার কচ্কচিতেই ঘুম ভেঙে যেত। কাজ নেই ব'লে ওঠবার চেষ্টা করত না—শুয়ে শুয়ে নিঃশন্দে বিড়ি টানত। আজ কিন্তু একটু বেশি আগেই ঘুম ভাঙল। খনখন ক'রে বেজে উঠল বাম্ন পিসির কণ্ঠস্বর,—'বলি মেয়েটিকে কী দরে বেচলে বাবা মহিম ?'

'তা—তার মানে ? কী বলছেন আপনি ?'

'না, তাই বলছি। বলি ঘাস তো খাই না বাবা—ধানের চালের ভাতই খাই। কোথা থেকে টাকা নিয়ে হারছড়া ছাড়ালে তা কি আর আমি জানিনে বাবা। এই বাজারে কেউ একটা টাকা বার করতে পারে না পকেট থেকে, আর ওর ঐ ত অবস্থা! অগ্রভক্ষো ধন্মগুর্গো—মড়ার চ্যাকড়া পেতে শুয়ে আছে রাতদিন, আর ফুকফুক ক'রে বিড়ি টানছে। কুড়ি টাকা মাইনের চাকরিও নেই। ও অমনি যে ফস ক'রে এক আঁজলা টাকা বার ক'রে দিলে—সে কি শুধু শুধু! তার দাম দিতে হয়নি ?'

'এ সব কি বলছেন বামূনপিসি। অমন কথা মুখে উচ্চারণ করবেন না। টাকাটা উনি দিয়েছেন সে ত আমি সবাইকেই বলেছি। উনি মানুষ নুন, দেবতা। টাকাটা উনি আমার টে পিকে যৌতুক করেছেন।'

'যৌতুক করেছেন! তাই ত বলছি! কী এমন শুভদিন— ওর বে-থা হ'ল যে যৌতুক করলেন ? তথনই বলোছলুম পেরতাপকে যে অমন কাজ করোনি। একটা হাড়হাবাতে বাউণ্ডুলে বিশ্ববকাটে লোককে এতগুলো মেয়েছেলেপিলের মধ্যে চুকিওনি। তা আমার কথা ত শুনলে না। এখন ঠেলা সামলাও। তবে আমিও ব'লে রাখলুম—এই মানি বামনি থাকতে ও সব বেলেল্লাগিরি চলবে না এখানে। ভালয় ভালয় যদি না যায় ত কি ক'রে বিদেয় করতে হয় তা আমি দেখিয়ে দেব। মুড়িখ্যাংরা মারতে মারতে বার করব বাড়ি থেকে!

মহিমবাব্ মুখখানা এতটুকু ক'রে ওপরে উঠে আদেন।
সর্বেশ্বরের সঙ্গে চোখোচোখি হতেই বলেন,—'শুনলেন—শুনলেন
ত ভাই মাগির কথাগুলো ?…ছি ছি। ও নাকি আবার
বামুনের মেয়ে!'

সর্বেশ্বর হেসে জবাব দেয়—'সুদে আসলে হারটা মেরে দেবে এই ভেবেই আপনাকে ভাগাদা করেছিল, টাকার দরকারে নয়। সে আশায় ছাই পড়ল, ক্ষেপে ত একটু উঠবেই। ও নিয়ে আর মাথা খারাপ করছেন কেন ?'

'वालिन वाष्ट्रिक क्रि.न ना—এই निर्म या पाँ हिंदर !'

'মিথ্যে চিরদিনই মিথ্যে। ওর অত দাম দিতে গেলে এ পৃথিবীতে বাঁচা যায় না।'

'—না ভাই। কাদা ছোঁড়ার কারণটা হয়ত মিছে হ'তে পারে কিন্তু কাদাটা সত্যি—তা গায়ে লাগলে ধুতে হয়।'

'ধুয়ে ফেললেই যা চলে যায় তার জত্যে অত ভয় কি!' প্রশান্তভাবে হাসে সর্বেশ্বর।

কথাটা কিন্তু সত্যিই এখানে মেটে না।

বিকেলে কলতলাতে একেবারে রণরঙ্গিণী বেশে আবিভূতি। হন বামুন-পিসী।

'বলি, হাঁ। লা, তোরা ত বেশ! তোরাও ত সব সমত্ত সমত মেয়ে নিয়ে বাস করিস। তোদের একট্ প্রাণের ভয় নেই ? এমনি রাসলীলা চলবে আর তোরা দাঁড়িয়ে দাঁড়িয়ে দেখবি ? এর পর তোদের মেয়ের বে দিবি কেমন ক'রে ? পাতুর্ জুট্বে ?'

ত্-একজন চোখে চোখে চেয়ে মুচ্কি হাসল। অপেক্ষাকৃত অল্পবয়দী যারা, তারা সরে পড়ল। বুন্মুন-পিদীর মুখ কে না জানে। এখনই হয়ত নানা কল্পিত কেচ্ছার ইতিহাসে আকাশ-বাতাদ বিযাক্ত হয়ে উঠবে।

কিন্তু যাদের জল নিতেই হবে, তারা পালায় কি ক'রে? বিশেষতঃ স্থনীল চাক্লাদারের বৌ তখন সবে ঘড়া বসিয়েছে। বামুন-পিসী সকলের দিকে একবার আগ্নদৃষ্টিতে চেয়ে তাকে নিয়েই পড়লেন, 'বলি তপুর মা, তোমার ত কি রকম আত্মীয় হয় শুনেছি ছে ডা— তুমি কি বলো? এমনি চলবে?'

#### কঠিল মায়া

স্নীলের বৌ মাথায় ঘোমটাটা একটু নামিয়ে নতমুখে জবাব দেয়—'আমার কিসের আত্মীয় পিসীমা? ওঁর বন্ধু। তা ছাড়া ওসব কথার আমি কিছু জানিনে, থাকতেও চাইনে!'

'তা জানবে কেন ? • তোমরাও বুঝি ঐ চাও ? বেশ মজা।
তা তুমিই বা বাকী থাকো কেন তপুর মা ? তু-পয়সা কামিয়ে
নাও না ! • তোমার আত্মীয় ব'লেই ত পেরতাপ ঐ আপদ বাড়ী
চুকিয়েছিল গা !'

তপুর মা'র উন্নত রসনা জবাব দিতে গিয়েও থেমে যায়।
আজই হয়ত সন্ধাবেলা গিয়ে ছটো টাকার জন্ম হাত পাততে
হবে—ছোট ছেলেটার অস্থে হাত খালি হয়ে গেছে, টাকা
না পেলে হাঁড়ি চড়বে না। শুধু হাতে ছ-এক টাকা মেলে মাঝে
মাঝে, হোক টাকাপ্রতি ছ' পয়সা মাসিক স্থদ—তাই বা দেয়
কে? সে ক্ষীণস্বরে শুধু বললে, 'আপনাদের যা করবার করুন
না পিসীমা, আমরা গরীব মরেই আছি, আমাদের আর বেশী
ক'রে মেরে লাভ কি? আপনি ত জানতেনই ও আমাদের কেউ
হয় না—সে খোঁটা এখন দেন কেন গ'

'আমি ত জানতুমই। কিন্তু কৈ তোমরা ত তখন একটা কথাও বলো নি!…আমি যা করতে পারি তা ত করবই। পেরতাপ দত্ত যদি এর একটা প্রিতিকার না করে ত ওকে স্থদ্ধ ভিটেছাড়া করব—এই ব'লে রাখছি।'

কথাগুলো প্রতাপ দত্তের ঘরের দিকে মুখ ক'রেই বলা হয়। ছোট জায়গা, শোনবার কোন বাধা নেই। তবু আর এক পদ্দা



গলা চড়িয়ে বলেন, 'কালই যদি এর স্থরাহা না হয় ত ঐ পেরতাপের ঘরের সামনে উপোস ক'রে তে-রাত্তির শুরু ক'রে দেব, এই ব'লে রাখল্ম। দেখি ছেলেপুলে নিয়ে বাস ক'রে কোন্ সাহসে চুপ ক'রে থাকে।'

তিনি ছুম্ ছুম্ ক'রে পা ফেলে এগিয়ে গিয়ে ঝনাং ক'রে কলতলায় বালতিটা বসান।

সন্ধ্যের সময় মহিমবাবু এসে হতাশ ভাবে বসে পড়েন ওর বিছানায়। 'আপনাকে বলেছিলুম মুখুজ্যে মশাই আপনি বিশ্বাস করেননি। আজ সন্ধ্যের সময় প্রতাপ দত্ত আমাকে শাসিয়ে গেল যে হয় মেয়ের বে দিতে হবে, নয়ত উঠে যেতে হবে এক মাসের মধ্যে।'

সর্বেশ্বর চুপ ক'রে বদে বিড়ি খাচ্ছিল—তেমনিই বদে রইল। মহিমবাবু ব'লে চললেন, 'কোথায় এখন রাতারাতি পাত্তর পাই বলুন ত! আর বাসাই বা কোথায় পাই।'

'তার দরকার হবে না মহিমবাবু—আমিই কাল সকালে চলে যাব।'

'না না ভাই—ছি! আমার জন্তে আপনি কেন যাবেন ? তাহ'লে ত পরোপকারের খুব ফল মিলল!'

'আবার পরোপকারের কথা কেন তুলছেন চকোত্তি মশাই? টে পিকে স্নেহ করি—ওকে একটা কিছু দেবার কথা ভাবছিলুম —কিনে না দিয়ে না হয় এটেই ছাড়িয়ে দিলুম!'

'সেই কথাটাই বলব ভাবছিলুম ভাই—সাহসে কুলোচ্ছিল না । তা অভয় দিলে যখন বলি—তুমিই বলছি ভাই কিছু মনে ক'রো। না, তুমি আমার চাইতে বয়সে ছোটই হবে—তুমি যখন টেঁপিকে স্নেহই করো, তুমিই নাও না কেন ওকে ?'

'ওকে নেব—মানে ?'

'মানে তুমিই ওকে বিয়ে করে।।'

'না! এদের দেখছি সকলকার মাথা খারাপ হয়ে গেছে ছ আমার সঙ্গে দেবে মেয়ের বিয়ে, তার চেয়ে এক কাজ করো। না কেন চকোত্তি—খুব ভোর ভোর উঠে মেয়েটাকে নিয়ে, গিয়ে হাওড়ার পুলের ওপর থেকে ঠেলে ফেলে দিয়ে এসো।'

'কেন ভাই ? মেয়ের আমার তেমন রূপ নেই, কিন্তু বড় লক্ষী আর ঠাণ্ডা মেয়ে।'

'তাই বুঝি একটা লক্ষীছাড়ার হাতে না দেওয়া পর্যন্ত স্বস্থিত হচ্ছে না।'

'না না, লক্ষীছাড়া ত তুমি নও; সে আমি বুঝে নিয়েছি। কেউ নেই ব'লে এমন ভেসে বেড়াচ্ছ। তুমি ওকে নিয়ে সংসার পাতো ভাই, সুথাই হবে।'

'ছ্যাখো চকোতি! একটা কথা সাফ ব'লে দিচ্ছি—বিশ্বাস করো আর নাই করো। বিয়ের ভয়েই আমি এখানে পালিয়ে ঘাপ্টি মেরে আছি। যেখানে আমি থাকভুম সেখানে এক ব্যাটা হবু শশুর আমাকে ভাড়া করেছে। ভুমি যদি আবার এই কথা ভোল, ভাহ'লে আমাকে এই রাভিরেই সরে পড়ভে



হয়। না হয় রাতটা কোন পার্কে কি ওয়েটিং রুমে কাটিয়ে দেব !'
'না না, তা বলছি না।' অপ্রতিভ হয়ে পড়েন মহিমবাবু,
'মেয়েটাও তোমাকে বড় ভক্তি করে। তোমার নাম করতে অজ্ঞান
হয়। কোথায় কার হাতে দেব—'

খানিকটা চুপ করে থেকে লাফিয়ে ওঠে সর্বেশ্বর, 'হয়েছে।
ঠিক হয়েছে। পাত্তর আছে চকোত্তি। তোমাদেরই বাড়ির নীচে
বাইরের ঘরে ঐ যে ছেলে ছটি থাকে,—কোন্ খবরের কাগজে
কাজ করে যেন,—ওদেরই বড়টির সঙ্গে লাগিয়ে দাও। বেশ
ছেলে, ওরাও টে পিকে খুব স্নেহ করে।'

'ওরা ? হাা—ওরা বামূন বটে। কিন্তু ওরা কি রাজি হবে একেবারে, শুধু হাতে নিতে ?'

'তুমি কথাই পাড়ো না—যাও ওঠো। আচ্ছা, সে দামাত ছ'চার টাকার জত্যে আটকায়—আমি যেমন ক'রে পারি যোগাড় ক'রে দেব! আমি যদি না থাকি ত তাও ভেব না—বিয়ের তারিখের আগে আমি পাঠিয়ে দেব। বিয়ের আগে আমার মেদের ঠিকানায় একটা চিঠি দিও। যাও।'

প্রায়-অনিচ্ছুক মহিমকে একরকম ঠেলেই পাঠায় সর্বেশ্বর।

তারপর অনেকক্ষণ পর্যন্ত অন্ধকারেই বসে বসে বিজি টানে সে। খানিকটা পরে ওর চোখে পড়ে টে'পি নিচে থেকে কী একটা কিনে নিয়ে আসছে।

'এই हिं शि लान्।'

- —'की मामा ?'
- —'বোস্ এখানে !…আমি কালই এখান থেকে চলে যাচছি!'

'সে কি !' চমকে ওঠে টেঁপি, হাত থেকে ঠোঙাটা পড়ে গিয়ে চিনি ছড়িয়ে যায়। কিন্তু সেগুলো ওর যেন তুলতেও হাত-পা আসে না। সর্বেশ্বর নিজেই উঠে এসে কুড়োতে শুরু করে।

'আবার কবে আসবেন ?'

'আবার আসব কী রে। একেবারেই চলে যাবো। আমার ত বাসা একটা আছে; সেখানে একটু গোলমাল ছিল ব'লেই ছ্-চার দিনের জন্ম এখানে এসেছিলুম।'

'সেখানে কে কে আছে?' কেমন একরকম ধরাগলায় বলে টেঁপি।

'কে আবার থাকবে। সে যে মেস।…ঠাকুর চাকর—এই সব আছে।'

'আপনার বাড়ি নেই কোথাও?'

'না।'

किं शि हूभ क'रत मां फ़िर्य थारक जातकका।

'আপনি একটা বাসা কেন করেন না কোথাও ?'

'ও আমার ভাল লাগে না টেঁপি।'

'চিরদিন এমনি কাটাবেন? যদি কখনও অসুখ বিস্থুখ করে? কে দেখবে।'

'ভগবান দেখবেন। হাসপাতাল আছে! ওসব বাজে চিন্তা নিয়ে আমি থাকি না।' 'আপনি—আপনি বিয়ে থা করবেন না!'

'আবার তোর মুখেও ঐ কথা ? দেখছি আমাকে রাতটাও কাটাতে দিবি না। বললুম না যে ওসব আমার ধাতে সয় না।'

টেঁপির মার ডাক কানে এল,—'হাঁারে টে'পি এলি !' তারপর ঈষং নিচু গলায়,—'হতচ্ছাড়া মেয়ের লজ্জা নেই—আবার এখানে গিয়ে জুটেছে—'

'যা টে পি—মা রাগ করছেন।' সর্বেশ্বর দাঁড়িয়ে ওর হাতে চিনির ঠোঙাটা তুলে দেয়। আড়প্টভাবেই সেটা হাতে ক'রে নেয় টে পি। চারপাশের আলোর আভাতে সর্বেশ্বর লক্ষ্য করে— টে পির চোখে জল।

'দূর পাগলী, কাঁদছিস কেন? আমি আবার আসব। তোর বাবাকে বলেছি বিয়ের সম্বন্ধ করতে—বোধ হয় হয়ে যাবে।… তোর বিয়েতে নিশ্চয় আসব। যা ভাই, লক্ষীটি যা—'

টেঁপির চোথ বেয়ে এবার অজস্র ধারে জল গড়িয়ে পড়ল। ঠোঁট ছুটো কাঁপতে লাগল থর থর করে। কিন্তু সে কোন উত্তর দিলে না, নিঃশব্দেই নিজেদের ঘরের দিকে চলে গেল।

সর্বেশ্বরের মুখটা অন্ধকারে ভাল দেখা গেল না। সে তেমনি খানিকটা চুপ করে দাঁড়িয়ে থেকে আবার নিজের বিছানায় বসে পড়ল। তারপর একটা বিভি ধরাতে ধরাতে অফুটকণ্ঠে বললে—
'কঠিন মায়া বাবা।'

পরের দিন ভোর বেলাই উঠে বিছানাটা গুটিয়ে একপাশে সরিয়ে রেখে সর্বেশ্বর নিচে নেমে এসে বাড়িওলার ঘরের সামনে দাঁড়াল।

'দত্তমশাই উঠেছেন নাকি!'

'—কে ?' বলতে বলতে পাঁচহাতি ধুতি-পরা প্রতাপবাব্ বেরিয়ে এলেন।

'আরে, আপনি এত ভোরে!'

'আমি আজই চলে যাচ্ছি প্রতাপবাবু, সেই কথাটা বলতে এলাম।'

'সে কি ? কোথায় যাচ্ছেন ? কবে ফিরবেন ?'

'যাচ্ছি দেশে। কবে ফিরব তা বলতে পারি না। আপনি জায়গাটা ভাড়া দিতে চান, কাউকে দিয়ে দেবেন। আমার এখনও দিন-পনেরো বাকি আছে—তা ওটার টাকা আর আমি ফেরত চাই না—একটা নোটিশ দিতেও ত হ'ত!'

'ভা—হঠাৎ এমন ভাবে—'

'মানে ঐ খবরটা শুনলুম কিনা। আমিই এমন ক'রে বেড়াই, কিন্তু আমার পিসিমার হাতে এখনও সোনাদানা আছে ঢের। তাই তাঁকে একটা সংবাদ দেওয়া ত উচিত!'

'কী খবর মশাই। সোনাদানা মানে—কোন বিশেষ খবর আছে নাকি ?'

'কেন, আপনি শোনেন নি কিছু ?' 'কৈ না ত! কি শুনব! গলাটা একটু চড়িয়েই উত্তর দেয় সর্বেশ্বর—'কোম্পানি যে বেসানার দাম বেঁধে দিচ্ছে।'

'সে আবার কি ? কত ?' প্রতাপবাবুর মুখ গুকিয়ে ওঠে। বামুনপিসী কলতলায় স্নান করতে নেমেছিলেন। তিনিও কাঠ হয়ে দাঁড়িয়ে যান।

'সোনার দাম হু হু ক'রে বেড়ে যাচ্ছে ব'লে ব্যবসা-বাণিজ্যের বড় ক্ষতি হচ্ছিল। তাই কোম্পানি আইন করছে যে কেউ আর পঞ্চাশ টাকা ভরির বেশি বেচতে পারবে না।'

'যাঃ—কী বলেন।' প্রতাপবাবুর মুখ দিয়ে কোনমতে কথাটা বের হয়। তাঁর মুখে হাসির আভাস কিন্তু চোখে উদ্বেগ ও হতাশা। হাসি-কারায় মেশানো মুখভাব।

—'বেশ ত, নিশ্চিন্ত থাকুন না! ছদিন পরেই খবরের কাগজে দেখতে পাবেন।'

—'আপনি—আপনি কথাটা গুনলেন কোথায় ?'

'আপনি ত জানেন—আমার কাকার নিজের সম্বন্ধীর সহিস হ'ল গে লাট্সাহেবের বাবুর্চির আপনার মেসোমশাই! বলি আইনকাল্লন যাই হোক না কেন—লাট্সাহেবের কানে ত আগে পৌছবে!'

যুক্তি অকাট্য। প্রতাপবাবুর পা-ছুটো থর থর ক'রে কাঁপতে লাগল। তিনি সেইখানেই বসে পড়লেন। বামুনপিদীরও আর স্নান করা হ'ল না, তিনি উঠে এদে সেই সংকীর্ণ রোয়াকেই আছড়ে পড়লেন,—'ওমা কী সর্বনেশে কথা রে! আমি যে

## কঠিন মায়া

দাঁড়িয়ে মারা যাবো রে। ওরে আমার যে মূলধনস্থ চলে যাবেরে।'

'কী করা যাবে মাসী—ওধারে যে অনেক লোকের সর্বনাশ হয়ে যায়।'

সে গুণ গুণ ক'রে গান গাইতে গাইতে বেরিয়ে গেল—

'মা আমায় ঘুরাবি কত ?—চোখঢাকা বলদের মত।'
বামুনপিসী ততক্ষণে মড়াকালা জুড়ে দিয়েছেন।

সর্বেশ্বর ভয়ে ভয়েই মেসে ফিরল। বরাতক্রমে গলির মুখেই চাকুরের সঙ্গে দেখা—আর তার মুখে তাল খবরই পাওয়া গেল। সে একগাল হেসে বললে—'আপনার শ্বশুর মশাই চলে গেছেন আছে। সবে পরশু গেছেন—মিলচার্জ বাদে চা পান তামাক আর জলখাবারে কদিন বিল হয়েছে আপনার বিয়াল্লিশ টাকা দশ আনা।'

'তা হোক্গে—আপদ গেছে ত।' 'আজে হাঁা গেছেন। তবে আবার আসবেন।' 'আবার আসবেন?' সে কীরে?'

'আজে। এবার আপনার পিসীমাকে স্কুদ্ধ নাকি নিয়ে আসবেন। তা ছাড়া ছজন ভাইপোকে রেখে গেছেন, তারা সারাদিন হাওড়া আর শিয়ালদায় পাহারা দেবে।' সর্বেশ্বর শিউরে উঠে। 'বলিস কিরে! এ যে নাগপাশ বাবা—অনন্ত সাপের পাশ! পাশ ফেরাবার যো নেই।'

'আজ্ঞা! এ মাস না হ'লে নাকি ছ'মাস টাইম নেই। কী করা যাবে। খুব জরুরি ওঁয়াদের দরকার!'

d.

'হুঁ।' মেদে ঢোকে সর্বেশ্বর খুব বিষয়চিত্তেই। খবর আরো যা মেলে তাতে হাত-পা ঠাণ্ডা হয়ে আদে। প্রদোষ এদে বলে, 'মুথুজেদা কেন পালিয়েছিলেন তা ঐ মালটি দেখেই বুঝেছি। বাকা, শশুর বটে একখানা। শশুরই এই—না জানি ওঁয়ার ক্যাটি কেমন।'

বিনয়বাবু রাগ ক'রে বলেন,—'না মশাই। আপনাকে সহ্ করি এই ঢের। আপনার ও রকম গেস্ট এলে আর পারব না। দিয়ে যাবেন যাটটি টাকা!'

'দিয়ে যাবেন ষাটটি টাকা!' ভেংচি কেটে বলে সর্বেশ্বর,— 'আমার সঙ্গে আগে পরামর্শ করেছিলেন ? আমি কি বলেছিলুম খাওয়াতে ? দেখলেন আমিই পালালুম—আপনারা কোন্ আক্রেলে খাওয়াতে গেলেন ?'

'কে জানে মশাই—সত্যিই যদি কোন দিন আপনার শশুর হয়ে বদেন ? তাঁকে কি তাড়াতে পারি ?'

'সত্যিই যদি উনি শশুর হয়ে বসেন ত তথন কি আপনার টাকা আদায় হবে ভেবেছেন ?···তখন চাইতে গেলে ঐ শ্বশুরটি লেলিয়ে দেব। প্রাণ নিয়ে পালাতে পথ পাবেন না!'

সারা সকালটা বসে বসে ভাবলে সর্বেশ্বর। যতই পিসী এবং বনমালী ঘোষালের যৌথ আক্রমণের কথা কল্পনা করতে লাগল ততই ওর নাড়ী ছাড়বার উপক্রম হ'ল। গায়ে ঘাম দিতে লাগল।

না, মুখে যতই বলুক—পারবে না সে ঠেকাতে। তার চেয়ে পালানোই বুদ্ধিমানের কাজ। আর একটি ভাঙা-গোছের টিনের স্থটকেস ছিল সেইটিতে একখানা কাপড় গামছা আর এটা-ওটা জিনিস ভরে নিয়ে সর্বেশ্বর খাওয়া-দাওয়ার পরই বেরিয়ে পড়ল। যাবার সময় ঠাকুরের হাতে পাঁচটা টাকা দিয়ে বলে গেল, 'এই নাও তোমার বখশিশ, এবার কিন্তু আর চুকতে দিও না—ব'লে দিও, সে এখান থেকে উঠে গেছে!'

. 0

আবার পথ। এবার দূরে কোথাও পালাতে হবে। বেশ কিছুদিনের জন্মে। কিন্তু যে দেশেই যাক—হাওড়া আর শিয়ালদা ছুই-ই এখন তার কাছে অগম্য। সে চেনে না বনমালীর ভাইপোদের, কিন্তু বোঝা যাচ্ছে যে তারা চেনে।

একটা পার্কের ভেতর বেঞ্চে ৰসে অনেক ভাবলে সে।

আনেকক্ষণ ধরে ভাবলে। তারপর উঠে—দক্ষিণেশ্বের একখানা

বাস্-এ চেপে বসল। সেখান থেকে বালি ব্রীজ পেরিয়ে ওধারে

ক্ষিয়ে সাইকেল রিক্সা নিয়ে চলে এল সটান শ্রীরামপুর। এইখানে

নানা রকমের এক্সপ্রেস প্যাসেঞ্জার থামে। প্রথম যে দ্রপথের

ক্রেন আসবে তাতেই চেপে যেখানে হোক চলে যাবে সে।

সেদিন কি একটা উপলক্ষ্যও ছিল বুঝি। স্টেশন লোকে লোকারণ্য। তারই মধ্যে কোনমতে ঠেলেঠুলে জায়গা ক'রে নিয়ে একটা বেঞ্চিতে গিয়ে বসে পড়ল। সেই বেঞ্চিতে আরও গুটিকতক লোক বসেছিল আগে থেকেই। তার মধ্যে ঠিক ওর পাশেই যে বৃদ্ধটি বসেছিল তার দিকে ওর নজরে পড়তে বিশেষ ক'রে চেয়ে দেখল। লম্বা লম্বা চুল ও গোঁফদাড়ি—পাকা শণের মত সাদা ধপধপ করছে। কতকটা যাত্রার দলের নারদের মত চেহারা। চোখে একটি রঙীন চশমা। ভদ্রলোক পালে-রাখা একটি টিনের স্কুটকেশে ঠেস দিয়ে মলিন উড়্নির প্রান্তে ঘাম মুছছেন। ভদ্র-লোকের বড় হতাশ মুখভাব। দেখে মায়া হ'ল সর্বেখরের।

— 'দাত্ব কতদ্র যাবেন ?' যেচেই আলাপ করে সে।

'আর ভাই যাওয়া!' চাদরের প্রান্তটা নেড়ে হাওয়া খেতে খেতে বলেন বৃদ্ধ,—'যেতে পারলে ত বাঁচতুম।···সংসারের ঘানি-গাছে যে বাঁধা পড়েছি ভাই, এ জোয়াল ঠেলে যাবো কোথায়! ঘুরছি ত ঘুরছিই। সেই একপথে ঘুরছি!'

এ কথার আর জবাব কি? সর্বেশ্বর চুপ ক'রে থাকে।

বৃদ্ধই একটু পরে বলেন, 'ঘরে ছ-টি প্রাণী খেতে, রোজগার করতে আমি একা। ক্যানভাস করি, তা এই ভীড়ে বুড়োমান্থযের গলা পৌছবে কেন? আজ এক পয়সাও রোজগার হ'ল না এই এত বেলা পর্যন্ত। অথচ তারা বসে আছে আমি বাজার নিয়ে গেলে তবে হাঁড়ি চড়বে।' গলা বুজে আসে শেষের দিকে।

'কিসের ক্যানভাস করেন আপনি ? ওষুধের ?'

'না ভাই, ওষ্ধ-বিষ্ধ আর পাবো কোথায়। তাতে ত কিছু মূলধন লাগে। উপযুক্ত ছেলে এক বছর ভূগে মারা গেল, শেষ কড়িটি অবধি বেরিয়ে গেছে।…এতে আছে মাছলি। স্বপ্লাছ মাছলি। ছ-পয়সা ক'রে একটা মাছলি পড়ে গ্রোস দামে কিনলে, বুঝলে না ভায়া? তার মধ্যে অবিশ্যি আছে একট্—বেলপাতায়

একটা মন্তর লিখে পুরে দিই। সওয়া পাঁচ আনায় বিক্রি করি। তার ভেতর থেকে আবার এক পয়সা ভুলে রাখি মার পুজোর জন্মে। বছর অন্তর পয়লা বৈশাখ পূজো দিই। তা তোমার কী ভায়া, মাজন না হাতকাটা তেল ?' .

'কিসের মাছলি আপনার? কি সারে?' কথাটা এড়িয়ে যায় সর্বেশ্বর।

'মাছলি ঐ একরকমই। বলি—তোমার কাছে মিছে কথা ব'লে লাভ কি, ভূমিও যখন এই পথের পথিক—বলি অনেক রকম। সাদা স্থতোয় বাঁধা এগুলো অর্শের মাছলি। নীল স্থতোয় এটা হাঁপানি, লাল স্থতো হচ্ছে পুরোনো আমাশা। আর কালো সিল্কের স্থতোয় বাঁধা আছে সেগুলো মেয়েদের। মানে ওঁদের যাবতীয় গগুগোল আর কি। স্থতোর দরুণ এক আনা আলাদা নিই।'

সর্বেশ্বর কিছুক্ষণ চুপ ক'রে থেকে বলে,—'দাছ যদি কিছু মনে না করেন ত বলি, আমি একবার দেখব চেষ্টা ক'রে ? যদি আপনার মাছলি ক-টা বেচে দিতে পারি ?'

'—ছাখো না ভাই। পারবে কি ?' তারপর সন্দিগ্ধ কঠে বলেন,—'তা তুমি কি হিসেবে নেবে ? তোমাকে ত এ লাইনে দেখিনি কখনও ?'

'আমি কিছুই নেব না দাদা। আমি এ লাইনে নতুন বটে। তা হোক আপনি ভাববেন না। আমার এই সুটকেস জামিন রইল।' এই বলে সে দাছুর স্থটকেস নিয়ে উঠে পড়ল এবং মেয়েদের ওয়েটিং হলের সাম্নে যেখানে ভীড় বেশ জমাট, সেইখানে গিয়েই বলতে গেলে—এক হুল্কার দিয়ে উঠল—'বিনামূল্যে! বিনামূল্যে! একেবারে যাকে বলে ক্রি—মা'র আদেশে বিনামূল্যে বিতরণ।'

বলা বাহুল্য নিমেষে সকলের মনোযোগ ওর ওপর এসে
পড়ল। ছ পাঁচজন এসে ঘিরেও দাঁড়াল। সর্বেশ্বরের ততক্ষণে
বক্তৃতা এসে গিয়েছে। সে বলতে শুক্ত করল—'সমবেত
ভদ্রমহিলা ও ভদ্রমহোদয়গণ! একবছর একদিন, মা'র আদেশে
৩৬৬টি দিন, এই কাজ ক'রে বেড়াতে হবে আমাকে। একশ
একুশ দিন হয়েছে আর ছ'শ পাঁয়তাল্লিশটি দিন হ'লেই আমার
ছুটি।…মার' আদেশ! কঠিন রোগে শয্যাশায়ী হয়ে পড়ে মাকে
ডেকেছিলাম—মার স্বপ্নাদেশ হয়েছিল, যদি ভাল হই ত এক
বছর একদিন এই সংবাদটি প্রচার ক'রে বেড়াতে হবে, তার পর
ছুটি।…নেওয়া না নেওয়া আপনাদের ইচ্ছা। বেচতেই হবে
মা'র এমন কোন নির্দেশ নেই। নিলে এখন দাম লাগবে না।
সেরে গেলে দাম। সে দামও—মনে রাখবেন—সে দামও আমি
নেব না। কালীঘাটের কালীবাড়িতে গিয়ে প্জো দিলেই সে
দাম পোঁছবে। এখন আপনাদের মর্জি।

সঙ্গে সঙ্গে প্রায় সহস্রকণ্ঠে নানা প্রশ্ন ওঠে—'কিসের মাছলি মশাই ? কি কি রোগ ভাল হয় ? টি বি সারে—হাঁা ভাই ? কৈ ভাই দেখি পেটের অস্থাথের কী আছে ? কিছুই কি নেবেন না ?'

'শুরুন শুরুন—একট্ স্থির হোন।' প্রায় বিপন্ন-কঠেই বলে সর্বেশ্বর—'হাঁপানী, অর্শ, পুরোনো আমাশা আর স্ত্রীরোগ—এই চার রকমের মাছলী আছে আমার কাছে। তার বাইরে দয়া ক'রে কেউ চাইবেন না, দিতে পারব না। দাম যোল আনা—সে আপনারা ভাল হ'লে দেবেন। আপাতত আমার মাছলি, রেশমী স্থতো আর মা'র অগ্রিম পূজো একটি পয়্নদা—এই নিয়ে মোট ছ'আনা একপয়্রদা জমা দিতে হবে। তাও ব'লে রাখছি বেশি নেই এখন আমার কাছে, শ'খানেকের কিছু কমই হবে। স্বাই চাইবেন না, দিতে পারব না। পরশু মঙ্গলবার ভোরবেলা স্থান প্জো সেরে তবে এই ওয়্ধ জোগাড় করতে বেরোব। তার আগে দিতে পারব না, দয়া ক'রে মাপ করবেন।'

কে একজন ব'লে উঠল 'সওয়া ছআনা দিতে হবে। তবে যে বললে বিনামূল্যে ?'

সেদিকে ফিরে একট্ মিষ্টি ক'রে হাসে সর্বেশ্বর, 'আজকালকার দিনে আমার মাছলির একটা দাম কত ? সিল্কের স্থাে, সেগুলােও কি ঘর থেকে দেব ভাই ? মা'র ত সে আদেশ পাইনি। পেলে তা-ও দিতে হ'ত। প্রচার করবার কথা প্রচার করছি, বেচতেই যে হবে তার কোন মানে নেই। আমি ত বাঁচি। নতুন ওয়ৄধ যােগাড় করা, মাছলি ভরা, ঝঞ্চাট কি কম ? বিনা-মাইনের চাকরি খতম হ'লে বাঁচি।'

কিন্তু তার কথা শেষ অবধি শোনাই গেল না। 'ও মশাই, এদিকে একটা অর্শর।' 'এই যে দাদা—আমাশার একটা দেবেন ?' 'এই নিন সওয়া ছ-আনা, হাঁপানীর একটা।'

'চেঞ্জ আছে নাকি দাদা ? পাঁচটাকার নোটের ? আমাশার তাহ'লে ছটো নিতুম।'

'খাওয়া-দাওয়ার নিয়মটা কি বললেন না—আর কোন বিধি-নিষেধ আছে '

'ও দাদা, কৈ আমারটা ?'

'দাঁড়ান দাঁড়ান, আমার ত ভাই হুটো বই হাত নয়। দিচ্ছিদান। না ভাই, চেঞ্জ হবে না। জয় মা। তিনদিন শাক অম্বল্য কড়াই-এর ডাল নিষেধ। হাঁপানীতে ডিম'মাংস চলবে না। থেতে গেলে মাহলী খুলে রেখে খাবেন, আবার পাঁচ পয়সা জরিমানা দিয়ে পরবেন। তাঁ, শনি কি মঙ্গলবার পরতে হবে। এই বে, কী বললেন অর্শ ? তাঁ, মাহলি ধুয়ে একটু ক'রে হুধ খাবেন, পেপের আটার সঙ্গে—'

দেখতে দেখতে বাক্স নিঃশেষ হয়ে মাছলী চলে গেল, তার বদলে সেটা পয়সায় বোঝাই হয়ে উঠল। সবগুলি শেষ ক'রে 'মা মাগো। তোমারই কৃপা মা।' ব'লে কপালে হাত ঠেকালে সর্বেশ্বর। তারপর হাত জোড় ক'রে বললে, 'আজকের মত মাপা করুন দাদারা, আজ আর নেই। আবার সেই মঙ্গলবার ছপুরে। নমস্কার।'

ফিরে এসে দাহর পাশে সুটকেসটা নামিয়ে রেখে কোঁচার

49

মাল ছিল হিসেব মিলিয়ে দাম বুঝে নিন। ছু'একটা দাম কেউ কম দিয়েছে কিনা বলতে পারব না, যা কাড়াকাড়ি।'

বৃদ্ধ সুটকেস খুলে মাছলির বদলে সিকি, ছ'আনি, আনিতে বাক্স বোঝাই দেখে অবাক হয়ে যান। 'এ কী কাণ্ড ভাই। সব বেচে ফেলেছ? এরি মধ্যে।'

'আমি কি বেচেছি দাদা। মা'র দয়া। মা-যা করান।'

'তা ঠিক। কিন্তু তুমি ভাই নিশ্চয় জাতু জানো। কী ব'লে আর আশীর্বাদ করব, ধনেপুত্রে লক্ষীলাভ হোক। কী বলব, এতগুলি প্রাণীকে উপবাদের হাত থেকে বাঁচালে।'

তারপর গুণে গেঁথে নিয়ে বলেন, 'ঠিক আছে, সাড়ে সাঁইত্রিশ টাকা—কেউ ঠকায়নি। একটা কথা কিন্তু ভাই, ভোমাকে কিছু নিতে হবে।'

'না-না দাছ—আমার কিছু দরকার নেই। আজ একটু ভাল মাছটাছ নিয়ে যান, নাতি-নাতনীরা আনন্দ ক'রে খাবে।'

'না ভাই, তা হয় না। তুমিও আমার নাতির মতই।'

তিনি একরকম জোর ক'রেই ওর হাতে কতকগুলো রেজকি গুঁজে দিলেন। ইতিমধ্যে একটা লোক্যাল ট্রেন এসে গিয়েছিল। বৃদ্ধ ভদ্রলোক সেই গাড়ীতে উঠে চলে গেলেন।

এইবার শোনা গেল লুপ লাইনের গাড়ী আসবে। ভিড় ক্রমেই বাড়ছে। সর্বেশ্বর একটা বিড়ি ধরিয়ে পায়চারি করিতে লাগল। ঘুরতে ঘুরতে নজরে পড়ল একটা বেঞ্চির কাছে বড় ভিড়। লোকজন ঠেলে সরিয়ে এসে দেখলে—একটি বৃদ্ধলোক বেঞ্চিতে গুয়ে আছেন, তার মাথার কাছে একটি তরুণী মেয়ে উদ্বিগ্ন মুখে বসে হাওয়া করছে। মুখে-মাথায় জলও দেওয়া হয়েছে—চারিদিকে ছড়ানো জল ও বৃদ্ধের মাথার দিকে চাইলেই বোঝা যাচ্ছে।

'সরুন ত সব—সরুন ত! দেখছেন হাওয়ার দরকার। সব বিরে দাঁড়িয়ে হাওয়া বন্ধ করেন কোন আক্রেলে তা বুঝি না। সরুন স্বাই—'

মূহূর্তে পাণ্ডা হয়ে ওঠে সর্বেশ্বর। ঠেলে গুঁতিয়ে ভিড় সরিয়ে দেয় খানিকটা। ঝুঁকে পড়ে প্রশ্ন করে—'সেরেছেন খানিকটা? জ্ঞান হয়েছে?'

কৃতজ্ঞ দৃষ্টিতে চাইতে গিয়েও—ওর দিকে নজর প'ড়ে মেয়েটির দৃষ্টি কঠিন হয়ে উঠল। শুষ্ককণ্ঠে বললে শুধু, 'হাঁ।'

ফস ক'রে পাখাখানা কেড়ে নেয় ওর হাত থেকে সর্বেশ্বর। তারপর জোরে জোরে হাওয়া করতে থাকে। হাওয়া করতে করতেই প্রশ্ন করে, 'এমনি হয় নাকি মধ্যে মধ্যে ? মিরগী নয় ?'

'না না', মেয়েটি আগের মতই নিরসকঠে বলে, 'বাবার লো-প্রেসার আছে তাই মাথা ঘোরে। এখানে এসে গরমে ভীড়ে হঠাং মাথাটা ঘুরে গেছল। আপনি পাখাটা দিন, বাবা এখন ঠিক হয়ে গেছেন!'

সর্বেশ্বর পাখা দেয় না। কিন্তু বৃদ্ধ ভদ্রলোকটি নিজেই উঠে বসবার চেষ্টা করেন এবার। তখন পাখাখানা ফেলে তাড়াতাড়ি ওঁকে ধরে বসিয়ে দেয় সে।

'কোন্ ট্রেনে যাবেন আপনি ?' 'এই লুপ-লাইনের গাড়িতে।'

'এই গাড়িতে যাবেন ? তা হ'লে ত বেশি দেরি নেই আর। গাড়ি এলো ব'লে, সিগতাল দিয়েছে। এ গাড়িটায় খুক ভিড় হয় কিন্তু, এখানেই ত বুঝতে পারছেন ভিড়ের নমুনা। যেভে পারবেন ?'

'যেতেই হবে বাবা। সেখানে আমার ছেলের খুব অনুখ, তার পেয়েছি। সামাত জায়গা, বন-দেশে ডাক্তার বভিও বিশেষ নেই। ওষুধ, ফল, হর্লিক্স সব নিয়ে যাচ্ছি। •••এ গাড়িতে ত না উঠলে চলবে না! •••তুমি কতদ্র যাবে বাবা, দেবে আমাদের একটু তুলে?'

'দেব বৈকি! নিশ্চয় দেব। আপনি নিশ্চিন্ত থাকুন।'
মেয়েটি ভাড়াভাড়ি ব'লে উঠল, 'না না বাবা, আমরাই উঠতে পারব, কেন আর ওঁকে কষ্ট দেওয়া।'

'তুই বৃঝিস না তপু, যে ভিড় হয় এ গাড়িতে। তুই ছেলেমানুষ, আর আমি ত স্থবির। ছেলেটি যখন রয়েছেন, ওঁকে না হয় একটু কষ্ট দিলুমই। হাজার হোক আমার ছেলের বয়সী।'

তপুর বাবা ধমক দিয়ে ওঠেন।

সর্বেশ্বর একটু সরে এসে ঝুঁকে দাঁড়িয়ে সিগতাল দেখছিল। কানে এলো মেয়েটি ফিস্ ফিস্ ক'রে বলছে, 'লোকটাকে আমার ভাল বোধ হচ্ছে না বাবা। নিশ্চয়ই ওর কোন মতলক আছে। ওর চেহারা, বেশভূষা—দেখছ না ?'

তার বাবাও ফিস্ফিস্ ক'রেই বলেন, 'না রে না। মতলব আবার কি ? গরীবরাই পরোপকারী হয় তা জানিস ?'

'পরোপকারী না ছাই।' মুখটা বিকৃত করে তপু।

দেখতে দেখতে গাড়ি এসে গেল। সত্যিই বিষম ভিড় গাড়িতে। বুলতে বুলতে আসছে সবাই। তাছাড়া এ ফেশনেও ভিড় কম নয়। বৃদ্ধ ভদ্রলোকটি পোঁটলা-পুঁটলি নিয়ে ছ-তিন জায়গায় ঢোকবার বৃথা চেষ্টা ক'রে হাল ছেড়ে দিলেন। তার চোখে জল এসে গেল। সর্বেশ্বরের দিকে তাকিয়ে বললেন, 'কী হবে বাবা? ছেলেটাকে বোধ হয় আর জ্যান্ত দেখতে পাবোনা!'

সর্বেশ্বর এতক্ষণ যেন মজা দেখবার জন্তই একটু একপাশে সরে দাঁড়িয়েছিল। এবার সে এগিয়ে এসে বললে, 'ভয় কি! আমি দেখছি।' তারপর সে একটা অসাধ্য সাধনই করলে। একটা কামরার সামনে গিয়ে দোরের কাছে যারা দাঁড়িয়ে ভিড় ক'রে রেখেছিল তাদের এক এক ঝটকায় সরিয়ে ভেতরে থেকে তু একজনকে টেনে নামিয়ে চোখের পলকে বৃদ্ধ এবং তাঁর মেয়েটিকে মালপত্রস্থদ্ধ ঠেলে উঠিয়ে দিলে। বলা বাহুল্য, হৈ বড় কম হ'ল না। তু একজন অকথ্য গালাগালি দিয়ে উঠল। 'আরে আরে এ কী? হাত ছাড়ো না!' 'কী মশাই আপনি?' 'কোথাকার নবাবপুতুর হে তুমি?' 'বেয়াদব বেল্লিক ছোক্রা, দেখবে!' ইত্যাদি ইত্যাদি। ত্ব-একজন রূখে মারতেই এলো।

সর্বেশ্বর নিমেষে তার উগ্রমূর্তি ত্যাগ ক'রে বিনীতভাবে হাতজাড় ক'রে দাঁড়াল, 'দেখুন দাদারা, আমি অন্যায় করেছি। আপনারা রাগ করতে পারেন—তা আমি স্বীকার করছি। আপনারা অপমান কর্জন, জুতো মারুন, আমি কিছু বলব না। কিন্তু উপায় ছিল না, ঐ বৃদ্ধ ব্লাডপ্রেসারের রুগী যে কোন মুহূর্তে পড়ে মরে যেতে পারে। ওধারে ওঁর একটি ছেলে মুম্র্য্। না উঠতে পারলে সেই শক্-এই ভদ্রলোক মরে যেতেন।'

'তা আমাদের ত বললেই পারতেন।' নরম হয়ে আসে অনেকেই।

'সে সময় কোথা ছিল বলুন। ঐ ত ট্রেন ছেড়ে দিলে। উঠুন উঠুন, কথা বলার সময় নেই।'

তারই ফাঁকে সে নিজেও উঠে পড়ে। তারপর হাত বাড়িয়ে ছ-চারজনকে টেনে নেয়। শেষ পর্যন্ত স্বাই হয়ত উঠতে পারেও না। কিন্তু তার জন্ম ওর পাশের লোকেরা কেউ রাগ করে না। ওর বিনয়-বাক্যে সকলেই ভিজে এসেছে।

তপু আর তার বাবা তখনও বসতে পাননি। ওর বাবা এমন কি পা-টাও ভাল ক'রে রাখতে পারেননি। একবার সে দিকে চেয়েই অবস্থাটা বুঝতে পারলে সর্বেশ্বর। তখনি সে হঠাং যেন দোরের কাছে বাকী যারা ছিল তাদের জন্মেই ব্যাকুল হয়ে উঠল, 'ও ভাই আর একটু কোনমতে ঠেলেঠুলে যান না দাদা, এঁরা যে বাইরে ঝ্লছেন।…না না এটা মোটে ভাল কথা নয়। কালও ব্যাণ্ডেলে এক ভদ্রলোক এইভাবে যেতে যেতে ডিস্ট্যাণ্ট সিগতালে লেগে মারা গেলেন। এমনিই ঝুলতে ঝুলতে যাচ্ছিলেন। আর একটু। ও দাদা কোনমতে ভেতরে চলে আস্থন। অমন ক'রে ঝুঁকবেন না। পৈত্রিক প্রাণ গেলে আর ফিরবে না—'

এবং এরই ফাঁকে যে যতটা এল বা না এল—সে নিজেই এক সময় ভেতরে ঢুকে এল এবং ঠেলেঠুলে তপুদের পাশে এসে দাঁড়াল।

'এ হে হে, আপনারা এখনও বসতে পারেননি বুঝি? কিন্তু আপনার ত না বসলে চলবে না। শেষে আবার একটা কাণ্ড বাধাবেন নাকি? এই ত একটু আগে যায় যায় হয়েছিলেন।'

'তা ত বুঝলুম বাবা—কিন্ত কোথায় আর বসব? এ-ত সব বোঝাই—'

'ওরই মধ্যে জায়গা ক'রে নিতে হবে। আচ্ছা আমি দেখছি।' তারপরই সে লেগে যায়। 'এ বোঁচকাটা কার দাছ? আপনার বৃঝি? ওপরে তুলে দিলে কী হয়? জায়গা নেই? সে ভাবনা আমার, এই ত এখানে ঝুলিয়ে দিলেই ত চলবে। বাঃ, বেশ হ'ল, দিব্যি। ভাই আপনি যদি কিছু মনে না করেন—আধ ইঞ্চিটাক একটু পা-টা সরাবেন? এই য়ে, বাক্সর ওপরটা খালি ক'রে দিতে চাইছি আর কি! বৃদ্ধ-ভদ্দলোকটিকে না বসালে চলছে না যে। আর বলবেন না ভাই, ভিড় উনি মোটে সহ্য করতে পারেন না। এই ত একটু আগেই ভিরমি গিয়েছিলেন। অতিকষ্টে স্বস্থ হয়েছেন। কিন্তু

V

# কঠিন মায়া

শরীর ত এখনও তুর্বল। আবুর যদি মূছ যান ত আর ভাল করা যাবে না—।'

তারপর অনেকৃদ্র অবস্থিত একটি হিন্দুস্থানী ছোকরাকে ধমক দিয়ে এঠে—'এই বাবা, জেরা তুম উধার হটো না। দেখতারয় বুড্ঢা মানুষ—তুম আরাম করেগা আর এই বুড্ঢা স্থাম দাড়ায়কে দাঁড়ায়কে যায়গা।

ওরই মধ্যে গাড়িতে একটু গুঞ্জন ওঠে।—'ভাত বটেই। বুড়ো মান্ত্র। ও মশাই আপনি একটু পা-টা সরান না। ভাহ'লেই ত ভজলোকের—। মেয়েটিই বা এই ভিড়ে দাঁড়িয়ে যায় কী ক'রে—?'

দেখতে দেখতে জায়গা হয়ে গেল। সুঞ্জী তরুণী মেয়েটিকে দেখে ত্ব'এক জন নিজেরা মালের ওপর বসে জায়গা ছেড়ে দিলে। ফলে তপুও বসবার জায়গা পেলে, তার বাবাও। আর সেই ফাঁকে সর্বেশ্বরও ওঁদের কাছে একটি বাক্সর ওপর জায়গা ক'রে নিয়ে জাঁকিয়ে বসল।

'আঃ!' আরাম সূচক একটা শব্দ ক'রে গুছিয়ে বসেন বৃদ্ধ—'ভাগ্যে তুমি ছিলে বাবা! এসব কি আর আমার কন্ম! ভগবানই তোমায় জুটিয়ে দিয়েছেন। বড় ভাল ছেলে তুমি! তা তুমি কোথায় যাবে বাবা ?'

তপুর কিন্তু এতটা বাড়াবাড়ি পছন্দ হয় না। সে অগ্নিকটাক্ষে বাবার দিকে চেয়ে চোখটা ফিরিয়ে নেয়।

'আমি ?' প্রশ্নটা ক'রে কিছুকাল মৌন থাকে সর্বেশ্বর। তারপর একটু হেসে বলে—'কী জানি।' বৃদ্ধ রীতিমত বিশ্বিত হন, 'কি জানি কি বাবা। কোথায় আবে তা জানো না ?'

আরও কিছুকাল চুপ ক'রে থাকে সর্বেশ্বর। তারপর বলে— শ্লিত্যিই জানি না। কথাটা আপনারা বুঝবেন না। কিন্তু আমার কিছুই ঠিক-ঠিকানা নেই। এমনিই ঘুরে বেড়াচ্ছি। এই গাড়িতে যে উঠব তাই কি ছাই জানতুম!'

বুদ্ধও এবার একটু সন্দিগ্ধ হয়ে ওঠেন, 'টিকিট করোনি ?'

'আজে হঁ্যা,। তা একটা করেছি। বর্ধমান অবধি টিকিট অ্রকটা কাটা আছে। তারপর যেখানে নামব সেথানেই বাড়তি ভাড়াটুকু দিয়ে দেব।'

টিকিট একখানা বার ক'রে দেখায়ও সে। তপুর বাবা খুশি হয়ে ওঠেন। যেন একবার বিজয়-গর্বে মেয়ের দিকে তাকিয়ে নিয়ে বলেন,—'তা তুমি আমাদের সঙ্গে চলো না তাহ'লে, ছদিন থেকে যাবে!'

সঙ্গে সঙ্গে তপু বাইরে থেকে দৃষ্টি ফিরিয়ে আনে,—'কী তুমি বলছ বাবা? দাদার ত সেই একটু বাসা ভরসা। বৌদি একা। ওঁকে নিয়ে গিয়ে তুমি তুলবে কোথায়? ওঁর কষ্ট হবে না?'

কণ্ঠস্বরটা তার রীতিমত তীক্ষই হয়ে ওঠে।

না না। কন্তু আবার কি! আর একট্ কন্তু হ'লই বা। ওরা সব আজকালকার ছেলে, পরোপকারী। ওরা অমন একট্ আধট্ কন্তু গ্রাহাই করে না।—না বাবা, তুমি আমাদের সঙ্গেই চলো।

## কঠিল নায়া

সর্বেশ্বর এই সময় ইচ্ছা ক'রেই পাশের একটি যাত্রীকে নিয়ে যেন ব্যস্ত হয়ে ওঠে। কিন্তু তপুর কথা তার কানে যায় ঠিকই —'বাবা তুমি একটা সর্বনাশ না বাধিয়ে দেখছি ছাড়বে না! লোকটা কখনই ভদ্রলোক নয়। জোচ্চর গাঁজাখোর টাইপের লোক। ওর কোন বদ্ মতলব আছে—তাই অত গায়ে-পড়ে ভাব জমাচ্ছে!'

'তুই থাম দিকি মা!···তোরা সব তাইতে বড় লোককে অবিশ্বাস করিস!' চুপি চুপি জবাব দেন বৃদ্ধ।

এইবার সর্বেশ্বর মুখ ফেরায় এদিকে, 'কী বলছিলেন? আপনাদের সঙ্গে যাওয়া? না থাক্, এ যাত্রা আর এত সহজে থামবার ইচ্ছে নেই। গাড়িতে যখন চেপেছিই তখন যতদ্র যায় যাক না!' তারপর জোর ক'রে যেন প্রসঙ্গটা থামিয়ে দিতেই কথা পাড়ে।—'আপনার ছেলে ওখানে করেন কি ?'

'আর সে কথা বলো না বাবা। এম. এম্-সি পাশ ক'রে ভাল সরকারী চাকরি পেয়েছিল—সে পছন্দ হ'ল না। বলে চাষবাস করব। চাকরি ছেড়ে এই বনগাঁয়ে এসে উঠল। জমি জমার বেধড়ক খাটুনি—সে কী আর ঐ কলেজে-পড়া ছেলেদের সহ্থ হয় বাবা ? প্রায়ই অসুখ, প্রায়ই অসুখ! লাভ ত খুব। আমাকেই এখনও সংসার টানতে হচ্ছে ওদের। মিছিমিছি বৌটার ভোগান্তি। ওরে বাবা, চাষবাস করলে সংসার চলে ঠিকই—কিন্তু ওটিকে ইংরিজী ক'রে এগ্রিকালচার করো, ব্যস্—লাভের দফা খতম। যার যা। কলেজে পড়ে চাষবাস হয় ?'

r

বলতে বলতে উত্তেজিত হয়ে ওঠেন বৃদ্ধ। তারপরেই মনে পড়ে যায়। আগের কথার জের টেনে বলেন, 'সেই জন্মেই ত বলছি, চলো না বাবা। তুমি সঙ্গে থাকলে উপকারও হয় একটু। আমি অন্তত মনে বল পাই।'

সর্বেশ্বর হেসে বলেন,—'আমাকে দিয়ে আপনার আর কত্টুকু উপকার হবে বলুন। ও-কথা আর তুলবেন না। মাঝখান থেকে আপনার কন্সা ভয় পাচ্ছেন। ভাবছেন যদি সন্ত্যিই আমি আপনাদের সঙ্গে গিয়ে উঠি, হয়ত বা রাভারাতি আপনাদের স্বাইকে খুন ক'রে পালাব।'

এই সোজাস্থজি আক্রমণের জন্ম তপু প্রস্তুত ছিল না। সে নিমেষে রাঙা হয়ে উঠল,—'না না তা কেন। তা কেন। বা, আমি কি তাই বলেছি।'

'বলেছিস বৈকি, একশ বার বলেছিস। ঠিক বলেছ বাবা। এ রকমই বটে ওর মনোভাব। ছাখো মা তপতী, ভোমাদের এ কলেজ-পড়া বিছেয় সব জিনিস বুঝতে এসো না। তোমরা ভাবো বুঝি বেশভূষ্টাই মানুষের আসল পরিচয়!'

সর্বেশ্বর তাড়াতাড়ি বলে ওঠে,—'না না ওঁকে মিছিমিছি দোষ দিচ্ছেন। কথাটা সকলের পক্ষেই প্রযোজ্য। আপনারাও কি সময় বিশেষে তাই করেন না ? আর ওঁরই বা দোষ কি, আমার যা বেশভ্ষা আর চেহারা—ভদ্রসন্তান ব'লে আমারও ক্লেম করা উচিত নয়।'

'ना ना-त कि कथा। छाट्या वावा य मिक्का वाहेरतत्र

# কঠিন মায়া

পোশাক ভেদ করে আসল মানুষে পোঁছতে শেখায় না, আমি
সেটাকে শিক্ষা ব'লেই মনে করি না। কিন্তু তুমিই বা এমন
ক'রে বেড়াচ্ছ কেন বাবা। কোথায় যাবে তাও জান না, তুমি
কি সন্ন্যাসী ?'

এতথানি জিভ বার ক'রে সর্বেশ্বর বলে, 'পাগল। বৈরাগ্য বা ঈশ্বর চিন্তা আমার এতটুকু নেই।'

'তবে ?'

ওদিকে তপতীও যেন একটু নড়ে চড়ে বসে। ওর দিকেই যে তার কান সেটা বেশ বোঝা যায়।

মাথা হেঁট ক'রে নিজের একটা নথ খুঁটতে খুঁটতে সর্বেশ্বর বলে,—'কী বলব বলুন। সে দীর্ঘ ইতিহাস। দেশে বাড়িঘর জমি জায়গা আছে। নিজেও লেখাপড়া শিখেছি। একটা ছোট ভাই ছিল—বুঝলেন? খুব ভালবাসতুম তাকে। মা-মরা ভাই। আমি অল্প বয়সেই চাকরিতে ঢুকেছিল্ম। বেশ ভাল চাকরিই করতুম, বাবা বিয়ের সম্বন্ধ ঠিক করলেন তাঁর এক বয়ুর মেয়ের সঙ্গে, বর্দ্ধর মৃত্যুর পর বাবাই তাদের—মানে তাকে আর তার ভাইবোনদের—দেখাশুনো করতেন। আমার আপত্তি ছিল না বরং আগ্রহ ছিল। কিন্তু হ'ল না!'

সর্বেশ্বর চুপ করলে।

'কেন বাবা, কেন হ'ল না ?'

আড়ে একবার তপতীর দিকে চেয়ে যেন গলাটা নিচু করবার চেষ্টা ক'রে সর্বেশ্বর বলে, 'মেয়েটি এসে জানালে যে সে

আমার ছোট ভাইকে ভালবাসে, তাকেই সে বিয়ে করতে চায়। আমি বিয়ে ভেঙে দিলুম। ছোট ভাইয়ের সঙ্গে বিয়ে হয়ে গেল তার। আমার মনে কেমন একটা স্বার্থত্যাগের নেশা চাপল। আমি বললুম, ভাইকে বিলেত পাঠাবো। বাঁবা রাজি হলেন না। আমিই জোর ক'রে পাঠালুম। প্রাণপণে খরচ চালাতে লাগলুম একরকম না খেয়ে। শুধু শুধু একজনকে সুখী করব ব'লেই যেন আমার সব কিছু পণ করলুম। ভাই ওখানের পড়া শেষ করলে किन्छ आंत्र किन्नल ना। जानाल य एम एमशान्य जान हाकति পেয়েছে। বাবা মারা গেলেন। ভাইকে লিখলুম যে তুমি ভোমার खीरक निरम यांछ। कान छेखत अल ना। उथन वक्त्वाक्तवरमत्र धरत ७थारन योगीरयोग कतलूम, थरत এল—সে সেখানে আর একটি বিয়ে করেছে। খবর আমি দিইনি। আমার মুখ দেখেই বোধ হয় ভাদ্রবৌ সন্দেহ করেছিল। সে গোপনে সে-চিঠি বার ক'রে পড়ে। তারপর ফল যা হবার তাই হ'ল। সে আত্মহত্যা করলে। এই হ'ল মোটামুটি ইতিহাস। চাকরি ছেড়ে দিয়েছি। ভদ্রজীবন আর ভাল লাগে না। মাঝে মাঝে ঘরে ফিরি আর এমনি ক'রে ঘুরে বেড়াই। গাছতলায় ভিখিরিদের জীবন। তাও যে ভাল লাগে তা নয়। ঐ ত্রিশঙ্কুর মত শৃত্যে ঝুলে আছি আর কি!

ম্লান একটু হাসে সর্বেশ্বর। উদাসভাবে চায় আর একদিকে। কিন্তু অপাঙ্গ নজরটা থাকে তার তপতীর ওপরেই। তপতীর মুখ কিন্তু ইতিমধ্যে বিবর্ণ হয়ে গেছে। তার চোখছটো ছলছল

# কঠিন মায়া

করছে রীতিমত। বেশ একটু সঞ্জদ্ধ চোখেই চেয়ে আছে সর্বেশ্বরের দিকে।

বৃদ্ধ ব্যাকুল হয়ে উঠলেন, 'তা ব'লে তুমি এমনি ক'রে বাকি জীবনটা কাটাবে বাবা ? যারা বেইমান, যারা তোমার মুখ চাইল না, তাদের জন্মে তুমি সারা জীবন নষ্ট করবে ?'

'না না। নষ্ট করব কেন। ঘর দোর জিমি-জমা কিছুই নষ্ট করিনি। হয়ত আবার ফিরে যাবো। সংসারী হয়েই বসব আবার। শুধু এখন যেন কিছুতেই পারছি না—বাঁধাধরা ছকেফেলা জীবন কাটাতে আর মেপে মেপে হাসতে লোকের সঙ্গে, বুঝলেন না!'

সবার আড়ালে চোথছটো মুছে নিয়ে ধরা গলায় বলে তপু, 'বাবা আমাদের নামবার সময় হ'ল কিন্ত—'

''হাঁা, এই যে।' ব্যস্ত হয়ে ওঠেন বাবা, 'এই যে। তুমিও কিন্তু বাবা চলো আমাদের সঙ্গে। না না, কোন কথা শুনতে চাই না। লক্ষী বাবা চলো।'

সর্বেশ্বর হেসে বলে, 'যাই না যাই, আমি আপনাদের সঙ্গে নামছি চলুন। আপনাদের যাওয়ার ব্যবস্থা না ক'রে দিয়ে—'

'না না। আপনি চলুন।' ব'লে অকস্মাৎ ঝেঁাকের মাথায় ওর একটা হাতই চেপে ধরে তপতী। তার চোখ তখনও লাল, চোখের পাতায় জলের আভাস।

সামাত একটু বিজপের হাসি হেসে সর্বেশ্বর বলে, 'এই আপনাদের এত বুদ্ধির অহঙ্কার! সামাততেই গলে গেলেন? আমি যদি বলি যে আমি আগাগোড়া মিছে কথা বলছি? যদি বলি যে কন্মিন্কালেও আমার ভাই ছিল না? মা-বাপকে জন্ম দেখিনি, এক পিদীর কোলে মানুষ হয়েছি ? যদি বলি যে স্রেফ ভবঘুরে আমি একজন—?'

'তা হ'লেও বিশ্বাস করব হয়ত। কিন্তু তাতে আপনার ওপর থেকে বিশ্বাস যাবে না। তবুও বলব আপনি চলুন আমাদের সঙ্গে।'

'হাঁা, হাা, যাবেন বৈকি। তুই ওর কথা শুনিসনি তপু।' এখনই মিছে বলছে।'

ওর বাবা গলায় জোর দিয়ে বলেন। সর্বেশ্বর হাসি-হাসি মূখে চুপ ক'রে যায়।

ইতিমধ্যেই স্টেশন এদে পড়ে ওঁদের। সামান্ত স্টেশন—
লোকজন নেই কেউ-কোথাও। নামলেনও ওঁরা ঐ ভিনজন।
মোট-মাটারি স্থন্ধ কোনমতে টেনে নামালে সর্বেশ্বর। চারদিকে
চেয়ে দেখে বৃদ্ধ উদিগ্নকণ্ঠে বলেন, 'তাই ত, একটা গোরুর গাড়ি-টাড়িও ত দেখছি না। মূটে পেলেও না হয় হেঁটে যাবার
চেষ্টা করতুম। এত মালস্থন্ধ যাই-ই বা কি ক'রে?'

সত্যিই প্লাটফর্মটি জনমানব শৃষ্ম। এককোণে স্টেশন মাস্টাস্বর ঘর। টিকিটবাবু অনেকক্ষণ আগেই সেই কোটরে ঢুকে গোলন। সর্বেশ্বর ব্যস্ত হয়ে বলে, 'আপনি কিছু ভাববেন না। দেশছি আমি একটা ব্যবস্থা করতে পারি কিনা—'

বৃদ্ধটি বলেন, 'তুমি বাবা কিন্তু পালিও না যেন। অবশ্য আমাদের সঙ্গে যাবে।'

প্রায় সঙ্গেই পথ রোধ ক'রে দাঁড়ায় তপতী, 'আপনি কথা দিয়ে যান—আমাদের সঙ্গে যাবেন। নইলে এখন কোথাও যেতে হবে না। আপনিই চলুন আমাদের সঙ্গে, মোটঘাট আমি নেব এখন।' করুণ মিনতি তার চোখে।—'চলুন লক্ষ্মীটি। নইলে ভাবব আমার অশিষ্ট আচরণে আপনি রাগ করেছেন।'

সর্বেশ্বর জীবনে বোধকরি এই প্রথম একটু বিত্রত হয়ে পড়ল। কয়েক মুহূর্তের মধ্যেই তার কপালে ঘাম দেখা দিল। দে একবার বিমৃঢ়ভাবে নিজের গালের খোঁচা খোঁচা দাড়ি-গোঁফে হাত বুলিয়ে নিলে। দৃষ্টিটা নিয়েই যেন সব চেয়ে অস্ত্রবিধা। সেটা কখনও নিজের অতি মলিন জামা-কাপড়ের ওপর, কখনও বা তপতীর পরিপাটি বেশভূষার ওপর ঘুরে এসে—একসময় তার নিজের হাতটার ওপর এসে নিবদ্ধ হ'ল। কিন্তু সে কয়েক মুহূর্তই। তারপরই নিজেকে সামলে নিয়ে বললে—'আপনারা আমার মত একটা হতভাগাকে এত বেশি দাম দিচ্ছেন যে আমি এই প্রথম একটু লজা বোধ করছি। আচ্ছা, আগে দেখি না—একটা গাড়ি বা কোন লোকজন কাউকে জোগাড় করতে পারি কিনা।' এই ব'লে সে আর বাদানুবাদের অবকাশ না দিয়ে একরকম তপতীকে পাশ कार्षियारे हरन राज राज्यमा-चरत्र पिरक।

দেটশন-ঘরে ছোট টিকিটবাবু একা বসে একটা বিরাট খাতায় টিকিটের নম্বর তুলছিলেন—সর্বেশ্বর গিয়ে ঢুকল।

'গুরুন, ছোটবাবু শুনছেন গ'

তিনি খাতা থেকে একটু বিরক্ত ভাবেই মুখ তুললেন, 'কী চাই ?'

'আজ্ঞে—একটি বাবু আর একটি মেয়েছেলে নেমেছেন। সাঁয়ে যাবেন। বাবুর শরীরটা বড় খারাপ। এঁকটা গাড়ি কি নিদেন একটা মুটেও যদি পাওয়া যেত।'

'গাড়ি আগে থাকতে খবর না দিলে আসে না। মুটে নেই এখানে।' এক কথায় মামলা ডিসমিশ।

তিনি আবার নিজের খাতায় মন দিলেন।

সর্বেশ্বর তুহাত কচ্লে আবারও বললে—'না তাই বলছিলাম চ উনি আবার আমাদের লাইনেরই এ. টি. এস সাহেবের শশুর কিনা। আর এ মেয়েটি হ'ল গে তাঁর শালী—'

'য়ঁঙা!' নিমেষে উঠে দাঁড়ান ছোটবাবু, 'এ. টি. এস—মানে আমাদের রাধাঞ্চামবাবুর শ্বন্তর ? কী সর্বনাশ!' ভয়ে মুখ্য বিবর্ণ হয়ে ওঠে তাঁর। 'হারামজাদা কৈলেসটা আবার গেলা কোথায় ছাই। হারামজাদা দিনরাত কোয়ার্টারে কোয়ার্টারে জলা তুলে বেড়াবে। বেটার চাকরিটা যে ইস্টিশানে তা একবারও মনে থাকে না বেটার। কী বিপদে পড়লুম বলো দিকি। বড়বাবু থাকলেও যা হয় হ'ত।…অ কৈলাস, অ হারামজাদা নচ্ছার ব্যাটা, গেলি কোথায়, অ কৈলাস—' ছোটবাবু পড়ি কি মরি ক'রেছিলন। কাছা খুলে তাঁর মাটিতে লুটোচ্ছে, জ্রক্ষেপও নেই।

সর্বেশ্বর আর এক মিনিটও দাঁড়াল না। স্টেশন ঘরের ওপাশে একটা খোলা জানালা ছিল। সেইটে দিয়ে লাফিফ্রে

# কঠিল নায়া

বাইরে বেরিয়ে এল সে। তারপর তারের বেড়া টপ্কে প্লাটফর্মের ওপাশে নিচে আগাছার ঝোপে পড়ে হেঁট হয়ে আড়ালে আড়ালে গা-ঢাকা দিয়ে লাগাল দৌড়। দৌড়-দৌড়-দৌড়। একেবারে স্টেশন এলাকা থেকে বহুদ্রে এসে হাঁফ ছাড়বার জন্মই বোধহয় একটু দাঁড়াল। এক চাষী মাঠে কাজ করতে করতে অবাক হয়ে চেয়েছিল। সে এইবার ওকে দাঁড়াতে দেখে প্রশ্ন করলে—'কী হয়েছে গা বাবু।'

সর্বেশ্বর উত্তর দিলে—'সাপ!'
'সাপ ? কোথায় গো মশাই ?'
'কেঁচোর গর্তে।'
'কেঁচোর গর্তে ?'

'হাঁ। হাঁ।। কেঁচোর গর্তে। কেঁচো খুঁড়তে খুঁড়তে সাপ বেরোয়, শোননি কখনও ? এতো বড় ময়াল সাপ। খুব বেঁচে গিয়েছি বাবা।' সে আবারও হনহন ক'রে হাঁটতে শুরু করল।

#### 2

বনমালী ঘোষাল সৃত্যিই শুধু হাতে ফিরবেন তা কেউ আশা করেনি। ওঁর স্ত্রী-কন্তা ত নয়ই, সর্বেশ্বরের পিদীমাও না। ওঁর স্ত্রী মুখনাড়া দিয়ে বললেন—'তা হ'লে এতদিন ধরে সেখানে পড়ে থেকে কী হ'ল ? পরের পয়সায় বসে বসে খেয়ে আমাদের কেদাখ করলে, না ? তখুনি বলেছিলুম বেয়ান যে ও মিন্সের কাজ নয়। শুধু বচনটি আছে ওঁর—কাজের বেলা চুঁ-চুঁ, অষ্টরম্ভা।' —'ঐ লাও ঠেলা! দোষটা বুঝি হ'ল শুধু আমারই। সে যে কী জাহাঁবাজ ছেলে তা ত জানো না। সে আমাকে এক হাটে বেচে আর এক হাটে কিনতে পারে। কোথায় যে ঘাপ্টি মেরে রইল, টিকিটি পর্যন্ত দেখতে পেলুম না।'

পিসীমার কথাটা আদে ভাল লাগল না। তিনি বললেন, 'ও কি কথা গা বনমালী, ছেলেমানুষ বে করতে ভয় পায় ব'লেই পালিয়ে বেড়ায়। জাঁহাবাজি এখন সে ছ্-তিন জন্ম তোমার কাছে শিখতে পারে!'

বনমালীর স্ত্রীর কণ্ঠ ভয়ম্বর হয়ে ওঠে, 'বলি কেন গা বেয়ান, ওঁর জাহাঁবাজিটা কোথায় দেখলেন! আপনার ছেলে যদি এতই ছেলেমান্ত্র্য ত তার বিয়ে দিতে গেছলেন কেন? আমাদের কী গরজ ছেলের পেছনে গরু তাড়া ক'রে বেড়াবার? আমাদের মেয়ে কি ফ্যাল্না, না তার বর জুটছিল না ?'

'না, এ মাগীরা দেখছি এইখানেই ক্রুক্ষেত্র বাধিয়ে তুললে।
এর চেয়ে বাবা সেইখানেই বেশ ছিলুম। খাও দাও, চা খাও,
সিগারেট খাও, গল্প করো। হাড়ে হাড়ে বুঝছি, বাবাজী আমার
কেন বিয়ে এড়িয়ে যেতে চাইছেন। যদি এ জন্মের কথা আর
জন্ম পর্যন্ত মনে থাকে ত আর এ কাজে যাচ্ছি না কখনও। এই
নাকে কানে খং—এই নাকে কানে খং!'

গৃহিণী সঙ্গে সঙ্গে বেঁজে ওঠেন—'বেশ ত, সংসারে যদি এতই অশান্তি ত সেইখানেই রইলে না কেন? আমরা হ'তেই তোমার যত অশান্তি, নয়? কে চালাত এই সংসার শুনি?

# কঠিন মায়া

এতদিন থাকতে কোথায় ? অকমার ঢেঁকি—একটা যদি কাজে আছে। ঠিকানা জানো, সব জানো, একটা ছেলেকে ধরে আনতে পারলে না। আবার মুখ নাড়ছ! · b-

'ঘাট হয়েছে—ঘাট হয়েছে আমার ফেরা। এই চললুম।' গজগজ করতে করতে তখনই আবার বনমালী যাবার উপক্রম করলেন। শঙ্করী এসে একটা হাত ধরলে—'ঢের হয়েছে। বুড়ো বয়সে রাগারাগি করতে লজ্জাও পায় না। নাও চলো—চান করবে চলো—'

বর্ধমান জেলার ছোট্ট একটি গ্রাম। বাজার ব'লে কিছু
নেই। সামাত্য যা ছ-চারটে দোকান আছে তা সবই স্টেশনকে
কেন্দ্র ক'রে। যাত্রী যারা নামে বা ওঠে তারাই এই দোকান
ক'টির ভরসা। কলকাতা থেকে প্রথম ট্রেন আসে এখানে ভোর
পাঁচটায়, তারপর এই একেবারে বিকেলে। মাঝে আর একটা
গাড়ি আসে, তবে সে কলকাতায় যায়। সে গাড়িতে খন্দের মেলে
না বিশেষ। সেইজত্যে এই বিকেলের ট্রেনটির ওপরই সকলের
ভরসা। সেদিনও সকলে বিশেষ ক'রে প্রস্তুত হয়ে বসেছিল।
সামনের রাস্তায় জল ছিটিয়ে, চায়ের জল চাপিয়ে, খাবারের গামলাগুলো সামনে সাজিয়ে, যাকে ব'লে তৈরি হয়েই অপেক্ষা করছিল।

খবরটা দিলে কেপ্টধন প্রথম—'হৈ রে, এস্টেশানে গাড়ি লেগেছে।' বিপ্রদাস উকি মেরে দেখে বললে—'আরে সভ্যিই ত, হৈ-হৈ, ও চরণ, কড়াটা চাপা, কড়াটা চাপা।' কেপ্তধন বললে—'আমার চায়ের জল চাপানোই আছে। জল ফুটছে ইরিমধ্যেই।'

বিভিত্তনা স্থরেন হঠাৎ রসভঙ্গ করলে—'দাঁড়া, দাঁড়া। লাফাসনি আগে থাকতে। কটা লোক নামে আগে ভাখ্।'

কেষ্টধন দোকানের বাইরে এসে দাঁড়ায়—'সত্যিই ত। লোক কৈ ? ও বিপ্রদা, খাবারের খদের কৈ তোমার ?'

বিপ্রদাস ছটো হাত চোঙার মত ক'রে দেখে বলে—'তাইত দেখছি। একটি লোকই ত নামল। ঐ যে স্থাটকেশ হাতে— আর লোক কৈ ?'

কেন্ত বললে—'য়ঁ্যা—হ্যা-হ্যা। দেখতে পেয়েছি। যাক— একটা লোক নামল তবু। ছাখো কে কত মাল বেচতে পারো।'

ট্রেন থেকে নেমেছিল সর্বেশ্ব। সেদিন তপতীর হাত থেকে রক্ষা পেয়ে ঘুরতে ঘুরতে বর্ধমানেই গিয়েছিল। সেখানে গিয়েই মন স্থির ক'রে ফেলে। ওখানকার রাণীগঞ্জ বাজার থেকে ঘুরে ঘুরে কিছু মাছলি আর কয়েক শিশি ওয়ুধ পাইকিরি দামে কিনে স্থাট্কেশ বোঝাই করেছে। তারপর টিকিট ঘরের সামনে স্টেশনের তালিকাগুলোর দিকে চেয়ে যে নামটা প্রথম চোখে পড়েছে সেইখানকারই টিকিট কিনেছে। নামটা উঠেছিল এখানকারই—স্ত্রোং এখানে নামা ছাড়া আর গত্যন্তর কি ? তাছাড়া—তার কাছে সব জায়গাই ত সমান।

সর্বেশ্বর প্লাটফর্ম থেকে নেমে রাস্তায় পা দিতে ওকে অনেকটা পরিষার দেখা গেল। স্থরেন নাকম্থ সিঁটকে বললে—'একটা

লোক, তাও লোকের যা ছিরি। ঐ লোক তোমাদের চা খাবার খাবে ? আরে, ছোঃ! বরং আমার খদের হ'লেও হতে পারে।'

এতক্ষণে সকলেই ভাল ক'রে দেখেছে ওকে। বিপ্রদাস মুখে একটা অবজ্ঞাস্চক শব্দ ক'রে বললে—'ধ্যুস্। নামা রে কড়াটা নামা, শুধু শুধু ঘিটা পোড়ে কেন ?'

কেপ্তথন বললে — 'দোকানদার ত স্থরেনকে নিয়ে ষেটের আটটি, খদ্দের নামল একটা, এখন নে—কে কী নিবি নে। পারিস ত খদ্দেরটাকে ভাগ ক'রে নে। ওর ঐ হাড়-কখানা ছাড়া আর যে কিছু আছে ব'লে ত মনে হয় না।'

স্বরেন বললে—'তা যা বলেছিস, তোদের বরাতে ঢুঁ-ঢুঁ ত বটেই, এখন বিজি খাবার আধলাটা আছে কিনা তাই সন্দেহ।'

ততক্ষণে সর্বেশ্বর একেবারে কাছে এসে পড়েছে। বিপ্রদাস চাপা ধমক দিয়ে উঠল—'চুপ। চুপ কর্ তোরা।'

সর্বেশ্বর সামনে এসে পড়ে এক লহমায় চারদিকে চেয়ে পরিস্থিতিটা বুঝে নিলে। চায়ের দোকানেও বেঞ্চি আছে, তবে জায়গাটা ভাল না! সে একেবারে বিপ্রদাসের বেঞ্চিতেই ব্যাগটা নামিয়ে যেন কতকটা আপন মনেই ব'লে উঠল—'গুরু। গুরু। ভোমার এ বেঞ্চিটাতে বসব একটু ঘোষের পো।'

বিপ্রদাস যদিচ ঘোষের পো নয়, তবু সে তখনই কোন প্রতিবাদ করলে না। বরং যথেষ্ঠ আন্তরিকতার সঙ্গেই বললে— 'বস্থন, বস্থন।'…তারপর দেশীয় রীতি অনুযায়ী প্রশ্ন করলে— 'মশায়ের নিবাস ?' 'নিবাস ?' প্রশ্নটার পুনরুক্তি ক'রে মিনিটখানেক চুপ ক'রে থাকে সর্বেশ্বর, তারপর বলে—'বলতে নিষেধ আছে হে, গুরুর নিষেধ। নিবাস আর আমাদের নেই। নিবাস এখন তোমার বাড়ি, গাছতলা—যেখানে খুশি ধরে নিতে পারো।'

স্থরেন, কেষ্টধন ওরা সবাই এর ভেতর ভীড় ক'রে এসে দাঁড়িয়েছিল। স্থরেন চাপা গলায় চরণকে বললে—'ঐ! এ বেটা আসল ভগু রে।'

বিপ্রদাসের দেবদিজে ভক্তির কথা সর্বজন-বিদিত, সে একটু সম্রমের স্থরেই প্রশ্ন করলে—'আপনি কি তাহ'লে সন্নিসী আজে।'

সর্বেশ্বর তথনই কথাটার জবাব দিলে না। বিপ্রদাসের হাতে ছিল ছ'কো, দেদিকে হাতটা বাড়িয়ে বললে, 'দেখি ভাই তোমার কলকেটা একটু।' তারপর অনুমতির অপেক্ষামাত্র না ক'রেই কলকেটা টেনে নিয়ে ছশ ছশ ক'রে কয়েকটা টান দিয়ে আবার যথাস্থানে ফিরিয়ে দিয়ে বললে, 'কী বললে, সন্মাসী প্রসাসী আর হতে পারলুম কৈ বলো ভাই ? মায়া যে বড় কঠিন। কেউ নেই, কিছু নেই, পথে পথে ঘুরছি, তবু মনে হয় সংসারটা বড় মিঠে। এ চক্র থেকে কী পরিত্রাণ পাবার উপায় আছে ভাই ?'

বিপ্রদাসের কণ্ঠস্বরে এবার দস্তর-মত সম্ভ্রম ফুটে ওঠে। সে বলে, 'আজ এখন কোথা থেকে আসছেন তাহ'লে?'

'এখন ? কলকাতা থেকে।' 'এখানে কোথায় যাবেন ?'

### কঠিন মায়া

সর্বেশ্বর আবারও কিছুক্ষণ মৌন থাকে। বলে, 'কোথায় যে যাবো তা কিছুই জানি না। এখানে বেশ ভদ্রলোকের পাড়াটাড়া আছে ?'

বিপ্রদাস উত্তর দেয়—'আজে আপনি কী কাজে এসেছেন সেটা জানতে পারলে—'

সর্বেশ্বর কিছুক্ষণ চোখ বুজে চুপ ক'রে থাকে। তারপর আবারও ব'লে ওঠে—'গুরু! গুরু!…গুরুর কাছে সন্ন্যাস নিতেই গিয়েছিলুম। গুরু দীক্ষা দিলেন কিন্তু গেরুয়া দিলেন না। বললেন,—সংসারের মায়া এখনও তোর কাটেনি। এখনও অনেকদিন তোকে সংসারে ঘুরতে হবে।' আমি হাত জোড় ক'রে বললুম কিন্তু কী ক'রে ঘুরবো বাবা—সম্বল ত কিছুই নেই। তার দয়া হ'ল। তিনি ছটো জিনিস দিলেন। বললেন—এই ছটো জিনিস তুমি ফিরি ক'রে বেড়াওগে, এতে তোমারও পেট চলবে, পাঁচ-জনেরও উপকার হবে। এক বংসর সংসারে থাকবার পর আবার এসো। তখন দেখব। বুঝি ত সেই সময়ে গেরুয়া দেব। …সেই থেকেই পথে পথে ঘুরছি।' এই ব'লে সশব্দে একটি দীর্ঘনিঃশ্বাস ছাড়ে সে,—'আরও পাঁচটি মাস না গেলে তাঁর দর্শন পাবো না।'

সুরেন অফুটকঠে ব'লে ওঠে,—'ধ্যেং! যত সব বুজরুকি!'
কেষ্টধন কিন্তু কোতৃহল চাপতে পারে না। বলে, 'কি জিনিস
আপনার জানতে পারি কি?' সর্বেশ্বর একট্ হাসল। বললে,
'সে আর জেনে কি করবে ভাই। তোমাদের ও কোন কাজেই
লাগবে না। একটা জ্বের ওষুধ আর একটা স্বপ্নান্ত মাহ্লি।'

বলতে বলতেই কিন্তু স্মাটকেশটা খুলে ফেলেও। বাক্সের একপাশে গাদা-করা ওষুধের শিশি আর মাছলি। তারই ফাঁকে অত্যন্ত ময়লা একটা কাপড় আর তেলচিটে একখানা গামছা। স্থারেন একটা শিশি তুলে নিয়ে দেখলে তার লেবেলে সভ্যিই এক সন্ন্যাসীর ছবি ও নাম ছাপা আছে।

'এ ছবিটা কার আজে—শিশির গায়ে ?' চরণ প্রশ্ন করে।

'ঐ ত আমার গুরুদেব', ছহাত তুলে উদ্দেশে প্রণাম জানায় সর্বেশ্বর। তারপর বলে,—'হাটবারটা কবে ভাই এখানের? ঐ হাটের দিন গিয়ে বসব আর কি। যা ছ একটা বিক্রী হবে তাতেই আমার চলে যাবে।'

'হাটবার ত পরশু। তা আপনি থাকবেন কোথায় এ ছদিন ?'

সর্বেশ্বর তাচ্ছিল্যের সঙ্গে উত্তর দেয়, 'যেখানে হোক পড়ে থাকব ছদিন। তারপর এখানকার হাটটা দেখে আবার ভেসে পড়ব। এইত আমার কাজ। এখন ত শুধু দিন গুণছি কবে আবার গুরুদেবের শ্রীচরণে আশ্রয় পাবো।'

বিপ্রদাস ইতস্ততঃ ক'রে বলে, 'আপনার নামটা জানতে পারি কি ? আপনারা ?'

সর্বেশ্বর বললে, 'আমরা ভাই ব্রাহ্মণ। নাম গ্রীসর্বেশ্বর মুখোপাধ্যায়।'

সুরেন হঠাৎ খাপছাড়া ভাবে প্রশ্ন ক'রে বসে,—'আপনার ও ওষুধের দাম কত ?'

# কঠিল মায়া

কেষ্টধন ধমক দিয়ে ওঠে,—'তুই থাম্না স্থরেন। তোর অত

অপ্রতিভ ভাবে স্থরেন জবাব দেয়—'না এমনি। আর ও মাছলি? কিসের মাছলি ওটা মশাই?'

সর্বেশ্বর বেশ সহজ ভাবেই জবাব দিলে,—'মাতুলিটা হ'ল সঙ্কটমোচন মাতুলি, যে কোন বিপদে পড়লে ধারণ করলেই বিপদ কেটে যায়। তবে বারো মাস হাতে পরে রাখতে নেই। মাতুলির দরুণ পূজো পাঁচটাকা, স্থতোর দাম চার প্রসা। তবুধ হ'ল জরের; খুবই সস্তা, চোদ্দ আনা।'

স্থরেন শিশিটা রেখে সোজা হয়ে দাঁড়ায়, 'চলো হে কেন্ট দা—'

সর্বেশ্বর প্রশান্ত মুখে শিশিটা স্থাটকেসে রেখে স্থাটকেশটা বন্ধ ক'রে ফেললে।

বিপ্রদাস অনেকক্ষণ ধরেই একটা কি যেন বলি-বলি করছিল। এইবার সাহসে ভর ক'রে মাথাটাথা চুলকে ব'লেই ফেললে, 'একটা কথা নিবেদন করব কি ?'

'বিলক্ষণ। আমি ত পথের মানুষ হে। আমাকে আবার সঙ্কোচ কি ?'

বিপ্রদাস আর একবার কেশে নিয়ে বললে,—'ময়রার দোকান করি বটে তবে আমরা ঘোষের পো নই—ময়রাও নই। আমরাও বাহ্মণ। আমার নাম বিপ্রদাস ভট্টাচার্য। উপাধি ভট্টাচার্য্য—নইলে আসল পদবী হ'ল বাঁড়ুয্যে, শাণ্ডিল্য গোত্র। যদি আপত্তি

না থাকে ত এই ছটো তিনটে দিন না হয় আমার বাড়িতেই থেকে যান না।'

সর্বেশ্বর বললে,—'বলো কি হে! তোমার সাহস ত কম নয়।
চেনা নেই শোনা নেই, বাড়িতে নিয়ে গিয়ে ঢোকাবে! তারপর
যদি আমি চুরি-ডাকাতি ক'রে নিয়ে পালাই ?'

বিপ্রদাস একটা ছোট রকমের দীর্ঘখাস ফেলে বলে, 'কী আর নেবেন। নেবার মত কি আর কিছু আছে? সম্বল ত এই দোকানটুকু, তা দেনায় দেনায় তাও যেতে বসেছে। এই ত একটুখানি জায়গা, ক'টাই বা লোক নামে দিনে রাতে। এতগুলো দোকান এখানে চলে কি ক'রে বলুন দেখি! জমি যা আছে কোনমতে খোরাকির ধানটা হয়, বাকি খরচ যে কী ক'রে চালাই তা আমিই জানি।'

সর্বেশ্বর একেবারে উঠে দাঁড়িয়ে বলে—'তবে চলো তোমাদের বাড়িতেই যাই। মোদ্দা বাড়ির ওঁয়ারা আবার গালগাল দেবেন না ত ? কোথাকার কে এক হতভাগাকে জুটিয়ে নিয়ে এলে ব'লে ?'

বিপ্রদাস বললে, 'না না, সে ভয় নেই। চলুন। আসুন। চরণ দেখো ততক্ষণ, আমি ঘুরে আসছি।'

ছজনে বাজার থেকে বেরিয়ে মাঠের পথ ধরল। সর্বেশ্বর পথ চলতে চলতে প্রশ্ন করলে,—'বাড়িতে কে কে আছেন তোমার ভটচায ?'

'কে আবার থাকবে। মা আর একটা বোন।'
'বিয়ে করোনি '

#### কঠিল মারা

'না। বোনটার বিয়ে না দিয়ে—, এই ত বাজার।'

এদিকে ওরা চলে যাবার পরই একটা বিজ্ঞপের ঝড় বয়ে গেল! স্থুরেন বললে,—,'ব্যাটা ক্যানভাসার ফন্দিটা ভেঁজেছে ভাল।'

কেষ্টধন বললে, 'বিপ্রদাসেরও তেমনি, সন্নিসি দেখলে ত ভক্তি উথলে উঠল একেবারে। অথচ ঐ ত অবস্থা। ঘরে তোর একটা সোমখ আইবুড়ো বোন, তুই একটা ভণ্ড জোচ্চোরকে বাড়িতে নিয়ে গিয়ে ঢোকাস কোন আকেলে ?'

হরিশ বলল, 'মরবেন যখন তখন বুঝতে পারবেন আর কি।'

2

বিপ্রদাদের বাড়ি দোকানের কাছেই, মাত্র আধ পোয়াটাক পথ।
থড়ের বাড়ি, বাইরের দিকে বৈঠকখানা ঘর, মাঝে মস্ত বড় উঠোন
তারই একপাশে ছটো মরাই, আর এক কোণে শীর্ণ গুটি-ছই
গরু ওদিকে আর ছটো শোবার ঘর। শোবার ঘরের দাওয়ার
লাগোয়া রান্নাঘর। বাইরের ঘরের বারান্দায় সর্বেশ্বরকে দাঁড়
করিয়ে রেখে ওদিক দিয়ে ঘুরে বিপ্রদাস বাড়ির ভেতর গেল।
অসময়ে ওকে ফরিতে দেখে মা এবং বোন পুঁটি ছজনেই হাতের
কাজ ফেলে ছুটে এলো। মা প্রশ্ন করলেন, 'কী রে খোকা?'
এখুনি চলে এলি যে? শরীর ভাল আছে ত ?'

'না না, সে সব কিছু নয়। একটি ব্রাহ্মণ আশ্রয় পাচ্ছিল না, তাকেই নিয়ে এলুম।' মাথাটাথা চুলকে কোনমতে ব'লে ফেলে বিপ্রদাস। পুঁটি তীক্ষ বিদ্রাপের স্থারে ব'লে উঠল, 'তা ত আনবেই। গ্রামের জমিদার। অতিথি-অভ্যাগত তোমার দোরে আশ্রয় পাবে না ত পাবে কোথায় ? ভাবনাও ত নেই, বিনা মাইনের রাঁধুনী আর চাকরানী আছে বাড়িতে। গুধু মুখের কথা খসালেই হ'ল।'

'আঃ পুঁটি, চুপ কর ।'…বিপ্রদাস ব্যস্ত হয়ে ওঠে, 'শুনতে পাবে যে।'

মা-ও তাড়াতাড়ি বলেন, 'এনে যখন ফেলেছে, রাগারাগি ক'রে আর কি হবে বল। যা খোকা দোর খুলে দিয়ে বসাগে যা।'

দাতে দাত চেপে পুঁটি বলে, 'সত্যি, লোক বলে না—যার ন বছরে আকেল হয় না, তার নক্ত্ই বছরেও হয় না। চিরদিন তোমার সমান গেল!'

বিপ্রদাস আর কথা না বাড়িয়ে সরে পড়ে। ভেতর দিয়ে গিয়ে দোরটা খুলে দিয়ে সর্বেশ্বরকে আহ্বান করে, 'আস্থন আস্থন! বস্থন। এই চৌকিটার ওপর বস্থন ভাল ক'রে। চান করবেন নাকি?'

'—চান ? না চান আমি বড় একটা করিনে। মুখে হাতে জল দিলেই চলবে।'

'ভা হ'লে আপনার মুখ হাত ধোওয়ার জল দিতেই বলি। আপনি বসে একটু বিশ্রাম করুন। আমি এই সন্ধ্যের গাড়িটা দেখেই চলে আসছি।'

বিপ্রদাস চলে গেল। চৌকিটার ওপর একটা মাছর পাতাই ছিল। তার ওপরই চিং হয়ে শুয়ে সর্বেশ্বর একটা বিড়ি ধরালো।

#### কঠিল মায়া

সারাদিনের ঘোরাঘুরি ও ক্লান্তিতে দেহটা অবসন্ন হয়ে পড়েছিল।
তাই শোওয়ার সঙ্গে সঙ্গেই বুঝি চোখে তন্ত্রা নেমেছিল এক্টু।
সহসা নারী-কণ্ঠের সম্ভাষণে চম্কে জেগে উঠল।

'আপনার মুখ-হাত ধোবার জল এই বাইরে রেখেছি। দাওয়ার ধারে। মুখ-হাত ধুয়ে নিন। চা আনতে যাচ্ছি।'

সর্বেশ্বর ভাল ক'রে চেয়ে দেখলে। একহারা লম্বা চেহারা, গায়ের রংটাও ফরসা নয়। বছর উনিশ-কুড়ির অত্যন্ত গ্রীহীন চেহারার একটি মেয়ে। অবজ্ঞায় মুখটা ঘুরিয়ে নিলে সে।

পুঁটি ডেকেই চলে গিয়েছিল। সর্বেশ্বর উঠে বাইরের দাওয়ায় আসতে আসতে আপন মনেই ব'লে উঠল,—'সকাল বেলা। " এর নাম সোমখ মেয়ে ? মেয়ে ত নয় ব্রেঘকাঠ! ছিরি বলতে কি কিছু নেই ? জীবিফু জীবিফু।'

বাইরে মাজা ঝকঝকে গাড়ুতে জল আর তার ওপর পাট-করা পরিষ্ণার গামছাখানি দেখে অনেকদিন বাদে কে জানে কেন সর্বেশ্বরের মনটা বড় খুশি হয়ে উঠল। সে ঘাড়ে-মাথায় বেশ ক'রে জল দিয়ে, পা ধুয়ে গামছায় মুখ-হাত মুছে ঘরে এসে বদল। ততক্ষণে পুঁটি একটি রেকাবিতে হুটি রসগোল্লা, একঘটি জল আর এক কাপ চা রেখে গেছে। জলযোগ শেষ ক'রে আবারও একটা বিড়ি ধরালে সর্বেশ্বর।

দোকানে পৌছতেই বিপ্রদাসের ওপর দিয়ে যেন একটা লাঞ্নার ঝড় বয়ে গেল। স্থরেন বললে, 'আচ্ছা বিপ্রদা, এতথানি বয়েস হ'ল তবু তোমার একটা বৃদ্ধি-বিবেচনা ব'লে কিছু হ'ল না। ঐ আন্ত ভণ্ডটাকে নিয়ে গিয়ে বাড়িতে ঢোকালে !'

চরণ বললে, 'তুমি মনিব, আমি তোমারু কারিগর—বলা উচিত নয়, কিন্তু কাজটা ভাল করোনি দাদা।'

কেষ্ট্রধন বিজ্ঞপ ক'রে বললে, 'আকেল জিনিসটা কাউকে দেওয়া যায় না রে ভাই, যার থাকে তার আপনিই থাকে।'

বিপ্রদাস আম্তা আম্তা ক'রে বলে, 'কী করি, বামুন মান্ত্য, কোথায় কার ঘরে যাবে তাই—'

হরিশ বললে, 'হাঁ। তাই বই কি। আসলে তুমি ঐ যে একট্ সন্মিনীর গন্ধ পেয়েছ! আর রক্ষে আছে ? গলে গেলে একেবারে। মরবে, মরবে, এই করতে করতে একদিন মরবে।'

বিপ্রদাস অপরাধীর মত নিরবে নত-মস্তকে সব লাগুনা সহ্ করে। অনুতাপও যে হয় না তা নয়—কিন্তু উপায় কি ?

খানিক পরে সন্ধ্যার ট্রেনটা দেখে রাত্রিতে কী কী কাজকর্ম হবে চরণকে উপদেশ দিয়ে বিপ্রদাস যখন বাড়ি ফিরল, সর্বেশ্বর তখন গাঢ় ঘুমে অচৈতক্ত। তারই ফাঁকে কখন পুঁটি এসে একটা আলো রেখে গেছে তা সে টেরও পায়নি। বিপ্রদাস ঘরে ঢুকে কোশ গলা-খাঁকারি দিয়েও যখন ঘুম ভাঙাতে পারলে না, তখন অকারণে একটা টুল তুলে সরিয়ে একটু বড় গোছের আওয়াজ করলে। সেই আওয়াজেই ঘুম ভেঙে গেল সর্বেশ্বরের। ধড়মড় ক'রে উঠে বসে বললে, 'এই যে, কখন এলে ভট্চায্ ? ইস্, খুব ঘুমিয়ে পড়েছিলাম।'

## কঠিল লায়া

'এই আসছি। তারপর ? জলটল পেয়েছিলেন ? চা দিয়েছিল একটু ?'

'বসো। বসো। ইয়া সবই পেয়েছিলুম। খুব যত্ন করেছে খুকীটি। অনেকদিন পরে এত আরাম পেয়েই ত ঘুম এসে গিয়েছিল। এটি তোমার বোন বুঝি ?'

বাইরে থেকে এই সময় খনখন ক'রে বেজে উঠল পুঁটির গলা, 'লোকের আকেল না থাকলে তাকে চোখে আঙুল দিয়ে দেখিয়ে দিতে হয়। তা তোমার ছেলের মা সে বৃদ্ধিটুকুও নেই। খড়ের ঘর—তা ছাড়া খরার দিন, কাঠ-কাঠরা শুকিয়ে বারুদ হয়ে আছে। এর ভেতর যদি তক্তপোশে শুয়ে ঘুমোতে ঘুমোতে বিজি খায় আর যেখানে সেখানে জ্বলন্ত বিজির টুকরো ছুঁড়ে ফেলে ত কী মনে হয়? মনে হয় না যে আমাদের ঘরে আগুন লাগাতেই এসেছে?'

ওদিকে থেকে চাপা আওয়াজ আসে, 'চুপ কর না পুঁটি। দাদাকে তখন বলিস।'

'চুপ ত ক'রেই আছি মা। অসৈরণ সইতে পারি না তাই—'
একটু অপ্রতিভের হাসি হেসে সর্বেশ্বর বলে, 'সত্যিই কাজটা
গর্হিত হয়ে গেছে। বিজি খেতে খেতে ঘুমোনোটা ঠিক হয়নি।
কিন্তু'—চারিদিকে তাকিয়ে দেখে—'বিজিটা গেল কোথা ?'

আসলে পুঁটিই সেটা সরিয়ে দিয়ে গিয়েছিল, সর্বেশ্বর টের পায়নি। এঁটো বাসন নিতে ঘরে এসে শিথিল হাত থেকে জ্বলস্ত বিজিটা ভক্তপোশে পড়তে দেখে তুলে ফেলে দিয়েছিল।

কিন্তু বিপ্রদাস ইতিমধ্যে বিষম লজ্জিত হয়ে ব্যাকুলকণ্ঠে ব'লে



ওঠে—'আপনি ও পোড়ারমুখীর কথার কান দেবেন না দাদা। ওর কথা ঐরকমই। মার অতিরিক্ত আদরে ও বাঁদ্রী মাথায় চড়ে বদেছে একেবারে। আমার ওপর জোর চালিয়ে চালিয়ে মনে করেছে সব্বাইকার ওপরেই ওর জোর খাটে।'

'যেতে দাও। যেতে দাও। ঐ একটি বোন ব্ৰিং'

4

6

'একটিতেই সামলাতে পারছি না। ছটি হ'লে হয়ত গলায় দড়ি দিতে হ'ত। একটা বোন যার-তার হাতেও ত দিতে পারি না। অথচ বিয়ের বয়েস ওর পার হয়ে যেতে বসল, কোন যোগাড়ই ত দেখছি না। কি ক'রে যে পার করব ওকে, ভাবলে যিন মাথা খারাপ হয়ে যায়!'

বিপ্রদাস চুপ ক'রে বসে বসে আকাশ পাতাল ভাবে।

সর্বেশ্বরও নিঃশব্দে কিছুক্ষণ বিজি টানবার পর বলে—'দেখ ভটচায। একটা কথা তোমাকে বলা দরকার। তুমি আমাকে ডেকে এনে আশ্রয় দিয়েছ, যত্নও করেছ ঢের, তোমাকে আমি ঠকাতে চাই না।'

বিপ্রদাস বিস্মিত হয়ে চেয়ে থাকে। সর্বেশ্বর নাটকীয় ভাবে খানিকটা চুপ ক'রে থেকে বলে—'একটু আগে যে সন্ন্যিসী-টন্যিসী বলেছিলুম, ওটা বাজে কথা। আসলে আমি ক্যানভাসার। ওকথাটা বলার মানে হ'ল এই যে, কথাটা লোকের মুখে মুখে ছড়িয়ে ভালরকম একটা বিজ্ঞাপন হয়ে রইল। পরশু যখন হাটে যাবো তখন খদেরের অভাব হবে না। তুমি আমাকে সাধুসন্ত ভেবে খাতির করছো ব'লে কথাটা শুনিয়ে দিলুম। এর পরেগু যদি আশ্রয়

## কঠিন মায়া

দিতে চাও ত দাও। নইলে সাফ ব'লে দাও আমি পথ দেখি। তবে আমি গুধু-হাতেও থাকতে চাই না। খরচপত্র সব দেব।'

বিপ্রদাস কিছুক্ষণ চূপ ক'রে থেকে বোধকরি খানিক আগেকার লাঞ্ছনাটাই পরিপাক ক রে নিলে, তারপর বললে, 'না, খরচপত্রের কথা নয়। ব্রাহ্মণের ছেলেকে আশ্রয় দিয়েছি, এখন কি আর তাড়িয়ে দেব ? সন্ন্যাসী না হোক অতিথি ত—অতিথি নারায়ণ। আপনি দয়া ক'রে থাকুন, তাই আমার ঢের।'

'সে যা ভাল বোঝো করো। মোদ্দা আমি আমার দায়ে খালাস।'

বিপ্রদাস এসেই বোধহয় তামাকের ফরমাস করেছিল। পুঁটি এসে দোরের কাছ থেকে বললে, 'এই নাও দাদা তামাক।' হাত বাড়িয়ে তার হাত থেকে হুঁকোটা এনে সর্বেশ্বরের দিকে বাড়িয়ে দিলে বিপ্রদাস। তারপর বললে, 'বাড়ি আপনার কোথায় তা হু'লে ?'

'বাড়ি আমার হুগলী জেলার এক গ্রামে। সেখানে বিশেষ কেউ নেই—আছেন এক বুড়ি পিসিমা। আমি ধরতে গেলে কলকাতাতেই থাকি।'

'কী করেন—এই ক্যানভাসারি ?'

'কলকাতাতে কি এসব চলে ভাই ? এটা সম্প্রতি ধরেছি। মন্দ লাগছে না। হয়ত এইটেই চালাবো এখন থেকে।'

আরও একটু চুপ ক'রে থাকে বিপ্রদাস,—'সংসার ধর্ম করেন নি ?'

'ना, ७ । जात रात ७ (र्हान ।'

'করতে ত হবে। এমনভাবে ভেমে প্রেডীলৈ চলবে কি ?'

'চালাতেই ত চাইছি ভাই। সে সব অনেক কথা। ক্রমশঃ বলব। মোদা সংসংরধর্মটি আমার সইবে না।' হুঁকোটা সে বিপ্রদাসের হাতে ফিরিয়ে দিলে।

বাঁ হাতের তেলোতে হুঁকোর মুখটা মুছতে মুছতে বিপ্রাদাস বললে—'ওরা সব আমাকে বড্ড বকাবকি করছিল। বলছিল যে ও কোন পুরুষে সন্নিসী নয়। আস্ত একটা জোচোরকে বাড়িতে ঢোকালে—মজাটা টের পাবে।'

সর্বেশ্বর প্রশান্ত মুখে বললে—'তা জানি। কিন্তু দেখে রেখো তুমি, ওরাই আবার সস্তায় মাছলি নেবার জত্যে হাঁটাহাঁটি করবে।'

পরের দিন ভোরে উঠে চা খেয়েই বিপ্রাদাস বেরিয়ে গেল দোকানে। সর্বেশ্বর কোথা থেকে একটা বড় পিজবোর্ড জোগাড় ক'রে ভূষোকালি দিয়ে সারা সকাল ধরে তার ওপর বড় বড় ক'রে ওর মাছলি আর ওষুধের বিজ্ঞাপন লিখলে।

সে বাইরের দাওয়ায় বসে যখন এই সব লিখছে, তখনই এক কাঁকে পুঁটি তাকে ছটি রসগোলা আর এক কাপ চা দিয়ে গেছে, উঠে ভেতরে গিয়ে খাবার দরকার হয়নি। লেখা শেষ ক'রে উঠতে ওর মনে হ'ল যে অনেকক্ষণ নেশা করা হয়নি, এবার একটা বিজ্ খাওয়া দরকার। উঠে দাঁড়িয়ে আরামস্চক ভঙ্গীতে পিঠটা ছাড়িয়ে সে বেশ ধীরে-স্বস্থেই ঘরে চুকল। কিন্তু ভেতরে পা দিতেই ওর চক্ষু স্থির। এ কী কাও!

ওর টাকা পয়সা বিজি দেশলাই চিঠি কাগজপত্র যাবতীয় জিনিস—ব্যক্তিগত সম্পত্তি বলতে ওর যা-কিছু বোঝায়, সব চৌকিতে মাছরের ওপর কে সাজিয়ে রেখেছে, মোদ্দা কোটটি নেই। দেওয়ালের দিকে তাকিয়ে দেখলে শুধু কোট নয় গেঞ্জিটাও উধাও।

যৎপরোনান্তি ক্রুদ্ধ ও বিস্মিত হয়ে ভেতরের উঠোনে পা দিয়ে দেখে যে শুধু তার কোট এবং গেঞ্জিই নয়, তার স্মুটকেস খুলে কাপড়খানাও বার ক'রে নেওয়া হয়েছে এবং সেগুলিকে কে সাবান দিয়ে কেচে উঠোনে-বাঁধা-তারে শুকোতে দিয়েছে।

সে বেশ একটু চড়াগলাতেই ডাক দিলে,—'ভটচায্। ভটচায্ বাড়ি ফিরেছো নাকি হে ?'

রান্নাঘর থেকে পুঁটি বেরিয়ে এল কিন্তু কাছে এল না। অক্তদিকে চেয়ে উত্তর দিলে,—'দাদা এখন ফেরে না কোনদিন। একটার গাড়ি দেখে ফিরবে।'

সর্বেশ্বর আগের মতই চড়া গলায় বললে,—'তা ত ফিরবে। কিন্তু আমার জামা কাপড়গুলো গেল কোথায় ? কোটটা ? তার পকেটে যে টাকা পয়সা কাগজ পত্তরগুলো ছিল তাই বা এমন ক'রে বার ক'রে রাখল কে ?'

পুঁটি বেশ নৈর্বক্তিক কণ্ঠে উত্তর দিলে—'জামা কাপড় আমিই সাবান দিয়ে কেচে দিয়েছি। অত ময়লা দেখলে আমার গা ঘিনঘিন্ করে।'

সর্বেশ্বর ক্রেদ্ধকণ্ঠে বলে,—'বেশ করেছ! মাথা কিনেছ

একেবারে! কিন্তুও কোট দিয়ে আমি এখন করব কি ? চারদিক কুঁচকে থাকবে যে!

পুঁটি কিন্তু তখনও বেশ নির্বিকার।

'পেছনেই পাঁচু ধোপা থাকে। তাকেঁ একটা পয়সা দিলেই ইস্ত্রি ক'রে দেবে।'

সর্বেশ্বর গুম হয়ে গুধু বললে,—'হুঁ।' সে ফিরে এসে বসে বিড়ি ধরালে একটা।

একটু পরেই ওধার থেকে তাড়া এল—'চান ক'রে নিন না আপনি!'

সর্বেশ্বর ঝাঁঝের সঙ্গে ব'লে উঠল,—'হাঁ। এখানকার পুকুরের জলে চান ক'রে ম্যালেরিয়া ধরিয়ে বসে থাকি আর কি!'

ওদিক থেকে সঙ্গে-সঙ্গেই জবাব এল—'জল ফুটিয়ে বালতি ক'রে রেখে দিয়েছি।…আপনি তেল মেখে নিন। দাওয়াতেই তেলের বাটি গামছা সব আছে।'

সর্বেশ্বর রাগ ক'রে বিভির টুকরোটা ফেলে দিয়ে ত্মত্ম ক'রে এসে তেল মাখতে বসল। আপন মনেই বললে, 'আচ্ছা এঁচোড়ে পাকা মেয়ের পাল্লায় পড়েছি বাবা!'

বিপ্রদাস তুপুরবেলা বাড়ি ফিরতে সর্বেশ্বর বললে, 'ভটচায্ তোমার বোনের কাণ্ডটা একবার ছাখো।'

সব শুনে বিপ্রদাস হেসে বললে, 'আস্ত পাগল একটা।' তারপর একটু বিমর্থ মুখেই বললে, 'সত্যিই ও নোংরা দেখতে পারে না। তাই ত ভাবি কার হাতে যে পড়বে—'

# কঠিল নায়া

বোনকে ডেকে একটু ভং সনার স্থরেই বললে, হাঁা রে পুঁটি, ভদ্রলোকের কাপড়-জামা নিলি, ব'লে নিভে নেই ? টাকা প্রসা যদি ওর হারায় কিছু, ভুই দিতে পারবি ?'

পুঁটি বেশ চড়া-গলাতেই জবাব দিলে,—'বললে কি কাচতে দিত নাকি ? যা পিচেশ !'

20

পরের দিন সর্বেশ্বর ফিরল গুণগুণ করে গান গাইতে গাইতে—
'মন তুমি কৃষি কাজ জানো না,
এমন মানব জমিন্ রইল পড়ে মন
আবাদ করলে ফলত সোনা।'

তারপরই বাইরে থেকে হাঁক দিলে,—'ভটচায ফিরেছ না কি হে ?'

'হাঁগ—এই এলাম।' ব'লে হুঁকো হাতে ক'রে বিপ্রদাস বেরিয়ে আসে।

'তোমাদের দেশটি কিন্তু বেশ। সাতশিশি ওযুধ আর তিনটে মাছলি বেচেছি, তার ভেতর ছটো পুরো দামে।'

'তাই নাকি ?'

'একটা খালি সস্তায় দিতে হ'ল। ঐ যে তোমাদের বিভিও'লা স্থরেন, সে-ই হাতে-পায়ে ধরে একটা নিয়ে গেল তিন টাকায়! কেমন, বলিনি তোমাকে যে, ওরাই আগে নিতে আসবে?'

'বলেন কি ? কিন্তু আজই যে আমার কাছে কত কি বলছিল।'

'অমন স্বাই বলে। হাতটা দেখোনা গিয়ে আজ একবার, কালো রেশমী সূতোয় বেঁধে রাখতে বলেছি।'

খানিকটা হেদে নেয় সর্বেশ্বর আপন মনেই। 'আস্থন'—বলে হুঁকোটা বাডিয়ে দেয় ৰিপ্রদাস।

নীরবে খানিকক্ষণ তামাক খাবার পর সর্বেশ্বর বলে,—'ভাখো, ভাবছি আর একটা হাট দেখে যাব। এখানকার বাজারটা ভালো ব'লেই মনে হচ্ছে।'

বিপ্রদাস মনে মনে শঙ্কিত হ'ল। কিন্তু মুখে শুধু বললে—
'বেশ ত!'

'মোদা পাঁচ ছদিন আমি অমনি থাকতে পারব না। এই নোটটা রাখো—এটা ভোমাকে নিভেই হবে।'

'ছি ছি কী যে বলেন !' ব্যস্ত হয়ে ওঠে বিপ্রদাস,—'বামুনের ছেলেকে ছদিন বাড়িতে রেখে খোরাকি নেব ?'

সর্বেশ্বর প্রচণ্ড এক ধমক দিয়ে উঠল,—'বেশি চালাকি ক'রো না ভট্চায্। যা বলছি শোন। নৈলে এখুনি পৈতে ছিঁড়ে এই অভুক্ত অবস্থায় বাড়ি থেকে বেরিয়ে যাবো। বামুনের ছেলেকে হ'দিন ভাত ত অমনি দিয়েছ। এখন যদি আমি দশ দিন থাকি— বসে বসে খাওয়াতে হবে ? কী এমন রাজা ইন্দিরচন্দর এলে তুমি হে ?'

বিপ্রদাস যংপরোনাস্তি কুণ্ঠার সঙ্গেই টাকাটা নিয়ে ভেতরে গেল। একটু পরেই শোনা গেল পুঁটির চড়া গলার আওয়াজ, 'তুমি নিতে গেলে কেন ও টাকা। কিসের জক্তে নিতে গেলে?

#### কঠিল লায়া

এ কী হোটেল পেয়েছে ও ? এত যদি পয়সার গরম ত হোটেলে গিয়ে উঠতে বলো না!

সর্বেশ্বর সেই নির্জনেই মুখ ভেঙিয়ে বললে,—'রাজনন্দিনীর আত্মসম্মানে ঘা লেগেছে! ছু'ড়ির মুখ ছাখো না! যেমন চেহারা তেমনি বাক্যি!'

খানিক পরে বাইরের দোরের কাছে এসে দাঁড়িয়ে পুঁটি তাগাদা দিলে,—'চানের জল গরম হয়ে গেছে। তেল মেখে নিন—'

সর্বেশ্বর শুয়ে গুয়ে বিজি টানছিল, তেমনিভাবেই জবাব দিলে,—'রোজ রোজ চান করবার আমার দরকার হয় না। আমি আজ চান করবো না।'

পুঁটি তীক্ষকণ্ঠে জবাব দিলে, 'ভদ্দরলোকের বাড়ি থাকতে গেলে ভদ্দরলোকের মতই থাকতে হয়। অতই যদি চানে ভয় ত, গুলির আড্ডায় গিয়ে উঠলেই ত হ'ত।'

রানাঘর থেকে পুঁটির মা তিরস্কার ক'রে ওঠেন, 'ও কী হচ্ছে পুঁটি! মুখের লাগাম নেই ?'

'তা কি করব! চান না ক'রে গায়ে পোকা হ'লে ত সে পোকা আমাদের বাড়িতেই ঘুরে বেড়াবে।'

সর্বেশ্বর ঝেঁঝেঁ উঠল—'ঝকমারি হয়েছিল আমার এখানে আসা। ঘাট হয়েছিল। আমার আর পরের হাটের জন্মে অপেক্ষা করা চলল না দেখছি, আজই যেতে হবে।'

'ও, তবে ত একেবারে পৃথিবী রসাতলে যাবে।' পুঁটিও সমান জোরে জবাব দেয়। সর্বেশ্বর কিন্তু ভালমান্থবের মত গিয়ে তেল মাখতেই বসল শেষ পর্যন্ত। বিপ্রদাস পুকুরে গিয়েছিল স্নান করতে, বাড়ি ফিরে মার মুখে সব শুনে ভিজে কাপড়েই ছুটে এল, সর্বেশ্বরের হাতত্তী। ধরে বললে—'ও পাগলির কথা শুনো না ভাই, ও বদ্ধ পাগল।'

প্রশান্তকণ্ঠে সর্বেশ্বর উত্তর দিলে, 'তুমি ক্ষেপেছ ভট্চায। ঐ একফোঁটা মেয়ের কথায় রাগ ক'রে চলে যাবো? আমায় সে বান্দা পাওনি। আমি ঠিক আছি।'

বনমালী কলকাতায় ফিরে এসে এবার আর মেসে ঢুকতে পেলেন না। ঠাকুর পথরোধ ক'রে দাঁড়িয়ে খবরটা দিলে—'সে বাব্ চলে গেছেন আজে, তল্লিভল্লা স্থদ্ধ—সে সীট ভাড়া দেওয়া হয়ে গেছে। ওপরে গিয়ে লাভ নেই।'

বন্দালী খানিকটা ওর মুখের দিকে চেয়ে থেকে বললেন—
'রসো বাপু, রসো। এর মানে ভ এই হয় যে সে এখানে এসেছিল ?
ইস! ক'দিন যদি মেসে না থেকে ঘাপটি মেরে থাকতুম! তা বাপু,
এটুকু বেশ পরিষ্কার হ'ল যে সে এ মেস ছাড়েনি। নইলে তুমি
পথ আটকাতে না। তা আমি না হয় তোমাদের ঘর জোড়া
করব না। দিনের বেলায় বারান্দা-মারান্দায় পড়ে থাকব, রাতটা
ছাদে কাটবে। মন্দ কি ?'

'না বাবু। ম্যানেজারবাব্র মানা আছে।'

'বিলক্ষণ! ম্যানেজারবাবুর ত বেশ দয়ার শরীর দেখছি। তা বাবা এই বুড়ো মান্ন্য পথে বসে থাকব ?'

# কঠিল মায়া

'কী করব বলুন। যা হুকুম আমাদের ওপর।'

'তা ত বটেই। তবে এটাও শুনে রাখো ঠাকুর, আমার নামও ঐ যাকে বলে গে বনমালী ঘোষাল। আমিও সহজে ছাড়ছিনি। এই দোরে বদে রইলুম আমি। বুড়ো মান্ত্র না খেয়ে দোরে পড়ে রইল, এই কথাটি তোমার সেই দয়ার অবতার ম্যানেজারবাবুকে ব'লো। ধর্মে হয়় একমুঠো ভাত দেবে না হয় দেবে না—'

এবার একটা ক্যাম্বিশের ব্যাগ এনেছিলেন বনমালী ঘোষাল, সেইটিই পেতে বসলেন—চেপেচুপে।

সকালের দিকে অত কেউ গ্রাহ্য করেনি। কিন্তু বিকেলে অফিস থেকে ফিরেও ওঁকে তদবস্থায় বসে থাকতে দেখে অনেকেই চঞ্চল হয়ে উঠল।

প্রদোষ গিয়ে বিনয়বাবুকে ধরল—'ম্যানেজারবাবু—হোআট ইজ দিজ্? পাড়ার লোকে কি ভাবছে বলুন ত ? পাওনাদারের মত দোর জুড়ে বসে—'

বিনয়বাবু শুক্ষমুখে বললেন—'কী করি বলুন দিকি। বুড়ো-মানুষকে ত আর মারধাের ক'রে তাড়াতে পারি না।'

প্রভাত পাল বলে—'ঐ লোকটা! ছাট স্কাউণ্ড্রেল—যত নষ্টের মূল। আপনিই ত মশাই—আমাদের সকলের অমতে সেই ডার্টি লোকটাকে প্রশ্রম দিয়েছিলেন। যত হাঙ্গামা তাকে নিয়েই। এখন সামলান। আমরা কেন এ অত্যাচার সহ্য করব ?'

বিনয়বাব ভয়ে ভয়ে বলেন—'কী করব এখন বলুন ত—পুলিশে খবর দেব নাকি ?' 'তা জানি না। এনি হাউ, ক্লিআর আউট দি প্যাসেজ।' বিনয়বাবু বিষগ্নমুখে নেমে আসেন, বনমালীকে বুঝিয়ে বলতে যান—'মিছিমিছি এ সব কি হাঙ্গামা করছেন বলুন ত ?'

'বিলক্ষণ! আমি ত কোন হাঙ্গামা করিনি বাপ সকল। একটা কথাও ত কইনি।'

'কিন্তু এ কী বিঞ্জী ব্যাপার বলুন দিকি। লোকে কি মনে করে ?'
'কী করব বাবাজী! প্রাণের দায়—প্রাণের দায়!'

প্রভাতও এসে দাঁড়িয়েছিল। সে ব'লে উঠল—'কী রকম প্রাণ আপনাদের তাও বুঝি না যে এমন দায় তার। পৃথিবীতে কি আর পাত্তর নেই? তাকিয়ে দেখেছেন লোকটার দিকে?'

'বিলক্ষণ! দেখেছি বৈকি। সেই সঙ্গে, তারও আগে থেকে মেয়ের দিকেও ত তাকিয়ে রয়েছি বাবা। তাকেও ত তুমি আখোনি। সাক্ষাং মা চামুগুার ডাকিনী যোগিনীদেরই একটি— মা দয়া ক'রে এই অধমের ঘরে ছেড়েছেন। তাই ত এত তাড়া করা বাবাজী, অতিকষ্টে বেড়ালের ভাগো সিকে ছিঁড়েছে, এই পাত্তরটি পেয়েছি, এটি ফসকালে কি আর সহজ মিলবে ভেবেছ ? রাধে মাধব, রাধে মাধব!'

'বরাতে যদি থাকে ত আবারও মিলবে।' প্রদোষ বলে।

'হুঁ। বরাত ত চোখে দেখা যায় না বাবা। বরটা দেখা যায়। বর নিয়ে যদি না ফিরি ত আমার বরাতে কী আছে তা ভাবতেও পারো না। তখন যা গৃহের অবস্থা দাঁড়াবে তার চেয়ে এ সরকারি পথ ঢের ভাল।'

## কঠিন মারা

'কিন্তু দেখুন এ ভাবে দোরের সামনে বসে থাকাতে এদের বড় আপত্তি। এরা ত পুলিশে খবর দিতেই যাচ্ছিল।' বিনয়বাব্ সবিনয়েই বলেন।

'পথে বসাতে যদি এতই আপত্তি থাকে বাবুদের ত, পথ ছেড়ে দিক—ঘরেই আশ্রায় নিই। তবে পুলিশের কথা যদি বলো বাবাজী, ও ভয়টা আর আমাকে দেখিও না। এই বয়সে একশ'টির ওপর ফৌজদারি মামলা করেছি। উকিলকে আইন শেখাতে পারি। স্বরুল রাস্তায় বসে আছি, এখনও ত রাত হয়ন। পুলিশ কোন্ আইনে তাড়াবে ? তাছাড়া ঐ ছাখোগে যাও, লালবাজারের রাস্তাতেই কথায় কথায় লোক বসে যায়, পুলিশ তাড়াতে পারে ? আর খাওয়া না খাওয়া ত আমার ইচ্ছে বাবাজী। জেলখানার কয়েদীকেই জোর ক'রে খাওয়ানো আইন নেই।' এই বলে বিজয়গর্বে মাথাটা পিছে হেলিয়ে সকলের দিকে একবার তাকালেন বনমালী।

এরা সকলে বিপন্নভাবে পরস্পারের মুখে চাওয়া-চাওয়ি করতে লাগল। শেষে প্রদোষের মাথাতেই বুদ্ধিটা গেল।

সে হাতজোড় ক'রে বললে, 'ভাউই মশাই, দোহাই আপনার, আপনি একমুঠো খেয়ে নিশ্চিন্তি হয়ে বাড়ি চলে যান। আমি আপনাকে ছুঁয়ে কথা দিচ্ছি, তার ঠিকানাটি পেলেই আপনাকে আমরা টেলিগ্রাম করব। নিশ্চয়, নিশ্চয়, নিশ্চয়। এই তিন সভ্যি করছি।'

'तिंटि थारका वावाजी, मीर्घजीवी २७। ভारता छारे हरना

বাবা, আপাততঃ পেয়ালা ছুই-চা আর কিছু খাবার দিতে বলো। ভাতটা খেয়ে রাতের ট্রেনেই আমি সরে পড়বো, কোন ভয় নেই।'

22

পুঁটি ভেতর থেকে ডেকে বললে, 'নাপিত এসেছে। গুনছেন।' 'নাপিত ? নাপিত কি হবে ?' 'নাপিত দিয়ে কি হয় ? দাড়ি কামিয়ে নিন!'

'কী সর্বনাশ। এই ত কাল না পরশু—'

'না, তিনদিন হয়ে গেছে। তিনদিন অন্তর না কামালে বনমানুষের মত দেখায়।'

'দেখার ত দেখার। আমার খুশি আমি কামাবো না।'

'এটা চিড়িয়াখানা নয়। নাপিত কাজের মানুষ, বেশিক্ষণ বসতে পারবে না। কামিয়ে নিন তাড়াতাড়ি।'

'উঃ! রাজনন্দিনীর হুকুম! জালিয়ে খেলে দেখছি। এমন জানলে কোন্ অমুকে এখানে পা দিত। কৈ হে, পরামানিক, কোথায় গেলে? নাও, এসো। আমার যেমন পাপের ভোগ।' গজগজ করতে করতে গিয়ে দাড়ি কামাতে বসে সর্বেশ্বর।

রান্নাঘরের দাওয়ায় খেতে দিয়ে বিপ্রদাদের মা ভেতর থেকে ফিস্ফিস্ ক'রে বলেন—'খাওয়া দাওয়ার হয়ত খুব কট হচ্ছে। ওঁরা কী রকম খান তা ত জানি না। পুঁটি একটু জিজ্ঞাসাকর নারে উনি কেমন খান-টান—'

# কঠিল মায়া

সর্বেশ্বর প্রবল উৎসাহে বলে, 'আপনি ক্ষেপেছেন মা, মেসের আর হোটেলের খাওয়া থেয়ে মুখ অসাড় হয়ে গিয়েছিল। অনেকদিন পরে এসব মনে হচ্ছে যেন অমৃত। মুখে ছড়া-ঝাঁট পড়ল তবু একটু—'

পুঁটি যেন অন্তদিকে চেয়ে স্বগতোক্তিই করলে—'পোড়ার মূথে আবার ছড়া-ঝাঁট।'

भा এবং দাদ। প্রায় একদঙ্গেই ধমক দিয়ে উঠে—'পুঁটি!'

'তা নয় ত কী! দিনরাতই ত মুখে আগুন। যতক্ষণ জেগে থাকে ততক্ষণই মুখে আগুন। ও মুখ কি আর ছড়া-ঝাঁটে সাফ হবে ? লাঙ্গল কোদাল চাই।'

'দূর হয়ে যা দিকি আমার সামনে থেকে।' দাদা ধমক দিয়ে ওঠেন।

সর্বেশ্বর কিন্তু বেশ সহজভাবেই হাসে। বিপ্রাদাসকে বলে, 'তুমি রাগ ক'রো না ভটচায। বলেছে কিন্তু ভাল-দিনরাতই মুখে আগুন। না, এবার দেখছি বিড়ি খাওয়াটা কমাতে হবে।'

ভেতর থেকে মা আবারও বলেন,—'কী খেতে টেতে ইচ্ছে করে ওঁর জেনে নে না খোকা। সত্যিই ত, বারো মাদ মেসে খেলে কি আর জিবে সোয়াদ থাকে।'

'কিছু না, কিছু না মা। এই বেশ খাচ্ছি। কতকাল পরে যে সেদিন পাকা আমড়ার অম্বল খেলুম। স্থুক্তো, ঘণ্ট এসব ত ভুলেই গেছি মা। ছেলেবেলায় পিদিমার হাতে খেয়েছি আর এই খেলুম। ঐ জত্যেই ত আরো নড়তে পাচ্ছি না মা।' 'তা খোকা—উনি চিরজীবনই কি মেসে হোটেলে কাটাবেন ? সংসার পাতলেই ত হয়!'

'ঐটি মাপ করবেন মা। আর সব পারব—ঐটি নয়, বাপ রে, সংসার পাতবার কথা মনে হ'লেই আমার হৃত কম্প হয়।' 'তা ত বটেই।' ভেতর থেকে পুঁটির কণ্ঠস্বর বেজে ওঠে আবার,—'তা নইলে অমন জংলির মত থাকার স্থবিধে হবে কেন ?'

কিন্তু পুঁটি মুখে যাই বলুক, হতভাগা লোকটার ওপর তারও দয়ামায়া হয় মাঝে মাঝে। সেদিনই ছপুরবেলা ক্ষার কাচতে দেবে ব'লে বৈঠকখানায় দাদার কাপড় জামা নিতে এসেছিল। যেতে যেতেও অবাধ্য চোখ পড়ে সর্বেশ্বরের দিকে, বদ্ধারে এক-গা ঘেমে যেন ঘামের সমুদ্রে পড়ে ঘুমুছে। খানিকটা ইতন্ততঃ করলে পুঁটি—একবার বেরিয়ে গেল, আবার ফিরে এসে একখানা পাখা ঠকাস ক'রে ওর গায়ের ওপরই ফেলে দিয়ে গেল। ঘুমের ঘোরে পাখাখানা টেনে নিয়ে সর্বেশ্বর হাওয়া খেতে খেতে আবার ঘুমিয়ে পড়ল, সে টেরও পেলে না—পাখাখানা কে দিয়ে গেল।

পরের দিন হাটবার। এ হাটও বেশ জমে ওঠে। তারই ফাঁকে কেষ্টধন এসে দর্বেশ্বরকে চুপি চুপি ধরে,—'হাঁ। দাদা, আপনার ও মাছলিতে মকদ্দমার কিছু হয় ?'

'হওয়া ত উচিত ভাই। গুরুদেব বলেছেন সঙ্কটমোচন মাতুলি, যে কোনও সঙ্কটেই মুক্তি পাবার কথা।'

#### কঠিন মায়া

কেষ্টধন ইতন্ততঃ ক'রে একটু গলাটা নামিয়ে বলে,—'আছা ওরই মধ্যে এমন মাছলি নেই যে একটু বেশী কাজ করে—মানে নিঘ্যাত! ব্যাপারটা আর কিছু নয় ভাই। একটা ছেঁড়া মকল্দমায় জেরবার হয়ে পড়লুম। কী বলব, নিজের দাদামশাইয়ের সঙ্গেই মামলা একটা জমি নিয়ে। তা সে বুড়ো এমন মামলাবাজ আমাকে একেবারে জালাতন ক'রে মারলে। এবার একটা বিশ্রী ফৌজদারিতে জড়িয়েছে। এমন সব সাক্ষীদের তালিম দিয়ে রেখেছে যে জেরায় জন্দ করাও মৃদ্ধিল। ছ'বিঘে জমির জন্মে কি বুড়ো বয়সে জেল খাটব ?'

'ও এই ?' তাচ্ছিলোর স্থুরেই বলে সর্বেশ্বর,—'এ আর এমন বেশি কথা কি! আছে, সে মাছলিও আছে, পঁচিশ টাকা পূজো পড়বে। একটিই আছে—এখানে অভটাকা কে দেবে ব'লে আমি কাউকে বলিনি।'

'—পঁচিশ টাকা ?' কেপ্টধনের মুখ শুকিয়ে যায়, 'কিছু কমে হবে না দাদা ?'

'কমে ত হবার উপায় নেই ভাই। ওর জন্মে যে স্পেশ্যাল যাগ করতে হয়। ভার ত খরচা আছে। এতে আমাদের কোন লাভ নেই।'

শুক্নো ঠোঁটের ওপর জিভটা বার-ছই বুলিয়ে নিয়ে কেপ্তথন সর্বেশ্বরের হাত ছটো চেপে ধরে, 'দাদা বারোটা টাকা কাছে আছে, মাইরি বলছি, এখন এই নাও। মামলাটা মিটে যাক—আমি ঠিক তোমার টাকা চুকিয়ে দেবো। বিশ্বাস করে।'

'ভাই দাও।' উদাসীনভাবে বলে সর্বেশ্বর,—'ভোমরা আমার বন্ধুবান্ধবের মত হয়ে গিয়েছ, ভোমাদের সঙ্গে এসব কারবার করতেই আমার খারাপ লাগে।'

ট্যাক থেকে বারোটা টাকা বার ক'রে সর্বেশ্বরের হাতে দিচ্ছে কেষ্টধন—এমন সময় একজোড়া ধৃতি বগলে ক'রে বিপ্রাদাস সেধারে এসে পড়ে।

'আরে আরে এ কী কাণ্ড! কেষ্টধন যে! আরে তুমিও মাত্লি নিচ্ছ নাকি ? তুমিও যে দেখছি চললে এদিকে—'

'না না বিপ্রদা—মানে আমি নই—' বেগুনি হয়ে ওঠে কেষ্টধনের কালো মুখখানা, 'ঐ আমার বোনাইয়ের ভাই—'

'বুঝেছি' বলে মুখ টিপে হাসে বিপ্রদাস।

কেষ্টধনের হাতে মাছলিটা গুঁজে দিতে দিতে সর্বেশ্বর কথাটা ঘুরিয়ে দেয়,—'কাপড় কী হবে হে ?'

'তা জানিনে ভাই। পুঁটির হুকুম—একজোড়া কাপড় চাই।' 'তাও ত দেখছি ধৃতি।'

'ধুতির কথাই ত বলে দিয়েছে।'

'তোমার কাপড়ের হিসেবটাও দেখছি রাখো না।'

অপ্রতিভভাবে হেসে বিপ্রদাস বলে,—'তা যা বলেছ। ও-ই সব করে। কিন্তু আমি ত যতদূর মনে পড়ছে, একমাস আগেই একজোড়া কিনেছি। কী রকম হ'ল ?'

'যাকগে, হুকুম যখন তামিল করেছ—তখন আর কথা কি!' হাট শেষ হয়ে এসেছিল। তুজনেই একসঙ্গে বাড়ির পথ ধরলে।

# কঠিন মায়া

বাড়ি ফিরে বিপ্রদাস হেঁকে বললে,—'এই নে পুঁটি তোর কাপড়। সাত টাকা সাড়ে ছ আনা। ধুতির কথাই ত বলেছিলি।'

'হাা, তুমি শাড়ি এনেছ নাকি ?'

'না না, ধুতিই এনেছি। কিন্তু আমার ধুতি একজোড়া গত মাসেই কেনা হয়েছে না ?'

'তোমার ধুতি কে বলেছে ?'

'তবে ?'

'বাড়িতে আর মান্ত্র নেই ? এক কাপড় কতদিন সাবান কেচে কেচে চলবে ? ও পুরোনো কাপড় পাঁচুকে কাচতে দিতে বলো দাদা, আর টাকাটা চেয়ে নিও।'

সর্বেশ্বর একেবারে আকাশ থেকে পড়ে।

'ও কাপড় কি আয়ার জন্ম এল নাকি ? এই মরেছে। এই ত বেশ চলছিল।'

'—হাঁ। বিনা মাইনের ঝি পেয়েছ কিনা—রোজ রোজ আমি সাবান দেব।'

'—কে বলে ? কে দিতে বলে তোকে ? দিস কেন ?' সর্বেশ্বর জ্বলে ওঠে।

সে কথার জবাব দেয় না পুঁটি। শুধু বলে,—'হরিশবাবুকে বলে আর একটা জামাও করিয়ে দিও দাদা। সন্মিসি হয়ত গেরুয়া নিক—সংসারে থাকতে গেলে গেরস্তের মত চলাই উচিত।' পরের হাট থেকে দর্বেশ্বর ফিরল প্রায় লাট্রুর মত পাক খেতে খেতে। চিংকার করতে করতে টুকল, 'ভটচায্! কৈ হে ভটচায্, বাড়ি ফিরছে নাকি হে ?'

বিপ্রদাস ভাড়াভাড়ি বেরিয়ে আসে, 'হাঁা, এই এলাম।' 'আজ হাটে যাও নি ত!'

'না। আজ চরণকে পাঠিয়েছিলাম। কিন্তু ব্যাপারটা কি ?'
'আর ব্যাপার! আজ হাটে গেলে একটা জিনিস দেখতে।
দারুণ কাণ্ড। মোদ্দা বলো এখন কী খাবে। তোমার দোকান
থেকে এনেই তোমায় খাওয়াবো—'

'বলি ব্যাপারটা কি ?'

'ঐ যে হে, তোমার কেষ্টধন, বলি তুমিই ত দেখলে হাতে পায়ে ধরে গেল হাটে পাঁচটাকার মাছলিটা বারো টাকায় নিয়েছিল, তা পরের দিন ছিল ওর এক ফোজদারি মকদ্দমা, ওর জেতবার কথা নয়, তবু জিতে গেছে। ব্যস্—মাছলিরই গুণ! বুঝলে না? কথাটা মুখে মুখে ছড়িয়ে গেছে। আজ একেবারে চারপাশের গাঁ ভেঙে লোক পড়েছে মাছলির জন্মে। মাছলির ব্যাগ খালি—ওমুধও যা ছিল সব শেষ। একেবারে ফরসা। ফেরবার পথে আমাদের মেসের ম্যানেজার বিনয়বাবুকে টেলিগ্রাম ক'রে এলুম, টাকাও পাঠিয়েছি কিছু, এক চালান মাছলি পার্শেল করতে। ওমুধওলাকেও তার পাঠিয়ে দিয়েছে। তোমার এখানে চালান

# কঠিল মায়া

আসবে ভি. পি. হয়ে। আর নড়বও না সহজে, তা তুমি মনে মনে যতই গালাগাল দাও।'

বিপ্রদাস হেসে বললে, 'গালাগাল আর দেব কেন বলুন।
আপনি ত আমার ঘাড়েঁ চেপে খাচ্ছেন না—এর মধ্যে ত একরাশ
টাকা দিলেন।'

'ছাই দিলুম। কী আর দিচ্ছি। তুমি ত নিতেই চাও না।' তারপর গলাটা একটু নামিয়েই বলে সর্বেশ্বর—'তোমার বোনের জন্মে একটা ভাল দেখে কাপড় কিনব ভাব্ছি। বাবুলাল মাড়োয়ারীকে ব'লেও রেখেছি।'

আন্তে বললেও কথাটা কানে যায় পুঁটির, সে রানাঘরের দাওয়া নিকোতে নিকোতে ব'লে ওঠে, 'কেন আমি কি ঝি ? যে ঝি বিদেয় দেবে ? খবরদার দাদা, বারণ ক'রে দিও—'

সর্বেশ্বর মুখ ভ্যাঙায়, 'ইস্। তেজ ছাখোনা। ফোঁস ক'রেই আছেন মেয়ে। ভট্চায, এ বোন নিয়ে ভোমার কপালে বিস্তর ছঃখ আছে তা ব'লে দিচ্ছি।'

— 'আছে ত আছে, সে দাদা বুঝবে।' বিপ্রদাস ধমক দেয়, 'তুই থাম্ পুঁটি। ভেতরে যা দিকি।'

খাওয়া দাওয়ার পর সর্বেশ্বর বিড়ি ধরিয়ে আরাম ক'রে শুয়েছে, হঁকো হাতে ক'রে বিপ্রাদাস এসে ঢুকল, 'মুখুজেদা ঘুমুলে নাকি ?'

'না না। এসো। ব্যাপার কি ? না গড়িয়ে এ ঘরে এলে যে ?'

'ঘুমটা ঠিক আসছে না। আচ্ছা মুখুজেদা, একটা কথা জিজেস করব ?'

'স্বচ্ছন্দে। একটা কেন একশ'টা করো না। ভয় ছেড়ে নির্ভয়ে কও? কী কথা?'

'আচ্ছা তোমার ও মাহলির মধ্যে আছে কি? সত্যিই কি কোন ওযুধ-বিষুধ কি কোন মন্তর-উন্তর—?'

'ছিঃ ভটচায। জ্ঞানী লোক হয়ে তুমিও একথা জিজ্ঞেদ করছ এতদিন পরে ?…ওর মধ্যে আছে শুকনো তুলসী পাতা। আর কি থাকবে ? বিবেচনা করো তুলসীর বড় আছেই বা কি ? স্বয়ং নারায়ণ যা মাথায় ধারণ করেন ?'

'যাই বলো—বাহাছর ছেলে বটে তুমি!' সপ্রশংস দৃষ্টিতে চেয়ে বলে বিপ্রদাস।

সর্বেশ্বর একটু কৌতুকের স্থারেই বলে, 'ভারপর ভটচায, এটা ত মনে হচ্ছে গৌরচন্দ্রিকা, আসল কথাটা কি ব'লে ফেল দেখি ?'

বিপ্রদাস হুঁকোটা হাতে দিয়ে একটু কেশে গলাটা সাফ্ক'রে
নিয়ে বলল, 'বলছিলুম কি, এখানে ভোমার ব্যবসাটা ত একরকম
জমেছে ভাল। তা এদেশ ওদেশ না ক'রে এখানেই গোড়া
গেড়ে ফ্যালোনা।'

'তার মানে ? ব্যাপারটা কি খোলসা ক'রে বলো।' 'বলছিলুম যে চিরকাল ত আর এমন ক'রে ভেসে বেড়ালে চলবে না। তুমি এবার একটি সংসার করো।'

#### কঠিন মায়া

'সংসার ? সংসার করব কি হে ? বয়স কত হ'ল তার হিসেব আছে ? চল্লিশের আর খুব বেশি দেরি নেই যে—'

বিপ্রদাস কণ্ঠস্বরে জোর দিয়ে বলে—'তা হোক ও বয়সে আজকাল অনেকেই বিয়ে করছে। বলছিলুম কি তুমি আমার বোনটিকে নিয়ে এখানেই সংসার পাতো—না না কোন ওজর আমি শুনব না, ওকে তোমার পায়ে রাখতেই হবে।'

সর্বেশ্বর অবাক হয়ে বলে, 'য়ঁটা, কি বলছ হে তুমি ? আমাকে দেবে মেয়ে! চাল নেই, চুলো নেই, বলতে গেলে জোচ্চুরি ক'রে খাই, তার ওপর বয়সেরও সীমে পরিসীমে নেই। বোনের আর পাত্তর পেলে না তুমি ?'

'পাত্তর আর কোথায় পাচ্ছি বলো ভাই ? অনেক খুঁজেছি, একে কালো মেয়ে—তার ওপর আমার পয়সা নেই। এ গাঁয়ে পাত্তর আছে এক ঐ বিভিওলা স্বরেনের ছোটভাই। কলকাতায় কি একটা চাকরি করে, কোন্ অফিসের বুঝি বেয়ারা। পঞ্চারটি টাকা পায়। তাও চেষ্টা করেছিলুম কিন্তু স্বরেন পাঁচশ টাকা নগদ চেয়ে বসল। শুধু ত ঐ টাকাতেও হবে না—আরও ত খরচ আছে—'

সর্বেশ্বর ব্যাকুল হয়ে ব'লে ওঠে—'না না, তুমি অন্য পাত্তর ভাখো। ও আমি পারব না ভাই, তা হ'লে আমাকে আজই চলে থেতে হয়।'

'না না সে কথা নয়, আমি জোর করব না। ভাল ক'রে ভেবে ভাখো। কথাটা আমি খারাপ বলিনি।' বিপ্রদাস বেরিয়ে গেল ঘর থেকে দোর ভেজিয়ে দিয়ে। কিন্তু
সর্বেশ্বরের আর ঘুম এল না। এলোমেলো কত কি চিন্তা—পুঁটির
কথাও। এই দেড় মাস ধরে যে নিটোল সেবা পাচ্ছে ওর কাছ
থেকে—দে কথা। বিবাহিত জীবন জল্পনা করে—পুত্র-কন্তা,
পরিপূর্ণ সংসার, আর সেই সঙ্গে একটি মুখরা স্ত্রী। কিন্তু কিছুদিন
আগে—এই কয়েক সপ্তাহ আগেও জিনিসটা কল্পনা করতে যতটা
অসহ্য লাগত এখন আর ততটা লাগে নাত!

ভাবতে ভাবতে কখন বেলা গড়িয়ে গেছে, মধ্যাক্ত অপরাহে এসে পোঁচেছে তা টেরও পায়নি সর্বেশ্বর। এমন কি পুঁটি এসে কখন পাশে চৌকির ওপর চা রেখে গেছে তাও দেখতে পায়নি সে। খানিক পরে ঝাঁটা হাতে ক'রে ঘর ঝাঁট দিতে এসে পুঁটি চমকে ওঠে। কারণ অন্যদিন এ সময় ঘরে থাকে না সর্বেশ্বর। চায়ের কাপ নিয়ে গিয়ে বাইরের দাওয়ায় বসা তার নিত্য অভ্যাস। আজ তেমনি সে বসে আছে, কতকটা স্তম্ভিত, বিমৃঢ়ভাবে। প্রথম বিশ্বয়টা সামলে নিতে না নিতে আরও চমক লাগে পুঁটির।

'ও কী এখনও চা খান নি ? কখন চা দিয়ে গেছি যে, ও চায়ের আর কী রইল ? জুড়িয়ে জল হয়ে গেল যে। কিসের ধ্যান করছিলেন চোথ বুজে বুজে ? সেই গুরুদেবটির নাকি ?'

'য়ঁটা, কী ? চা ? কোথায় চা ?' 'যা ভেবেছি তাই। চায়ে মাছি পড়েছে। আবার তৈরি করতে হবে।'

#### কঠিন মায়া

'হাা। তৈরি করতে হবে না ছাই। দেখি দে, ভারি তো একটা মাছি, ওটা ফেলে দিয়ে খেলেই হবে।'

তার উভত হাতের কাছ থেকে পরিতগতিতে কাপটা সরিয়ে নেয় পুঁটি—'থাক হয়েছে। আপনার না ঘেনা থাকতে পারে আমাদের আছে। মাছি পড়েছে চায়ে তবুসেই চা থেতে হবে, না ? তারপর অসুথ করলে কে দেখবে শুনি ?'

'মরগে যা। বললুম ভাল কথা, তা পছন্দ হ'ল না। তোকেই ত আবার করতে হবে ? খাটুনিটা কার হবে ? তাই শুনি ?'

'ভারি খাট্নি। এক কাপ চা তৈরি করতে মরে যাব কিনা? তাই মাছি স্থন্ধ চা খাওয়াতে হবে লোককে।'

'মোদ্দা তাড়াতাড়ি ক'রে আনবি। কাজ আছে, এখ<sup>ু</sup>ই আবার বেরুতে হবে।'

'না; আজ আর বেরুতে হবে না। চা খেয়ে নিয়ে একটু শুয়ে থাকুন দেখি চুপ ক'রে। মুখ-চোখ কেমন ধারা হয়ে উঠেছে, নিশ্চয় শরীর খারাপ বোধ হচ্ছে। তা নইলে কেউ বসে বদে ঘুমোয় ?'

সর্বেশ্বর ধমক দেবার চেষ্টা করে, 'থাম, থাম, মেলা ফ্যাচ-ফ্যাচ করিস নি! ভোর শাসনে আমাকে চলতে হবে নাকি ?'

'হ্যা তাই হবে। কৈ যান ত দেখি কেমন যেতে পারেন! আজ বিকেলে বেরুতে পাবেন না।'

সর্বেশ্বর মুখটা গোঁজ ক'রে বলে 'ভাল বিপদ হ'ল দেখছি। এখানে বাস করা আর চলল না।'

'আচ্ছা আচ্ছা, এখন দয়া ক'রে উঠে একটু মুখে-মাথায় জল

দিন দিকি। হাট থেকে আসতে রোদটা বোধ হয় লেগেছে। আমি গরম চা ক'রে আনি, খেয়ে শুয়ে পড়ুন। এমন কিছু রাজ-কাজ্য নেই বাইরে, যে, না গেলে ন'শো পঞ্চাশটাকা লোকসান হবে। কাজের মধ্যে ত বিড়ি খাওয়া, তা সেটা ঘরে বসে খেলেই হবে। না হয় মেঝেটা আমি জার একবার ঝাঁট দেব।'

হতাশ হয়ে হাল ছেড়ে দেয় সর্বেশ্বর, 'যা খুশী করগে যা। তোর সঙ্গে বকতে পারি না আমি।'

#### 20

পরের দিন ভোরে উঠে সর্বেশ্বর বেরিয়ে পড়েছিল মাঠে। রাত্রেও ভাল ঘুম হয়নি, কান মাথা জালা করছে যেন। বাইরের ঠাওা হাওয়ায় তাই ঘুরল অনেকক্ষণ ধরে। কঁথাটা যেন পেয়ে বসেছে তাকে। ভুলতেও পারছে না, ভাবতেও চাইছে না—এই তার অবস্থা। অনেকক্ষণ পর্যন্ত মাঠে মাঠে ঘুরে সবে ঘরে এসে জামাটি ছেড়েছে, পুঁটি এল এক কাঁশি মুড়ি আর বেগুনি নিয়ে।

—'সকাল থেকে কোথায় এত ঘোরেন। কখন থেকে বেগুনি ভেজে বসে আছি। সময়ের হুঁশ থাকে না গুঁ

'সময়ের হুঁশ থাকে ঠিকই। তবে কি জানিস—' কেমন একটা অদু হ দৃষ্টিতে তাকায় তার মুখের দিকে, 'আমার জন্মে ভ কেউ কোন দিন খাবার তৈরি ক'রে বসে থাকেনি কোন কালে, তাই নতুন অভ্যেসটা হতে একটু দেরি লাগে।'

'ঢের হয়েছে। হাত পা ধুয়ে নিন দেখি তাড়াতাড়ি।…'

#### কঠিন মায়া

একট্ পরেই আবার চা হাতে ক'রে এসে ঢোকে পুঁটি, 'ওকি খেতেই শুরু করেন নি এখনও ?'

'খাচ্ছি, খাচ্ছি। পু'টি, একটা কথা মনে পড়ে গেল রে, তাই ভাবছিলুম।'

'কী কথা ?'…উৎস্কুক নেত্রে চায় পুঁটি।

'তোর দাদা যে আমার সঙ্গে তোর বিয়ে দিতে চায় রে।'

—'ধ্যেং!' পুঁটি চায়ের কাপটা তখন সবে নামিয়ে রাখছিল, হাত কেঁপে চলকে খানিকটা চা পড়ে গেল।

'-एँ। (त, वलिएल।'

'ও আবার কি অসভ্য ঠাট্টা! ওসব আমার ভাল লাগে না।' 'মাইরি বলছি, ঠাট্টা নয়। আচ্ছা সত্যিই যদি বিয়ে হয়— আমাকে তোর পছন্দ হবে ?…'

পুঁটি আগুনের মত রাঙা হয়ে উঠেছিল। সে ঠকাস ক'রে চায়ের বাটিটা বসিয়ে দিয়ে ছুটে বেরিয়ে যেতে যেতে ব'লে গেল,—'জানিনে। অত বাজে কথা আমি বকতে পারি না।'

সর্বেশ্বর অবাক হয়ে সেদিকে চেয়ে রইল। কারণ বিরক্তি নয় লজা নয়—কে যেন স্থাবরই একটি অঞ্জন মাখিয়ে দিয়েছে পুঁটির নিরস কঠিন মুখে।'

তাহ'লে কি পুঁটি তাকেও— ?

সেদিনও ছপুর বেলা হুঁকো হাতে ক'রে বিপ্রাদাস এসে, বসল।—'মুখুজ্জেদা কি ঠিক করলে ?' সর্বেশ্বর অনেকক্ষণ চুপ ক'রে রইল। তারপর বললে,—'এত তাড়াতাড়ি কেন ?'

বিপ্রদাস হুঁকোটা একরকম ফেলে দিয়েই ওর হাত ছটো চেপে ধরল, 'ভাই মনটা যখন টলেছে তখন আর দেরি ক'রো না। আমি পুরুত ঠাকুরকে দিয়ে পাঁজি দেখিয়েছি, সামনের হপ্তাতেই দিন আছে।'

'না না ভটচাষ্। আর ছটোদিন যাক। কথাটা আর একটু ভেবে দেখি।' ব্যাকুলকণ্ঠে বলে সর্বেশ্বর।

'রেখে দাও দিকি ওসব ভাবাভাবি। মিছিমিছি সময় নষ্ট। পিসিমার মত নিতে হবে? তা যদি হয় ঠিকানা দাও, আমি ঘুরে আসি—'

'না না। বাপরে, সেখানে বনমালী ঘোষাল আছে। মত লাগবে না। আমি বিয়ে করলেই পিদিমা খুশি।'

'তবে আর কি! ঐ ঠিক রইল।'

'মাইরি ভটচায্। এখনই যেন এসব কথা নিয়ে পাঁচকান ক'রো না। আর একটু…'

তার কথা শেষ করতে না দিয়েই বিপ্রদাস ব'লে উঠল, 'ক্ষেপেছ তুমি। এখন পাঁচকান করতে আছে? এমনিতেই ত ব্যাটারা হিংসেয় মরে যাচ্ছে, তার ওপর একথা শুনলে আর রক্ষে আছে?'

তবু কথাটা চাপা থাকে না। বিপ্রদাসের অনুপস্থিতিতে

বিলক্ষণ ঘেঁটি হয়। স্থরেন বলে, 'দেখলে ব্যাপার, বিপ্রদাকে তোমরা যতটা ভালমানুষ ভাবো ততটা নয়।'

হরিশ বলে, 'ওকে চিনতে তোমাদের এখনও দেরি আছে! ওযে কত মতলবে ঘোরে! ভিতভিতে ডান ছেলে খাবার রাক্ষ।—কম ছইছে নাকি ওর কাছ থেকে? আজকাল হাটে গেলে বিপ্রদাস বড় মাছটা কেনে। আগে ছু পয়সার পুঁটি মাছও জুটত না।' স্থরেন একটা দীর্ঘাস ফেলে বলে, 'যে যার দিন কিনে নিচ্ছে। শুধু আমরাই যে তিমিরে সেই তিমিরে রইলুম।'

বিনয়বাবু প্রদোষকে ডেকে বলেন, 'ওতে প্রদোষবাবু শোন শোন—আমাদের মুখুজের পাতা পাওয়া গেছে।'

'কী রকম, কী রকম ?' আরও ছচার-জন ভিড় ক'রে আসে। 'এই যে, আমাকে হঠাং এক টি-এম-ও পাঠিয়েছে পঁচিশটাকার। ছু গ্রোস তামার খালি মাছলি পাঠাতে হবে এই ঠিকানায়। সাবাস্! এত রকমও জানে বাবা। কোথায় কী আবার এক বুজরুকী কারবার কেঁদে বসেছে।'

'আপনি কী করলেন ?'

'আমার এক বন্ধু এইসব কারবার করে, তাকে দিয়ে দিয়েছি। এতক্ষণ চলেও গেছে বোধহয়।'

প্রদোষ বলে, 'বিনয়বাবু, ভাই ঠিকানাটা আমার একটু চাই যে!'

'क्न ए, कि कत्रत ?'

'সেই ঘোষাল বুড়োকে দিতে হবে।'

'কি হবে ? না না দরকার নেই। মিছিমিছি, একটা কারবার ফেঁদে বসেছে, শুধু শুধু আবার সেখানে থেকেও পালাতে হবে।'

'না না, বুঝছেন না। আমি তিন সত্যি করেছি বুড়োর কাছে। আর আপুনাদের বাঁচাবার জন্মেই করতে হয়েছে, নইলে কি সে উঠত? আপনাদেরও কতকটা মোরাল রেসপনসিবিলিটি আছে।'

'নাও'— অনিচ্ছাসত্ত্বেও টেলিগ্রামটা ওর হাতে দেন বিনয়বাবু।

ছপুরে খেতে বদে সর্বেশ্বর খুলি হয়ে ওঠে—'আরে, এ শুশনি শাকের ডালনা কোথা থেকে এল ?'

ঘরের ভেতর থেকে পুঁটির মা উত্তর দেন—'ও মেয়ের কীর্তি বাবা। তুমি নাকি খেতে ভালবাস, তাই আজ একবেলা ধরে মণ্ডলদের পুকুর থেকে শাক তুলেছে।'

'আমি খেতে ভালবাসি সে কথা আবার কে বললে ?' 'তুমি নাকি কবে খোকাকে বলেছিলে খেতে বসে,—'

'ও—হাঁ৷ হাঁ৷', বিপ্রদাস বলে ওঠে, 'সেই যে সেদিন বললে কলমীশাক খেতে খেতে…'

পুঁটি ভেতরে চাপাগলায় ঝঙ্কার দিয়ে ওঠে, 'ভোমার কি কোন কাজকর্ম নেই মা ? এত বাজে কথাও বকতে পারো।'

হাঃ হাঃ ক'রে হেসে ওঠে বিপ্রদাস। কিন্তু সর্বেশ্বর কেমন যেন গুম্ হয়ে যায়।

### কঠিন মায়া

বিকেলে ঘুরতে ঘুরতে এক সময় কেন্তথনের দোকানে গিয়েই বলে সর্বেশ্বর।

'দাও হে কেষ্ট্রধন, এক গেলাস তোমার ঐ তেতো চা।'

'এই যে আস্থন, আস্থন, মৃথুজ্জেদা,' কোঁচার খুট দিয়ে বেঞ্চিটা বেড়ে ওকে খাতির ক'রে বসতে দেয় কেষ্ট্রধন। তখন দোকানে আর কেউ নেই। ছোট্ট মোটা কাঁচের গেলাসটিতে খানিকটা কড়া চা তৈরি ক'রে এনে ওর সামনে টেবিলের ওপর রেখে কেষ্ট্রধনও পাশে বসে পড়ে। তারপর গলাটা নামিয়ে বলে— 'সত্যি মুথুজ্জেদা, কথাটা শুনে যে কী আনন্দ হ'ল—'

সর্বেশ্বর জ্রুটা কুঁচকে জবাব দিলে—'অমন হয়! কারুর সর্বনাশ, আর কারুর পৌষ মাস। আমাকে খ'য়ে বন্ধনে জড়াতে না পারলে বুঝি তোমাদের সুখ নেই ?'

না, তা নয়। তা কেন বলছ ? চিরকাল কি আর একভাবে কাটে ? ক্রমশঃ শরীর ভেঙে আসবে। তখন মনে হবে একটু আরাম চাই। এ-ত ভালই। ঘুরতে চাও, আশেপাশে ঘুরে বেড়িও। কিন্তু একটা আস্তানা ত রইল।'

সর্বেশ্বর গন্তীরমুখে চায়ে একটা লম্বা চুমুক দিয়ে বললে—'হুঁ, তা বটে।'

কেষ্ট্রধন উৎসাহিত হয়ে বলে, 'তা শোন, আমি বলি কি বন্ধন যখন হ'লই, তখন ভাল ক'রেই সংসার পাত দাদা। শ্বশুরের ঘরে বারোমাস থাকাটা ভাল নয়। ঐ ডাঙাটার ওপাশে একটা ঘর তুমি নিজে তুলে নাও।' সর্বেশ্বর অনেককণ চুপ করে ক্রিমার্ট্রকৈ আবারও বলে, 'হুঁ! দেখি—'

সন্ধ্যেরও অনেক পরে সর্বেশ্বর বাসায়° ফেরে। বিপ্রদাস যেন একটু উৎকণ্ঠিত হয়েই বসেছিল বাইরের দাওয়ায়। ওকে দেখে বলে উঠল—'এই যে, কোথায় ছিলে এতক্ষণ ?'

'না-এমনি।'

'এমনি! তার মানে?'

'ওতো হাঁা, হাা, মানে—এই একটু ঘুরে বেড়াচ্ছিলুম। আচ্ছা ভটচায, সুরেন কত টাকা চেয়েছিল তোমার কাছ থেকে ? মানে ওর ভাইয়ের জন্যে—তিনশ ?'

বিপ্রদাস সন্দিগ্ধ ও শঙ্কিত কণ্ঠে বললে, 'না পাঁচশ—কিন্তু সে সব কথা আবার তুলছ কেন ভাই।'

সর্বেশ্বর বললে, 'না, হঠাৎ মনে এল তাই—'

'না, না ওসব পাত্রে আর আমার দরকার নেই। পঞ্চান্নটি টাকা ত মোটে পায়। শহরবাজার জায়গা, সেখানে বাসা করে থাকতে হয়। কী বা থাকে যে সংসার চালাবে।'

বিপ্রদাস চলে গেল। সর্বেশ্বর নিঃশব্দে বসে খানিকক্ষণ বিজি টানবারপর বেশ একটু হেঁকে ডাকলে, পুঁটি, এই পুঁটি শোন একবার।

পুঁটি এসে দোরের কাছ থেকেই জিজ্ঞাসা করলে—'ডাকছিলেন নাকি? এত রাত্তিরে কিন্তু আর চা দেব না তা ব'লে রাখছি।' 'না না, চা নয়। শুনে যা একবার। একটা কথা আছে।'

পুঁটি ভেতরে এদে দাড়াল,—'কী কথা ?'

মুহূর্ত-কয়েক ওর মুখের দিকে চেয়ে থেকে সর্বেশ্বর বলল,— 'ভাখ, তোকে যা জিজেস করব—ঠিক ঠিক জবাব দিবি ? খুব জরুরী কথা কিন্তু। বল দিবি ?'

'মিছে কথা আমি বলিনে। সে অভ্যেস আমার নেই।'

'আচ্ছা—বিড়িওলা স্থারেনের যে ভাইয়ের সঙ্গে তোর বিয়ের কথা হয়েছিল তাকে তুই দেখেছিস ? বল্-বল্, উত্তর দে। লজ্জা করবার কিছু নেই।'

'—দেখেছি।'

'সে আমার চেয়ে ভাল দেখতে না খারাপ দেখতে রে ?' পুঁটি এবার অক্টকণ্ঠে ঝঙ্কার দিয়ে ওঠে—'জানি না যাও—' 'সত্যি পুঁটি আমার মাথা খাস—ঠিক ক'রে বল ?'

'ওসব কথা আমি বলতে পারব না। আর কিছু বলবার থাকে ত বলুন? উন্থনে ভাত ফুটছে আমার।' সে চলে যাবার জন্ম ঘুরে দাঁড়ায়। 'যাসনি, যাসনি পুঁটি, দাঁড়া একটু—আচ্ছা কত বয়েস হবে

'ঐ রকমই হবে হয়ত—' অত্যদিকে মুখ ফিরিয়ে উত্তর দেয় পুঁটি।

'তার স্বভাব-চরিত্র কেমন রে ?'

রে তার ? তেইশ চবিবশ ?'

'লোকে ত বলে খুব ভাল ছেলে। কিন্তু আমি আর বকতে পারব না। ভাত পুড়ে গেল বোধহয়।'

'—হুঁ। আচ্ছা, যা তুই।'

পরের দিন হাটবার। নতুন মাল এসে পোঁচেছে সর্বেশ্বরের।
ভিজ্ঞ খুব। মামলার মাছলিরই চাহিদা বেশি। এ ছাড়া আছে
ছেলে গ্রার—ছেলে না হবার। এক বৃদ্ধ এসে বলে, দাদা ছেলের
বোটি আবার পোয়াতি হয়েছে; ছেলে না হয়ে মেয়ে হয়, এমনি
করা যায় না ? এমন কোন মাছলি আছে নাকি ?'

সর্বেশ্বর অবাক হয়ে প্রশ্ন করে—'সে কি, ছেলেই ত ভাল। মেয়ে কী হবে ?'

মুচকি হেসে লোকটি উত্তর দেয়—'মেয়েকে একবার খরচ ক'রে পার করলেই চলে যায়। ছেলে থাকলে বিষয় ভাগ হবে। ভাগ হ'তে হ'তে শেষে কিছুই যে থাকবে না। হেই দাদা—অনেকদ্র থেকে এসেছি অনেক খরচা ক'রে। একটি মাতুলি ক'রে দাও লক্ষ্মী ভাই।'

আর একজন একপাশে ডেকে নিয়ে গিয়ে বললেন—'মামার বিষয় আমারই পাবার কথা। এতকাল তাই শুনে এসেছি। মামার বাট পেরিয়ে যেতে নিশ্চিন্ত হয়ে এসে বসেছি চাকরিবাকরি ছেড়ে। এখন শুনছি ছেলে হবে। এর একটা ব্যবস্থা হয় নাদাণি? আমি বেশ কিছু ধরে দেবো।'

সর্বেশ্বর খানিকটা চোখ বুজে দাঁড়িয়ে থেকে প্রশ্ন করে, 'মাছলি মামীকে পরাতে পারবেন ?'

'কেন ? মানে আমি যদি পরি—কি আমার বৌ পরে ?' 'আপনি মাছলি পরবেন—আপনার মামীর ছেলে নষ্ট হবে ?'

#### কঠিন মায়া

'সঙ্কটমোচন মাত্রলি আপনার—এর চেয়ে আর কী সঙ্কট আছে বলুন ?'

'তা বটে। তাও আছে। কিন্তু পঁচিশটি টাকা লাগবে, দেখুন। এসব অর্ডিনারি মাত্তলির মারক শক্তি থাকে না।' 'পঁচিশ টাকা! আচ্ছা দেন তাই—কিন্তু কাজ হবে ত ?'

'তা বলতে পারব না ভাই। গুরুর মাছলি, আমি ত বাহকমাত।'

বিপ্রদাস ঘুরতে ঘুরতে এসে পড়েছিল। সব গুনে বলে—'যদি কাজ না হয় ? এরপর এসে যদি বলে বেশি দাম নিয়েছিলে কাজ হ'ল না কেন ?'

সর্বেশ্বর প্রশান্ত মুখে উত্তর দেয়—'তখন বলব তোমার মামী কোন বেশি শক্তিশালী মাছলি পরেছিলেন। বুড়ো বয়সের ছেলে—এতদিনে কি আর চারটে মাছলি ঝোলায়নি।'

ছপুর লাগাত ভিড় কমতে স্থরেন এসে জেঁকে বসে ওর পাশে।

'—কী হে স্থরেনচন্দর যে, কী মনে ক'রে ? কেমন আছ ?' স্থরেন মাথাটা চুলকে বলে—'তা দাদা সত্যি কথা বলব ? তোমার মাছলিটা পরে ইস্তক দিন আমার ভালই যাচ্ছে।'

'বেশ, বেশ। দেখি একটা বিভি বার করে।।'

শশব্যত্তে বিভিটা দিয়ে স্থরেন বলে, 'কিন্তু দাদা আর একটু প্রসার স্বচ্ছল না হ'লে ত চলছে না। বামুনের ছেলে কত দিন আর বিভি পাকাই বলোত ?' 'বিড়ির কারবারে আর কত আসবে বলো? বরং লটারির টিকিট কেন, যদি কিছু আসে।'

সুরেন আরও গলা নামায়! প্রায় ফিসফিস ক'রে বলে—
'কিনেছি দাদা একটা টিকিট— হ টাকা দিয়ে। সেই জত্যেই ভ
তোমার কাছে আসা। তোমার গুরুদেবের এমন কোন মাছলি
নেই যাতে ওটা নির্ঘাৎ লেগে যায়!'

'আছে কিন্তু তার দাম কে দেবে ? সে মাছলির দাম দিতে গেলে তোমার বিড়ির দোকান বেচতে হবে যে। তাতেও কুলোবে না।'

'—কত দাম দাদা ?' সোৎস্কুকে তাকায় ওর মুখপানে।

সর্বেশ্বর একবার ওর মুখের দিকে স্থির দৃষ্টিতে চেয়ে বললে— 'আড়াই শ'টি টাকা লাগবে। অভীষ্টসিদ্ধি মাছলি বলে ওকে। যে-কোন অভীষ্ট ক'রে সে মাছলি পরবে তাই সিদ্ধ হবে। কিন্তু ঐ একবারই।'

'একেবারে অতটাকা। তার কমে আর কোন জিনিস নেই ?' 'উহু—'গন্তীরভাবে ঘাড় দোলাতে দোলাতে বলে সর্বেশ্বর। 'একটু দ্বাখোনা দাদা ভেবেচিন্তে!'

'হবার যো নেই ভাই। ঐ জন্মেই ত বললুম তোমাকে যে, তুমি পারবে না।'

কিছুক্ষণ ছজনেই চুপচাপ বসে রইল। তারপর হঠাং সুরেন ওর তুটি হাত চেপে ধরলে, 'দোহাই দাদা, তু'শটি টাকায় মাতৃলিটি আমায় ক'রে দাও। দিতেই হবে তোমাকে।'

'সে ভাই বোধহয় পারব না।'

'দোহাই দাদা, আমার ছোটভাই এই টাকাটা পাঠিয়েছে একটা জমি কেনার জন্মে। তার এতদিনের সঞ্চয়, সেই থেকেই দিচ্ছি এখন। আর কিছু নেই।'

'দেখি গুরুদেবকৈ ব'লে। কিন্তু কেন একাজে যাচ্ছ ভাই ? যদি কোন ফল না হয়, তখন ত আমাকে গালাগাল দেবে।'

'সে আমার অদৃষ্টে যা আছে তাই হবে। তোমাকে দোষী করব না, কথা দিচ্ছি।'

'তাহ'লে আজই গুরুদেবকে টাকাটা পাঠিয়ে একটা চিঠি লিখে দিতে হয়। ওর আবার একটা বিশেষ হোম আছে কিনা।'

'তুমি চিঠি লিখে দাও। আমি সন্ধ্যের মধ্যে নিশ্চিত তোমাকে টাকাটা পোঁছে দেব, তাহ'লেই হবে ত?'

'আচ্ছা তাই দিও।…'

স্থরেন চলে গেল। কিন্তু সর্বেশ্বর বহুক্ষণ সেখানে স্থির হয়ে বসে রইল, তার চোখে অদ্ভুত একটা দৃষ্টি।

হাট থেকে ফিরতে পুঁটি ধমক দিয়ে ওঠে—'আজ আর কি তোমাদের বাড়ি ফেরবার কথা মনে ছিল না দাদা? স্থয়িয়ে যে পাটে বসছে। গরম জল বসিয়ে রেখেছিলুম সে জল ফুটে ফুটে মরে গেল।'

'থাকগে, আজ আর গরম জলে দরকার নেই। আমিও ভটচাযের সঙ্গে পুকুর থেকে ডুব দিয়ে আসিগে।' 'হাা, তা আর নয়! শহরের মানুষ, অভ্যেস নেই, একদিনের জন্যে পুকুরের জলে চান ক'রে জ্বরে পড়ুন আর কি। তখন দেখবে কে? কতক্ষণই বা লাগবে? তামাক খেতে খেতে আমার জল গরম হয়ে যাবে।'

সেদিনও সারা তুপুর ঘুমোতে পারলে না সর্বেশ্বর। খানিকটা ছট্ফট্ ক'রে তিনটে বাজবার আগেই বাইরের দাওয়ায় গিয়ে বসল। বিপ্রদাস দোকান যাবার জত্যে বেরিয়ে ওকে ঐ অবস্থায় বসে থাকতে দেখে বললে—'কৈ, ঘুমোওনি মুখুজ্জে?'

'ঘুমটা এলো না ঠিক। তারপর—চললে?'

'হাঁ।—কাল মনে করেছি সকালের ট্রেনেই কলকাতা চলে যাবো। তাই কাজকর্ম সব এখন থেকে গিয়ে বুঝিয়ে দিইগে।'

'কেন, কলকাতা কেন ?'

'বাঃ—বাজার হাট চাই না? এমনিই ত মা বকাবকি করেছেন। পরশু বিয়ে—কালও বাজার না করলে চলবে কেন ?'

'পরশু—মানে এই পরশুই ?'

'হাঁ।—হাঁ। কাল বাদে পরগু। বলে, যার বিয়ে তার মনে নেই—পাড়াপড়শীর ঘুম নেই!' হেসে বিপ্রদাস চলে যায়!

সর্বেশ্বরের যেন বিজিও ভাল লাগে না। ঘর-বার করে সে।
পুঁটি চা এনে চোকির উপর রেখে চলে যাচ্ছিল, হঠাৎ সর্বেশ্বর

ত্তর পথ আগলে দাঁড়াল।

'দাঁড়া একটু, কথা আছে।' পুঁটি অবাক হয়ে তাকাল, রাঙাও হয়ে উঠল একটু। 'সে ভাই বোধহয় পারব না।'

'দোহাই দাদা, আমার ছোটভাই এই টাকাটা পাঠিয়েছে একটা জমি কেনার জন্মে। তার এতদিনের সঞ্চয়, সেই থেকেই দিচ্ছি এখন। আর কিছু নেই।'

'দেখি গুরুদেবকৈ ব'লে। কিন্তু কেন একাজে যাচ্ছ ভাই ? যদি কোন ফল না হয়, তখন ত আমাকে গালাগাল দেবে।'

'সে আমার অদৃষ্টে যা আছে তাই হবে। তোমাকে দোষী করব না, কথা দিচ্ছি।'

'তাহ'লে আজই গুরুদেবকে টাকাটা পাঠিয়ে একটা চিঠি লিখে দিতে হয়। ওর আবার একটা বিশেষ হোম আছে কিনা।'

'তুমি চিঠি লিখে দাও। আমি সন্ধ্যের মধ্যে নিশ্চিত তোমাকে টাকাটা পোঁছে দেব, ভাহ'লেই হবে ত ?'

'আচ্ছা তাই দিও।…'

স্থরেন চলে গেল। কিন্তু সর্বেশ্বর বহুক্ষণ সেখানে স্থির হয়ে বসে রইল, তার চোখে অদ্ভুত একটা দৃষ্টি।

হাট থেকে ফিরতে পুঁটি ধমক দিয়ে ওঠে—'আজ আর কি তোমাদের বাড়ি ফেরবার কথা মনে ছিল না দাদা? স্থয্যি যে পাটে বসছে। গরম জল বসিয়ে রেখেছিলুম সে জল ফুটে ফুটে মরে গেল।'

'থাকগে, আজ আর গরম জলে দরকার নেই। আমিও ভটচাযের সঙ্গে পুকুর থেকে ডুক দিয়ে আসিগে।' 'হাা, তা আর নয়! শহরের মানুষ, অভ্যেস নেই, একদিনের জন্মে পুকুরের জলে চান ক'রে জ্বরে পড়ুন আর কি। তখন দেখবে কে? কভক্ষণই বা লাগবে? তামাক খেতে খেতে আমার জল গরম হয়ে যাবে।'

সেদিনও সারা তুপুর ঘুমোতে পারলে না সর্বেশ্বর। খানিকটা ছট্ফট্ ক'রে তিনটে বাজবার আগেই বাইরের দাওয়ায় গিয়ে বসল। বিপ্রদাস দোকান যাবার জত্যে বেরিয়ে ওকে ঐ অবস্থায় বসে থাকতে দেখে বললে—'কৈ, ঘুমোওনি মুখুজ্জে?'

'ঘুমটা এলো না ঠিক। তারপর—চললে?'

'হাঁ।—কাল মনে করেছি সকালের ট্রেনেই কলকাতা চলে যাবো। তাই কাজকর্ম সব এখন থেকে গিয়ে ব্বিয়ে দিইগে।' 'কেন, কলকাতা কেন ?'

'বাঃ—বাজার হাট চাই না? এমনিই ত মা বকাবকি করেছেন। পরগু বিয়ে—কালও বাজার না করলে চলবে কেন?' 'পরগু—মানে এই পরগুই?'

'হাঁ।—হাঁ। কাল বাদে পরগু। বলে, যার বিয়ে তার মনে নেই—পাড়াপড়শীর ঘুম নেই!' হেসে বিপ্রদাস চলে যায়!

সর্বেশ্বরের যেন বিড়িও ভাল লাগে না। ঘর-বার করে সে। পুঁটি চা এনে চোকির উপর রেখে চলে যাচ্ছিল, হঠাৎ সর্বেশ্বর ওর পথ আগলে দাঁড়াল।

'দাঁড়া একটু, কথা আছে।' পুঁটি অবাক হয়ে তাকাল, রাঙাও হয়ে উঠল একটু। 'আচ্ছা, আমি মানুষটা কেমন রে ?'

'ও আবার কি কথা ? মানুষ মানুষের মতই। হাত চোখ কান নাক সবই ত আছে দেখছি।' পুঁটি মুখ টিপে হাসে একটু।

'আচ্ছা আমাকে তোর ঘেনা করে না। ঠিক ক'রে বল পুঁটি। তুই ত মিছে কথা বলিস না।'

'কী হয়েছে আজ আপনার বলুন ত ? মাথাটাথা খারাপ হয়ে গেছে নাকি ?'

'নারে। মাথা খারাপ নয়। আচ্ছা পুঁটি, তোর সঙ্গে ত আমার বিয়ে হচ্ছে। আমি ত এই মানুয—নোংরা, জঙ্লী, বুজরুক! আমাকে তোর ঘেনা করবে না ় ঠিক ক'রে বল্—'

'কত কথাই জানেন আপনি। সরুন—মা ডাকছেন।' পুটি একরকম ওকে ঠেলেই বেরিয়ে যায়। সর্বেশ্বর হতাশ হয়ে এসে চৌকিতে বসে।

পরের দিন অন্ধকার থাকতে সর্বেশ্বর উঠে পড়ে। বিপ্রাদাস তখনও ঘুমোচ্ছে। পুঁটির মা ঘাটে গেছেন। পুঁটি সবে উঠে উঠোনে ছড়া দিচ্ছে। সর্বেশ্বরের সারারাত ঘুম হয়নি। তুই চোখ লাল। উদ্ভান্তের মত চেহারা। সর্বেশ্বর ইশারা ক'রে ওকে ডাকলে—'এই পুঁটি শোন। এদিকে একবার শুনে যা।'

পুঁটি ছড়ার হাঁড়িটা নামিয়ে রেখে কাছে আসে।—'এত ভোরে আজ উঠেছেন যে। এ কী জামাটামা গায়ে দিয়ে চললেন কোথায় ? দাদা ত এখনও ঘুমুচ্ছে।' —তা ঘুমুক। শোন তুই। যা বলছি মাথা ঠাণ্ডা ক'রে শুনে রাখ। এই নে ধর—এই কাগজের মোড়কটাতে পাঁচশ টাকার নোট আছে। দাদা উঠলে তাকে দিয়ে বলবি যে আমি এটা দিয়ে গেছি—তোর বিয়ের যৌতুক। স্থারেনের ভাইয়ের সঙ্গেই যেন তোর বিয়ে দেয়।'

পুঁটির মুখ বিবর্ণ, হয়ে ওঠে। সে কোনমতে ঢোঁক গিলে বলে—'ওকি ? এসব কি—তুমি…?'

'আমি চললুম।'

'চললে কি ? আমি দাদাকে ডাকি—।'

'চুপ চুপ। তোর পায়ে ধরছি পুঁটি, গোল করিসনি। ভেবে তাখ, আমার সঙ্গে বিয়ে হ'লে তোর তুর্গতির শেষ থাকবে না। তোর ভালর জত্যেই আমি চলে যাচ্ছি। তোর কাছে যে সেবা আর যত্ন পেয়েছি এ তুমাস—জীবনে কখনও তা পাইনি। এ কথা আমার মরণকাল পর্যন্ত মনে থাকবে। তার বদলে তোর এমন সর্বনাশ আমি করতে পারব না।'

'—সর্বনাশ ?' কোনমতে পুঁটির কণ্ঠ ভেদ ক'রে প্রশ্নটা বেরিয়ে আসে।

'তা নয়ত কি। এই ত চেহারা আমার, বয়েসের গাছপাথর নেই। তাছাড়া সংসারে আমি কোনদিন আটকে থাকতে পারব না। কোনদিন মন হবে—কোথায় চলে যাবো। শেষকালে তোকে দিনরাত চোখের জলে ভাসতে হবে। তার চেয়ে আমি চললুম—ভটচাযকে ব্ঝিয়ে বলিস, ঐ স্থরেনের ভাইয়ের সঙ্গেই যেন সব ঠিক করে—।'

সর্বেশ্বর ছুটেই বেরিয়ে যাচ্ছিল। পুঁটি পেছন থেকে ডাকলে—'শোন শোন। একটু দাঁড়িয়ে যাও।'

সর্বেশ্বর ফিরে দাড়ায়—'কী আবার।'

'এই টাকাটা। নিয়ে যাও। এতে আমাদের দরকার নেই।' 'তার মানে ?'

'আমরা কি ভিথিরী যে ভিক্লে দিয়ে যাচছ ? আমাকে তোমার পছন্দ হয়নি, আমাকে নিয়ে ঘর করতে ঘেনা করবে—কথাটা স্পষ্ট করে বললেই ত পারতে! নিয়ে যাও ভোমার টাকা—আমার অদৃষ্টে যা আছে তাই হবে।'

সর্বেশ্বর বিমৃত দৃষ্টিতে খানিকটা চেয়ে রইল ওর দিকে—'এই ছাখ্। এ সব কথা আবার ভোর মাথায় ঢুকল কী ক'রে? আমি ত ভোর ভালর জত্যেই…মানে অল্লবয়সী স্থানর বর হবে, সেই জত্যেই ত্—'

'চাইনে আমার ভাল। আমার ভাল কে ভাবতে বলছে ?' সর্বেশ্বরের চোখ মুখে ফুটে ওঠে অকৃত্রিম বিস্ময়—'হ্যারে, তা হ'লে কি তুই আমাকেই—? সত্যি ক'রে বল দিকি।'

'জানিনা যাও।' পুঁটির কণ্ঠস্বর কেঁপে ওঠে বার বার, 'অত ভাকামি আমার ভাল লাগে না। যেতে হয় যাও, দাদাকে ডেকে দিচ্ছি, যা বলতে হয় তাকেই ব'লে যাও। মোদ্দা টাকা দিয়ে আমাকে ভোলাতে যেও না, ঐ টাকায় আমি তা হ'লে তোমার সামনেই আগুন ধরিয়ে দেবো।'

সর্বেশ্বর ধপাস ক'রে দাওয়ার সিঁভিটার ওপর বসে পড়ল।